

رواية

المطيابة

محمد زيدان

الطَّيَّار

رواية

محمد زيرداد



ليبيت للنشر
والتوزيع

الإهداء

تُقى أختى حبيبتي .. دعمك ليا أكبر موتور بيشدنى و أنا عطلان .
ماما .. أكيد مبحبش حد أد ما بحبك ما تسبنيش إلا وأنتى راضية عني وسعيدة بيه .
بابا .. احنا رجال أعمال زي بعض بس كل واحد فينا من جيل مختلف علشان كده دايما
بنختلف ، لولاك عمري ما كنت هوصل لاي حاجة النهارده أو بكره أو بعد اي يوم فى
حياتي ، عارف إنك بتشيل كتير بس قلبك أبيض سامحنى وأنت الكسبان :)
واد يا شريف يا فايز مش معني إني كتبت إسمك إن أنت شخصيه ولا حاجة ، بس تشجيعك
ليا ولكتابتى يجبرني أهديلك الكتاب ده مع كل اللى بحبهم .. ماما وبابا وتقى وآية وندى
ويوسف .

الطيار

بدأت محكمة الجن يومها مزدحمة عن آخرها . تستمع إلى أصوات الجن والإنس في كل مكان ، فالصوت في البهو الضيراني يتردد بقوة ، وحركات المساجين من الجن علي الأرض وفي أرجلهم السلاسل تُصدر صوتاً يقشعر له الأبدان ، وعندما يجد الجن المقيد اي فرد من أسرته تجدهم يبدؤون في رفع أصواتهم بطمئنته ، ويقترّبون منه ويحضنونه ، ولكن حُرّاس البهو يمنعونهم ؛ لأنهم يريدون أن يصلوا بالمسجون إلي القاعة دون اي حيلةٍ تجعل المسجون يهرب ، فرغم السلاسل الكبيرة التي تربط رجل المسجون ويدها والتي تزن وزن إنسيّ ، فالجن لهم حيل كثيرة للهروب من هذا البهو ، ورغم إمتلائه بالحراس الذين يقفون أعلي العمدان التي يزيد إرتفاعها عن المائة متر تحت الأرض يستطيعون فعل ذلك ايضاً في البهو الذي هو عبارة عن مساحة كبيرة من الأرض مليئة بالعمدان الأسمنتية، وسقف ذلك البهو من النحاس الملون ، والأرض التي يسير عليها الجن من براده الحديد . يُضاء البهو بالفانوس الأخضر الذي يشع نوراً أخضر ينير البهو كله الذي يزيد مساحته عن آلاف الأمتار ، أما الفانوس فهو في منتصف البهو ، بناه كيران أسمع الضيراني حفيد الضيراني الذي بني البهو منذ سبعمائة عام ، وكان الضيراني قد بني البهو في الأساس للعلم ، فالضيراني جنٌ طيار عابِدٌ لله، كان يتنكر في جسد إنسيّ ويذهب ليحضر دروس ابن عطاء الله السكندري ، وتعلّم علي يديه كلّ علوم الدين ، ثم أعجب بمسجد السلطان حسن عندما بُني ، ووجد فيه كيف تُعلم المدارس الأربعة لعلوم الدين ، وأراد أن يفعل هذا في عالم الجن ويُنشئ مدارس لتعليم الجن ، لكنه حُورِبَ من الأربني ملك الجن حينها وأعوّاه ونفوه بعيداً عن عالم الجن ، ولكنه ذهب

للشيخ

ابن عطاء الله السكندري في قبره بسفح المقطم وشكى له حاله ونام علي قبره ، فجاءته رؤية يسأل فيها الشيخ ابن عطاء الله أنه يريد أن يُنشئ مدرسة للدين في عالم الجن ، لكنه نُفي من هناك فأخبره ابن عطاء الله في الرؤية أن ينشيء مدرسته أولاً علي الأرض قبل أن يُنشأها تحت الأرض . قام حينها الضيراني بإن شاء مدرسته في الصحراء الشرقية ، وأخذ يجمع أكبر عدد من الجن ليعلمهم علوم الدين ، ثم أتته رؤية لابن عطاء الله يخبره أنه حان الوقت لينزل إلي تحت الأرض ، ويتولي الراية وينشر الإسلام، كما كُتب له أن ينشر بدلاً من الملوك الذين يدعون الإسلام دون أن يعرفوا عنه شيئاً . ونزل الضيراني

وبدأ يحارب الأربني واستمرت الحرب خمسين عاماً ، ثم أنتصر الضيراني ، وحكّم عالم الجن وأنشأ البهو
ليُدرس فيه علوم الدين

والقضاء والطب والفلك ، ثم أتى حفيده كيران الذي درس الفلك وكان جنّاً طياراً ايضاً، يسافر إلى
النجوم ، ويحارب الجن الذين يسترقون السمع ويحكم عليهم بالموت ، وأحضر النور الذي يضيء
الفانوس الأخضر من النجم الأخضر الذي يبعد الاف الأميال عن الأرض ولم يستطع أول الأمر أن
يخضره ، فهذا النجم انقسم قبل خمسمائة عام إلى جزئين وتبقى جزء صغير ، ولكن حجمه كان يعادل
حجم مصر كلها ، ولم يستطع كيران أن يحركه معه إلى الأرض ولم يعرف ماذا يفعل مع هذا النجم ،
لكن الله هدي له فكره الزجاج البلوري والذي أحضره من كوكب عطارد الذي لا يستطيع أحد الدخول
إليه لقربه من الشمس ، ولكن كيران صنع لنفسه وهو واعوانه رداءً من الشعب المرجانية التي تنمو أسفل
المحيطات عند مناطق انفجار مركز الكرة الأرضية والتي يحدث بها براكين دائماً ، وتظل الشعب تعيش
وسط البراكين . وارتدي هو وأعوانه تلك الملابس وذهبوا إلى عطارد ، وأخذوا الزجاج البلوري ، وذهبوا
إلى النجم الأخضر ، ومالأوا منه نوراً ووضعوه في ذلك الزجاج ، ثم عاد إلى البهو وصنع فانوسه الذي
يصل إرتفاعه إلى ثلاثين متراً ، وعرضه عشرون متراً ؛

يأخذ شكلاً بيضاًويُؤيِّا ، صنعه من النحاس المخلوط بماء الذهب ، وتركه مفتوحاً لم يغلقه بزجاج .
صنع فقط الهيكل الخاص به ثم ملأه بالزجاج البلوري الذي كان يتفأوت حجمه وشكله ، وكان يصعب
ربطه ببعضه ؛ فأخذ حينها الزجاج البلوري وفرده في كوكب الزهرة وحولّه إلى كرة بيضاءوية واحدة ، ثم أتى
إلى هيكل الفانوس وفكّه ، ووضع الكرة وبداخلها النور الذي فقد بعضاً منه علي كوكب الزهرة داخل
الفانوس الموجود حالياً في ذلك البهو الذي تحول معظمه إلى ساحةٍ للقضاء فقط وخرجت كل المدارس
منه ؛ منها : من أنهى تماماً ، ومنها من ظلّ لكن البهو الضيراني الآن هو للقضاء فقط يحكم فيه قضاة
ممن تعلّموا القضاء في الأرض ، وقد أنشأ اسمد الضيراني مجموعه تُسمى المقتطبة يذهبون إلى العلماء
والمشايع والقضاة يصاحبونهم ، ثم يُمهدون لهم الطريق ؛ ليعبرونهم أنهم جنّ ، ويطلبون منهم النزول إلى
باطن الأرض ومازالت تلك المجموعة تعمل حتي الآن فضلاً عن اي مجموعة أخرى ، وتمّ خروج منها
عدة مجموعات أخرى ؛ منها : حُرّاس السكة ، وحراس الأرض ، وحراس البهو. وبدأ القضاة يأتون من
الإنس ليفصلون في قضايا الجن ، وإذا أذى جنٌّ إنسيّاً يُحقّق حراس الأرض في الموضوع ويقومون بالقبض

علي الجني وحينها يحضر الجني محامياً انسياً : ليدافع عنه .. فتلك هي الحالة في البهو يومياً : جن وإنس يملأونه ذاهبين وعائدين من وإلى القاعات التي يقوم المحامون بالمرافعات أمام القضاة لتبرئة الجن من القضايا التي أسأؤوا فيها لأنسيين أو لبعضهم .

لا يستطيع الإنسيُّ السيرَ علي برادة الحديد ، فصنعوا لهم ممرَّ أَسْمَنِيَّاً يسرون عليه . كانت آية الشرقاوي تسير علي هذا الممر مسرعةً فهي دائما تشتكي من المسافة بين أول البهو والقاعات ، وتريد الآن أن تلحق الجلسة التي ستدافع فيها عن جابر رقيم الأشعم . جابر عليه حكمٌ غيابي ، عندما مرضت أمه واقتربت ساعتها قرّر المكوث بجوارها ؛ لأنه لم يكن يعيش في المملكة كثيراً ، فُبِضَ عليه بعدما توفت أمه ، ولم يُحضر محامٌ للدفاع عنه ، فهو يعيش بائساً بعد موت والدته التي وصته بعدم العوده إلي الخروج من المملكة . دخلت آية القاعة متأخرة وسمعت القاضي يتحدث :

- فين المحامي اللي هيترافع عنه ؟

حينها دخلت آية بسرعة وهي تنظر إلي جابر الموجود بالقفص ، كان يشبه كثيراً الإنس لولا حرق في وجهه وهو صغير أفقده عيناً وجعله بعينٍ واحدة أما جلده البني المائل للاحمرار لا يفرق كثيراً عن جلد الانسان ، فالجن يختلف أشكالهم عن الإنس ، ولكن منهم من يشبه قليلاً الإنس .

- أنا يافندم حاضرة عن المتهم جابر .

نظر إليها القاضي بغير رضا ، ونظر في ساعه المحكمة الفولاذية الموضوعة فوق الباب التي دخلت منه آية ، اقتربت آية من المنصة وهي ترتدي رويها الأبيض ووضعت ملفاً كبيراً كان بيدها جانباً

- حضرتك متأخره ليه ؟

- يافندم أنا إنسيه مبطرش حضرتك ، والمواصلات تحت صعبه جداً .

- شايفاني جني يعني ! ما أنا زي زيك وعندي روماتيزم وجاي قبلك بساعتين .

- ألف سلامة علي حضرتك يافندم .

- إتفضلي .

- نظر إليها جابر بغير اهتمام ، ونظر إلي القاضي وأخذ يلف برأسه في كل الاتجاهات حتي استقر علي جنيهِ كبيرة في القاعة ذكرته بأُمِّه .

- أنا بطلب من حضرتك تأجيل الجلسة حتي أقوم بدراسة القضية ؛

علشان والله لسه واخداها امبارح يافندم .

- نظر إليها القاضي بغير عناية ، ثم نظر إلى عدة أوراقٍ أمامه وقال :

- تؤجل إلي جلسه ٢/٧ .

- بعد إذنك يافندم أنا لسه مقعدتش مع المتهم ممكن أطلب الجلوس معاه .

رد القاضي بغضب :

- وأنا مالي شايفني حارس .

- آسفة يافندم أسفة .

شَعَرَ جابير بغير الرضا ، فجابير أخذ حكمًا غيايي بالحبس ٣٠٠ عامٍ ، وعندما قُبض عليه كان من المفروض تنفيذه ، لكنه يحق له اعادة الحكم طالما كان غياييا . ذهبت آية لتلتقي بجابير في السجن المحبوس فيه وهو سجن البحر الكبير الموجود اسفل البحر الأحمر ولا يوجد له منفذ من تحت الأرض والطريق الوحيد للخروج من خلاله هو الماء ، وقفت آية علي الشاطيء تلك الليلة في العين السخنة وخلفها الجبال التي تحضن البحر بإرتفاعٍ شاهقٍ ، تظهر في الظلام أشباح أكثر رعبًا من الجن ، ثم اتت المعديّة السوداء وهي مركب لا يراها إنسي ، سمعت آية ثلاثة تحبيطات ، فخبطت بمثلهم فوجدت الأرض تُضاء تحت مياه البحر فوضعت رجلها الأولى علي المياه التي اسفلها نور ، ثم رفعت الرجل الأخرى لتجد نفسها واقفة علي المياه ، ولكنها كَأنت علي المعديّة قالت آية :

- السلام علي أهل السلام ، علي أهل السنة والقرءان ، أهل الحق والخير علي أحفاد تلامذة العدنان .

فوجدت الإضاءة التي أسفلها تتحرك ، فتحرّكت مع الإضاءة ، وهي كالسائرة فوق المياه وسمعت

الصوت الاجش لعجوز :

- وعليكم السلام .

ثم تحرّكت مع النور حتي توقفت المياه عن الظهور تحت رجلها .

- اقعدي مكانك .

- اقعد هنا حضرتك ؟

لم تكن تري شيئاً ، وأخذت تحسب بيدها حتي وجدت شيئاً حديدياً جلست عليه ، ونظرت إلى المياه في الظلام لا تري شيئاً ولا تعلم كيف تجلس علي المياه ، ثم تحركت المعدية فأضاء نور سيارة متحركه لها البحر من تحتها ، فوجدت نفسها تجلس فوق المياه وتتحرك في الهواء فشهقت قائلة :

- اه !

- مالك ؟

- مفيش حضرتك .

- أنتي محامية ولا رايحة تزوري حد تعرفيه ؟

- لم تكن تعرف من تكلم حينها ، ولكنها ردّت :

- محامية .

- امال مالك ؟ أول مرة تركي معايا المعدية ؟

- اه حضرتك .

- علشان كده .

- بدأت تشعر بهواء البحر في وجهها وأنها طائره ، ولولا شعورها بارض أسفل منها لإنهارت .

- طب غمضي عينكي .

- حاضر .

وغمضت عينها ، ثم قالت :

- هو السجن بعيد ؟

فلم يرد ، حينها فتحت عينها لتجد نفسها تنزل أسفل المياه ، وتتنفس بشكل طبيعي وسمعت صوت اختراق المعدية للمياه ، لكنها لم يلمسها ماء فحاولت أن تحرك يدها في اي اتجاه فوجدت هواءً ، ثم نظرت في المياه ، فوجدت ضوءاً أحمر بعيداً لا تعرف مامصدره ونظرت إلى أعلي ، فوجدت سطح المياه فوقها ، اقتربت المعدية من الضوء ، فوجدته آية شعلهً علي عصاة مضاءة وسط المياه ، وخلف

الشعلة بابٌ حديديٌّ سمعت الصوت الأجش وهو يقترب منها :

- البسي ده .

فنظرت ، فوجدت مشمعاً معلقاً في الهواء قامت من مكانها وأمسكته لتجده رداً من البلاستيك وله

(زعبوط) ارتدته بالكامل ، ثم سمعت الصوت :

- الباب هيفتح ، مدي رجلك من علي المعدية وحطيتها جواه .

ثم وجدت الباب يُفتح للداخل ولايدخله ماء ، وسمعت أصوات مياه خفيفة تنزل علي رأسها فسارعت بوضع رجلها ناحية الباب الذي كان في نفس مستوي المعدية فوجدت مياه تصلها ولا تعلم من اين تصلها حتي دخلت بكامل جسدها بعد الباب لتجد نفسها علي أرض صلبة وأمامها صف طويل من الشعلات الحمراء المعلقة علي جدار ناحية اليمين تنير فقط الطريق التي لاتعرف مايوجد في يمينه أو في يساره ، ثم سمعت الصوت الاجش:

- المشمع .

فحينها خلعت من عليها ومدت يدها ناحية المعدية ، فوجدته يتحرك للخلف ثم سمعته يقول :

- خليك ماشيه علي طول .

سارت في الطريق المضاء بتلك الإضاءة الخافتة ، ثم وجدت باباً يفتح من الخلف تظهر منه إضاءة أقوى من الاضاءة المتواجدة فيها ، مرت ناحية الباب وعبرته ، فوجدت نفسها داخل غرفة مضاء بشكل جيد تظهر جدرانها خرسانية وبها ترابيزة وكرسي وعلي اليمين يوجد فتحة في الجدار يخرج منها نور ، اقتربت منها لتجد الباب يُغلق من خلفها ، ونظرت فيها فوجدت طبقاً به عظم ، ونظرت يميناً ويساراً ، ثم فوجئت بجني يجلس أمام هذا الطبق ، قزماً له قرنان وثلاثه عيون وينبت الشعر في وجهه من ناحية واحدة فشعرت بخضه وعادت للوراء ، بينما بدأ هو في الأكل من العظم :

- أؤمري .

- جابير رقيم الاشعم ، أنا المحامية بتاعته .

- وأنا اعملك ايه ؟

- عندي ميعاد بالزيارة .

وهمت في أن تخرج ورقه من شنتطتها .

- أنتي أول مرة ليكي هنا ؟

- اه .

- طب أقعدي علي الكرسي ده .
- وهو هيجي حضرتك ؟
- ماهو مرزوع جوه اهو .
- عادت بالنظر إلي الخلف ولم تجد شيئاً .
- مفيش حاجة حضرتك !
- هو مش باينلك ؟
- ونظر ناحية الترايزه :
- ماتتيل تبالنها ولا عايزهم يروقوك !
- حينها نظرت ناحية الترايزه مجدداً ، فوجدت ظهر جابر ظاهرًا .
- بانلك ؟
- أه بان ، شكرا يافندم .
- حينها أغلق القزم الشباك بقوة ، وترك آية وجابر في الغرفة وحدهم . ذهبت آية لتجلس أمام جابر فوجدته غير معتنٍ بها ، كان يشبه الإنس كثيراً لولا وجود عينٍ واحدةٍ في وجهه وعدم نمو شعر له في نصف رأسه الايمن وجدته آية يجلس علي الهواء .
- إيه ياعم زعلان مني ليه ومش عايزني اشوفك ؟
- نظر جابر بعينه الواحدة إلي آية ، وقال لها :
- تفتكري هتفرق ؟
- طبعاً هتفرق .
- هتفرق ازاي ؟! أنا كده كده واخد ٣٠٠ سنة هتخليهم ٢٥٠ يعني !
- وضعت آية شنطتها علي يد الكرسي وعدلت حجابها علي رأسها ، ثم قالت :
- هجبلك براءة .
- براءة إيه ! إنتي مبتدئة ! ده إنتي المحكمة إلي جاياكي ليا .
- مين قالك كده ؟

- أَمال بتدافعي عني ليه ؟! أنا معيش حاجة أديها لك ولا مستنياني أخذ براءة وأروح ادورك علي

الذهب في الجبل ؟

- لأ .

- أَمال ؟

- المحكمة هي اللي جابتني ليك أه ، بس أنا قيدت نفسي في المحكمة . أنا معرفش أنت مين ، بس

أنا عايزه طيار يعملني خدمة ، فأنا هطلعك براءة مقابل خدمة .

- اقتلك حماتك ؟

- لأ .

- جوزك ؟

- لأ .

- إبنك عنده سرطان وعايزاه يتعالج بره ؟

- الله أكبر لأ .

- أَمال ؟

أخذت آية نفسها ثم قالت :

- في واحد بحبه ...

فتح جابير عينه الوحيدة عن آخرها وإقترب منها :

- وعايزاه يحبني ويتجوزني أنت هتمسّه ، بس مسّ خفيف كده ، وتخليه يحبني ويحيي يتقدملي .

- أنتي هابلة يابت ماتروحي لأي دجاله تعملك عمل وتحطه في رجل كلب ميت .

- لأ لأ أنا مليش في الحاجات دي طبعاً .

- ورينا ! أَمال ليكي في إيه ؟! إنتي ممكن تطلبي من الطيار أنه يعملك أي حاجة ، إيه اللي يخليكي

تختاري ده يعني ؟!

- بحبه أوي يا جابير والله .

- والله .

- ده شكله إيه ده ؟

هدأت قليلاً ، ثم قالت :

- وسيم طبعاً ، عسل ، رجل ، أسمرائي .
- إسود يعني ، مشهور طيب ، غني ؟
- لأ والله ده عيادته جنب مكتبي وعلي أده .
- دكتور إيه ؟
- دكتور أسنان .

حرك جابر يده اليمين لأعلي ليعدل بها خصلات شعره ، فرأت آية السلاسل المربوط بها ذراعه اليمين التي لا تستطيع تحريكها يديها الإثنتين ، ورأت أصابعه السبعة ، ثم سأها :

- أنتي مكتبك فين ؟
- فوق .
- منا عارف إن مكتبك فوق . فوق فين ؟
- لوت آية بوزها وقالت :
- جسر السويس .
- أنتي من القاهرة يعني ؟
- أه .
- أصل أنتي شكلك مدي علي إسكندريه إسماعيلأويه . البنات هناك عقارب .
- أنا أصلا من أبو النمرس .
- أه فلاحه يعني ؟
- ميرسي علي ذوقك .
- وإيه اللي شغلك بقي في السكه الهباب دي ؟!
- أنا عايزة اشتغل كده .
- حمامية فوق وتحت ، أنتي شكلك لسه عندك ثلاثين سنة .
- إيه ثلاثين ايه !! ٢٣ بس .
- مش قوي كده ، أنا ممكن أمشيها لك ٢٧ بس مش ٢٣ .

- ٢٥ بصراحة .

- وماله ، إيه بقي اللي مشغللك محامية فوق وتحت ، ولا محامية تحت بس إيه اللي دخلك السكة

دي؟

- ستي الله يرحمها كأنت بتخأوي كده ، فأنا عارفه يعني السكة دي ،

رفع فمه لأعلي :

- أه ، هي منهم بتوع الأعمال والجن الكافر .

- ياعم بقي ماتعملش فيها بتاع ، إنت محكوم عليك ب ٣٠٠ سنة .

- بس مسلم .

- مسلم وعملت كده ليه ؟

غضب جابر من السؤال وتغيرت علامات وجهه وسكت قليلاً :

- هتطلعيني براءة إزاي بقي !؟

وضعت الشنطة علي الترايزه ، وأخرجت منها عدة أوراق وضعتهم علي الترايزه ، ثم وجدت الجني القزم

يفتح الشباك الفاصل بينهم وبينه ويتكلم وهو واقف علي الترايزه :

- سلمتي الموبيل بره ؟

نظرت آية له في خوف واستغراب .

- أنا ملقتش حد بره اصلا حضرتك وبعدين مفيش شبكة هنا .

- إنتي هتحكيلي قصه حياتك ، هاتي الموبيل ولو معاكي إثنين هاتيهم ، ولو معاكي سجائر

هاتيهما.

أخرجت الموبيل من الشنطة ، ثم أخرجت عليه السجائر المالبورو الأبيض ، حينها نظر إليها جابر :

- محجبه وبتشري سجائر !؟

فرفعت حواجبها وهي تنظر إليه ، وقالت :

- وفيها ايه يعني .

ثم ذهبت ناحية القزم وأخذت الموبيل والسجائر وأعطتها له ، فأخذهم منها وأغلق الشباك مسرعاً ،

وعادت إلي مكانها ، ثم وجدته يفتح الشباك مرة أخرى .

- لو معاكي ولاعة هاتيها .

فأخذت الولاة من الشنطة وذهبت بها إليه وأعطتها له ، وقالت :

- ليه يعني؟!...

لكنها لم تكمل كلامها فأغلق الشباك مسرعاً وأخرج سيجارة ووضعها في فمه ، وأخذ يدخنها

ومسك الموييل وأخذ يقلب في صورها ، وقال :

- يارب ييقي عندها صور ليها وهي عريانة .

عدلت آية الورق علي الترايزه ، وأخذت تكلم جابير وهي جالسة :

- بص هو أنت كده كده حكمك ده كان غيايي فهما لازم يبالغوا فيه ، أنا بصيت في القضية

لقيتها فيها ثغرات من كتاب (قانون الجن) ، وأخرجت الكتاب : فنظر جابير إليها :

- أنتي قريتي الكتاب ده ؟

- أه .

- قريته إمتي ؟

- قريته وخلاص .

- قريته إمتي ؟

- قريته وأنا بقرا قضيتك .

رفع جابير حاجبه الايمن بقوة :

- أنتي كسبتى كام قضية قبل كده؟

سكتت آية وفتحت فمها .

إقترب جابير منها:

- كسبتى كام قضية قبل كده؟

لم تنطق آية .

- خسرتى كام قضية قبل كده؟

ظلت آية ساكتة .

- إترافعتى في كام قضية قبل كده؟

- دي أول واحدة بس..

لم تكمل آية الكلام حتي وجدت جابير يقرب يديه من وجهها لكن السلسلة منعتة، وقامت آية من مكانها.

- وعاملالي فيها ناصحة وأنا ومختارك، أنا قلت رجائي عطيه اللي هيدافع عني
قالت آية وهي واقفة:

- والله هطلعك براءة وهتشوف والله أنا في المدني وفي الجنائي شاطرة جدًا وأسأتدتي في الكلية كانوا
بيقولوا إن أنا ممتازة.

شأور لها بيده وقال لها:

- تعالي إقعدني ماتخافيش.

اقتربت آية وجلست أمامه.

- أنتي إترافعتي في كام قضية فوق؟

لم تتكلم آية ولت يداها إلي جانبها ووضعتهما أمام وجهها. ورجعت إلي الخلف حينها إحتفي
جابير، وأخذت تنظر إليه وتنظر في كل الاتجاهات.

- جابير جابير هطلعك براءة والله أنا شاطرة جدًا.

تكلم جابير وهو مختفٍ:

- وبتقوليلي عندك ٢٣ سنة ماهو اكيد ٢٣ سنة علشان كده ماشتغلتيش قبل كده وأنا حمار
وبسمعلك.

- ٢٨ والله ياجابير.

عاد جابير للظهور.

- ٢٨ وما إترافعتيش في ولا قضية؟!

- هما مش ٢٨ أوي هما ٢٦ .

- أعمل فيكي إيه؟! اطلب من المحكمة محامي تاني؟ مش عارف هيجبولي ولا لأ. ما أنا لو هطلع

براءة كان جه أي محامي تقيل إترافع عني مقابل خدمة بس أكيد كلهم شايفين القضية خسارانه

فسابوها فجيتي أنتي.

سكتت آية فترةً، ثم بكت وظلّت تبكي مثل الأطفال الصغيرة، ونظر لها جابر ولا يعرف لماذا تبكي.
- والله العظيم أنا شاطرة ومحدث بيديني فرصتي علشان أنا أذكي منهم كلهم و هم خافين مني، أنا شاطرة والله العظيم.

- بس ياماما.. بس يا حبيبي.

غضب جابر وبكل قوته أصدر صيحة في وجهها:

- بس .

فسكتت آية.

وفتح القزم الشباك وفي يده السيجارة وأمامه التليفون المحمول يشاهد عليه صور آية، وقال:

- في إيه بتعيطها ليه ياله؟

قال جابر في سره:

- وربنا لو ملكتك.

ثم رفع صوته وقال:

- مفيش مفيش.

فأغلق الشباك بسرعة ثم تكلمت آية:

- إديني فرصه والله وهطلعك براءة.

- هتطلعيني إزاي براءة يا آية؟

- أول حاجة التحريات اللي اتخدت بعد الجريمة اللي أنت قمت بيها حراس الأرض قالوا إن هما عملوا تحريات قبل البوليس مايحيي ، والتحريات اللي هما عملوها مكنش ليها علاقة بتحريات البوليس ودي عمرها مابتحصل، تاني حاجة الرجل اللي أنت قتلتة ده كان بيشغل في السحر الأسود، والأعمال السفلية وحراس الأرض قالوا إن أنت كنت بتشتغل معاه واختلفتوا فقتلتة بس أنت مكنتش بتشتغل معاه احنا هنقول ان هو كان بيحاول يجندك بجن كافر وكان بيعتھملك علشان يجبوك وأنت كنت بترفض،

ليلتها هو كان مسير جنه يقبضوا عليك ويجبوك عنده ولما مسكوك مكنش قدامك حل غير إن أنت تقتله علشان هما يسبوك تالت حاجة الرجل ده شغال بقالوا كثير في السحر الأسود وحراس الأرض سايبينه ييقي هو أكيد كان بيدفعلهم رشوى.

- كل اللي أنتي قلتيه ده محصلش.

- أمال إيه اللي حصل ،أنت قتلته ليه ولاهو مات ليه؟

- أنا مقتلتوش أصلا.

- هو إيه اللي مقتلتوش ياعم هو أنا القاضي بتكذب عليه ليه؟!

- أنا مبكذبش أنا مقتلتوش فعلاً.

- أمال إيه اللي حصل؟

- أنا روحت لقيته ميت.

- ياعم شغل الأفلام العربي القديم ده القاضي مصري هتقله روحت مسكت السكينة وبعدين لقوا

عليها بصماتي!

- سكينة إيه؟!

أنا روحت لقيته ميت ولقيت الحراس عنده ومشيت.

- يعني الحراس اللي قاتلينه، طب أنت روحت ليه؟

- كان في مشاكل وكنت بدور علي حد عنده .

- طب الحراس ليه كتبوا في الحالة إن هما راحوا لقوك هناك وبتحاول تهرب!!

- معرفش أنا مقعدتش في المملكه مدة من عشرين سنة إلا مع مرض أمي ،نزلت قعدت معاها

وفوجئت إن علي حكم بعد ماماتت كمان وقالولي تعالي

- أنا لو مشيت ورا اللي أنت بتقوله ده هوصل لايه؟ الثلاث حراس اللي كتبوا الحالة محدش عارف

مكانهم ،وأنت عليك حكم هروح أقول للقاضي ايه هو أصلا مفيش قدامنا إلا ورق الحالة اللي

هما كاتبينه

وأخرجت ورقة من الأوراق التي أمامها:

- دخلنا إلى الشقة فوجدنا القتل ينزف ،والقاتل يحاول الهرب وعند محاولتنا القبض عليه فشلنا؛
لأنه كان جثًا طياراً اختفي من أمامنا ولم نعرف إلى أين ذهب.

- يعني إيه ؟

- معرفش طب أنت بتفكر في إيه؟ عايز إيه من القضية؟

- عايزك تطلعيني براءة.

- طب أنا لو مكنتش ظهرت قدامك؟

- كنت ههرب.

- من هنا؟

- وهما بينقلوني أنا طيار أعرف أهرب من أي حته.

- طب قدام هي كده كده بايزه معاك ،ماتسبني أقول اللي أنا محضراه.

- إن أنا قتلتها؟!

- صدقني هتطلع براءة قتلتها لسبب عمر ما واحد بيشغل في السحر الأسود يموت ويتحكم علي

قتله ب ٣٠٠ سنة ده حكم خيالي أنت أخرك ١٠ سنين .

- طب لو سيادتك جبتيلي عشر سنين ما أنا مش هخلي الواد يحبك

سرحت لثانية.

- محمد.

- هو اسمه محمد.

- أه .

سكتت لفترة ثم قالت:

- مش مشكله دلوقتي بس أنا مش هعرف أقول اللي أنت عايزه إن أنت مقتلتوش وإن الحراس

كذابين، القاضي هيعند معايا وهيديك ١٠٠ سنة .

- يعني هتثبتني التهمة عليها؟!

رفعت يدها لأعلي وقالت :

- ده حلي الوحيد لكده لاما مش هعرف.

- إفرضي حكم عليه بالاعدام .
- خلاص خلّي حد غيري يتراجع.
- إنتي واثقة إن إنتي هتطلعيني براءة.
- خليها علي الله.
- هدأ قليلاً ثم قال:
- ونعم بالله.

* * * *

أتى ميعاد المحاكمة سريعاً ووقف جابير في القفص مُكبلاً بتلك القيود يتحدث مع آية .
سمعت آية دقة الساعة الموجودة فوق الباب ثم وجدت قرماً يقف بعد الباب ،الذي يخرج منه القضية
يقول:

- محكمة .

حينها تركت آية جابير، وذهبت لتقف مكانها مع الجن الواقفين في إنتظار القاضي المصري الذي
يحكم وحده في القضية دون مستشارين جلس القاضي مكانه، ثم جلس جميع من بالقاعة جلست
آية في الصف الأول ترتدي رومها الأبيض ،ثم سمعت القاضي يكلم القزم :

- نادي يا ديشان .

فنظر القزم الذي إرتدي بدلة كاملة علي جلده البني المائل للون الأصفر
إلى الملف الذي يحمله في يده وقرأ أول اسم وقال بصوته العالي:

- جابير رقيم الأشعم .

حينها قامت آية من مكانها وذهبت في إتجاه المنصة وكلمت القاضي:

- آية الشرقاوي حاضرة عن المتهم.

نظر القاضي إليها من فوق لتحت ثم قال:

- هو فين المتهم ده؟

- في القفص يافندم.

نظر القاضي إلى القفص ولاحظ جابير، ثم سأله:

- أنت طيّار؟

فحرّك جابير رأسه بالموافقة.

- أيوه يافندم .

- أنت محكوم عليك ب ٣٠٠ سنة غيابي.

فردت آية:

- أيوه يافندم هو محكوم عليه ب ٣٠٠ سنة غيابي.

فنظر القاضي إلى آية:

- أنا سئلتك إنتي؟!!

فردت آية:

- أسفة يافندم.

فنظر جابير إلى القاضي، وقال:

- أيوه يافندم

فسأله القاضي سؤالاً أربكه:

- أنت موافق علي المحامية دي؟

فلم يرد جابير فالتفتت آية إليه لتجده ساكتاً، ونظرت إليه كي يتكلم؛ فتكلم جابير بينما ينظر

القاضي في الأوراق الموجودة أمامه.

- أيوه يافندم.

نظر القاضي إلى آية، وقال:

- إتفضلي دافعي

بدأت آية في الكلام:

- سيادة القاضي حضرات المستشارين.

فضحك القاضي وكل من بالقاعة وإقترّب القاضي منها، وقال:

- المستشارين دول فوق ياماما .

- أسفه يافندم.

- إنني هتلبسي الجني ده حرق شكلك كده.

بدأت علامات القلق تزيد علي وجه جاير.

- سياده القاضي إن الأحكام الغياية يجب أن يعاد النظر فيها بموجب المادة ٧٢ من قانون العقوبات؛ ولهذا فأنا هنا سيادتكم لأطلب منكم إعادة النظر في الحكم الغياي الصادر علي موكلي منذ عشرين عامًا، هذا زمن غابر يتحوّل فيه الشخص من السيء إلي الجيد وفي عوالم أخرى تسقط فيه التهم فنحن ياسيادة القاضي بصدد الحكم... أوقفها القاضي قائلاً:

- خشي في الموضوع معنديش اليوم كله

- إنني أطلب منكم التماس الرأفة والنظر جيداً إلي حالة موكلي وإلي الحالة التي أدانته امام سيادتكم، فمن حرّر تلك الحالة هم حراس غير موجودون الآن، لا نستطيع أن نأتي بهم ونسألهم لماذا فعلوا هذا، لماذا حرروا حالة يدينون فيها جنياً قتل إنسياً يعمل بالسحر الأسود يقتل الناس ويعيشهم في رعب وفزع. إن موكلي هو جن طيّار لا يستطيع شخص مثل هذا الساحر أن يتعامل مع مؤهلاته وقدراته، ولكنه ساحر طماع كان يريد لنفسه الثراء والقوة فجند جنّاً ثرائياً كافراً ليقبضوا علي موكلي، وأصبحوا يتجمعوا عليه بالمئات بل بالآلاف كل همهم هو تجنيد هذا الجن الطيّار المسلم من أجل اذي الناس وهذا ما حرمه الله علي معشر الجن وذكرته كل الرسائل السماوية وتذكر أحاديث القدامي (فيا معشر الجن لا تمسوا إنسياً بسوء، فهو أحسن خلق الله) هكذا كانت الحكم والأقويل، ولرفض موكلي مساس الانسيين بسوء ظلّ هذا الساحر يتبعه ويغريه بأقويل شيطانيه بأنه سيقربه من إبليس؛ ليعطيه قوه الطيّارين العظامي ويخلده في الدنيا ويجعله يستطيع استراق السمع، لكنه رفض ومع رفضه زاد إصرار الساحر.

بدا علي القاضي علامات النوم من كلام آية، أما جاير فكان يعيش في خوف شديد، ويعلم أن آية ليست بالشخص المناسب.

- لهذا جند جيوشه وأتي بهم في هذا اليوم وأحضره إلي شقته وإذا عُدت لمحضر الشرطة المصرية.

وأخرجت ورقة من شنطتها، وذهبت بها إلي القاضي لتعطيها له..

- مبمشيش بالمحاضر دي هاتيلي حالة.

- سيادتك الحرس اللي كتبوا الحالة محدش عارف مكانهم.
- مليش دعوة .
- يافندم كان في معركة كبيرة والجيران سمعوا أصوات كثيرة ولقوا الشقة متكسرة وكان في دم حيض في الشقة ده جن مسلم عمره ما يطلع الحاجات دي .
- مدّ القاضي يده، وأخذ الورقة من آية .
- المحضر ده بقاله عشرين سنة.
- أيوه يافندم.
- جبتيه إزاي ده؟!
- عمي في الداخلية.
- كمللي.
- إذا سيادة القاضي بعد كل تلك المحاولات دافع جاير عن نفسه للخروج من تلك الأزمة مما أدى إلى موت هذا الساحر.
- مين اللي قتله يعني؟
- سكتت قليلاً، وأخذت نفسها، ثم قالت:
- جاير يافندم.
- فنظر القاضي إلى جاير:
- إنت اللي قتلته يابني بتثبت التهمة علي نفسك!
- حينها شعر جاير بالرعب وأخذ ينظر إلى وجه آية ولا يعرف ماذا يقول، وتحاول آية أن تجعله يوافق علي كلامها وتهز رأسها فتكلم جاير:
- أصل هو ..
- إنت اللي قتلته؟
- وأخذت آية تهز في رأسها.
- فنظر جاير في الأرض وقال:
- أه.

حينها عادت آية برأسها للقاضي لتكمل حديثها:

- إذا ..

لكن القاضي أغلق الملف الموجود أمامه والذي به عدة أوراق أعطتها آية له وقال:

- الحكم بعد الاطلاع.

وقال القزم:

- محكمة.

ووقف الجميع وخرج القاضي وإقتربت آية من جاير الذي كان غاضباً بشدة وقال:

- ورينا لو ماخذت براءة ماهسيك.

- يا جاير ماتخافش.

- هركبك تلاتين عفريت.

- يا جاير إنت طيب وعمرك ماتعمل كده إهدي بس .

مرّ وقت وآية تتحدث مع جاير، ثم نادي القزم بعلو صوته:

- محكمة.

فذهبت إلى مكانها لتقف حتي يجلس القاضي، ثم تجلس هي الأخرى .

جلس القاضي الذي كان يرتدي بدله صفراء تبعد نظر جاير عنه فلم ينظر إليه جاير، بينما يقرأ

الحكم قال القاضي:

- بعد الاطلاع علي أوراق قضية الجني الطيار جاير رقيم الأشعم، وإعادة النظر في الحكم الصادر

بتاريخ ١٦/٥/١٩٩٠ بحبس المتهم ٣٠٠ سنة.

نظر جاير ناحية آية التي تنتظر يد السيف لقطع رقبتها أو للاعفاء عنها.

- قررنا نحن القاضي شريف صلاح الخميسى بإعفاء المتهم من الحكم الصادر عليه.

قفزت آية وسط المحكمة وهي سعيدة وأخذت تقول وهي تقفز:

- يس يس.

توقف القاضي عن القراءة، ونظر إليها وهي تقفز في المحكمة بروبها الأبيض:

- أنتي يا أبله، أحبسك كام سنة؟

- آسفة آسفة.

وكتمت ضحككتها وجلست وكانت تريد أن تنظر إلى وجه جابير لتري حجم الابتسامة التي تعلوه

وأكمل القاضي:

- والحكم عليه.

حينها سمعت آية صوت يد جابير تقبض علي القضبان التي تفصله عنهم

- بالعمل الاصلاحى فوق الأرض ليعيد لانسي فقدَ حياته بعد تعرضه لمس جنى وأصبح يعيش في

وحده بسبب اضطهاد الناس له وذلك في مده لا تتعدى إكتمال القمر وفي جسد إنسي، وإن

لم يُستطع ينفذ عليه الحكم بالسجن ٣٠٠ سنة، وإذا هرب يُحكم عليه بالحرق..

رُفعت الجلسة.

القزم:

- محكمة.

لفت آية بوجهها ببطء ناحية جابير لتري التعابير، ووجدتها كما توقعتها تعابير غضب وإمتعاض

وتوعد لآية التي اقتربت منه ببطء شديد،

ووقفت أمامه وقالت بصوت منخفض :

- حكم حلو.

فرد جابير:

- هموتك.

ثم وجدت جنياً قزماً يمسكه من الخلف.

- يالا علشان تلبس.

إلتفت له جابير وقال:

- ألبس.

نظر له القزم بغير اهتمام وقرف:

- تلبس البنى آدم اللي هتطلع فيه، ياله قمر ك هيكتمل كمان أسبوعين وهتموت.

ثم نظر إلى آية:

- وأنتي واقفة عندك فيه ،روحي هاتيله ورق البني آدم اللي هيطلعه وشوفي إيه اللي فيه .
- نظرت آية إلي القزم ذى الأربع عيون و الجلد الاحمر والثلاثه قرون بغير فهم وعدم رضا عمّا هي فيه،
تحرك جابير معه، ثم نظر إليها:
- والله لمشيكي علي لسانك .
- علي فكره ماتخافش موضوع هيعدي وهتبقي كويس وهتاخذ قوتك تاني .
- ضرب بكل قوته علي القضبان الحديدية؛ فأصدر شرارة في القاعة أحرقت شنطة آية الجلدية، بينما
وبّخه القزم وقال له:
- إخلص ياله .
- ثم قالت آية وهي تحاول أن تُطفئ نيران الشنطة.
- علي فكرة الشنطة دي زارا.
- نظر جابير إليها وإلي القزم وقال:
- أنا ده ! أنا كنت بلف العالم في ١١ ثانيه يتعمل فيه كده.
- نظرت آية إليه وقالت:
- هجيب الورق بتاع الأنسي اللي طالعنله وهقابلك،
- ثم نظرت إلي القزم، وقالت:
- هو هيلبس البني آدم ده فين؟
- تحرك به القزم إلي خارج القفص من باب بأخر القفص لا تري آية إلي أين يؤدي .
- فذهبت آية إلي القزم الاصفر الذي يقول محكمة والمدعو ديشان وسألته:
- لو سمحت هو حضرتك هيلبس فين البني آدم؟
- سند القزم يده علي المنصة التي يجلس عليها القاضي وقال وهو يهوي بالورق الذي في يده علي وجهه.
- في أوضة اللبس في قاعة تسعة، إشتريله هدوم علشان البني آدم اللي هيلبسه عريان.
- ظهرت علي آية علامات الغضب ،ثم قالت:
- طب أجبله لبس منين دلوقتي ؟

فقال لها القزم:

- إستني القاضي لما يطلع وإسئليه.

فنظرت ناحية المنصة بخوف شديد، حينها أخذ يضحك القزم عليها ويغطي وجهه وعيونه بالورقة من الضحك وتركته آية وخرجت لا تعرف ماذا ستفعل. وأخذت تبحث في البهو عن مكان لشراء الملابس لكنها لم تصل إلى أي شيء

دخل جابير إلى أوضة اللبس مكلبلاً ويسير بجواره القزم معه ورقة، عندما دخل جابير الغرفة وجدها غرفه ذات إرتفاع شاهق يصل إرتفاعها إلى إرتفاع العمدان الموجودة في البهو ومقسمة إلى قسمين يمين ويسار كل قسم فيه توابيت مرصصة بجوار بعض وفوق بعض الصف الواحد به حوالي مائه تابوت بجوار بعضهم والصف رأسي به أكثر من ألف تابوت فوق بعض مكتوب علي الناحية اليمني في منتصف المسافة بين السقف والأرض (إنس) بخط كبير، وعلي الناحية اليسري في منتصف المسافة بين السقف والأرض (جن) بخط كبير . التابوت الانسي طوله لا يتعدى مترين وعرضه وإرتفاعه لا يتعدوا متراً، أما التابوت الجني فتختلف أحجامه من تابوت طوله عشرة أمتار وعرضه وإرتفاعه ثلاثة أمتار إلى تابوت في حجم تابوت الانسي، وفي منتصف السكة بين الصفيين يوجد كرسيين فقط ولا يوجد شيء آخر في الغرفة سوي الجنين الذين كانوا بالغرفة؛ أحدهما قزم والآخر: في جسم جابير والذي يعتبر في جسم البني آدمين، عندما راي القزم الذي بالغرفة جابير ومعه القزم؛

إبتسم

وقال:

- دسوس.. إزيك ياله؟

- أهلا يا اخويه، إزيك يا شفعان؟

وكان يقصد القزم، ثم سلم علي الآخر:

- إزيك يا جرياص ؟

- إزيك يادسوس، جاييلنا إيه ؟

إقترب دسوس وأعطاهم ورقة كان يحملها بيده، فأخذها جرياص وبدأ في قرائتها، ثم نظر القزم إلى

جابير من فوق لتحت، وقال:

- والحلو بقي جاي في إيه؟

إنتهي جرياص من القراءة في الورقة وعاد إلي الخلف ناحية دولاب الإنس وقال لجابير:

- معاك لبس؟

حينها سأل شفعان جرياص، بينما ذهب دسوس ليجلس.

- إنت هتديله إيه؟

ردّ جرياص:

- هنشوف بس هو معاه لبس ولا هيمشي عريان، في بره إنس مينفعش يشوفوه عريان ماترد ياعم الطيّار.

تكلم جابير وهو مرغم علي أمره:

- في محامية راحت تجبلي لبس.

فسأله شفعان:

- يعني نستني ولا نلبسك البني آدم دلوقتي؟

فسأله جابير:

- يعني مفيش بني آدمين لابسين، كلهم عريانيين كده!

- فضحك دسوس بعيونه الاربع.

ورد جرياص بزهق:

- لأ ياسيدي مفيش، إخلص.

إقترب شفعان من جرياص ولمس جلده وأشار له بان ينزل فنزل برأسه قليلاً، فقال له:

- هتديله إيه؟

- مش عليه ٣٠٠ سنة ولوجاش هيموت يقي نديله واحد ميت.

- أنا قلت كده بردوا.

- هاتلي ورقته هاتلاقي الجن الطيّار في آخر تابوت.

تحرك شفعان برجليه الغير مستويتان يتأرجح علي الأرض بأقدامه المفلطحة التي لاتستطيع تثبيته وهو يتحرك حتي وصل إلي آخر تابوت، وأخرج عدة أوراق وأحضرها، وأتي وأعطى الورقة التي بها رسم

لجايير عبارة عن رسم فراغي للجن يختلف قليلاً عن الانس في التحام الرقبة بالكتف ، فرقبته قصيرة قليلاً، أما ظهره فهو أعرض قليلاً من الانسان وساقيه أرفع من ساق الانسان، أما باقي الصورة فهي فراغية لا يوجد تحديد لعدد أصابع مثلاً، أعطي شفعان الورقة إلي جرياص وكان يوجد قلمٌ معلقٌ في الدوسيه أمسك جرياص الورقة واقترب من جايير المكبل وبدأ في تفحصه والكتابة علي الرسم عند الوجه رسمَ عيناً واحدة وشطب علي مكان العين الأخرى، وعند الجمجمة رسمَ شعراً في ناحية وفي الناحية الأخرى وضع علامه X ، ثم رسم الأذنين والأنف والشفافيف، وتفحص الوجه بيده، ثم قال له:

- بيطلعك شعر في وشك ؟

- لأ.

فوضع علامه X علي الوجه، وأخذ يكمل الرسم حتي وصل إلي أصابع اليد، فرسم سبع أصابع، ثم قال له:

- إقلع.

ردّ جايير وهو غير فاهم.

- أقلع إيه ؟

- أنت شايف نفسك لابس إيه تحت قماشة مغطي بيها الحاجة .

- طب وأقلعها ليه؟!

- علشان ماتجيش ده لو جيت يعني تستلم جشك تقول سرقتمو حاجتي هرسمها لك دلوقتي وأبصمك

علشان تبقي مثبتته، إقلع ياعم ما تتكسفش.

خلع جايير القماشة، ثم رسمَ جرياص ما وجده تحتها ثم قال له:

- إدير.

وقلب جرياص الصفحة ورسم مؤخرة جايير.

فتح الباب الحديدي الكبير بعد أن دقّ :

- سلاموا عليكموا.

آية وفي وجهها مؤخرة جايير، فنظرت آية بوجهها في إتجاهٍ آخر بينما

ضحك القزمان بشدة؛ دسوس الذي يجلس علي كرسي، وشفعان الواقف أسفل رجل، جابير ثم إرتدي جابير القماشه وبدأ جرياص يرسم في الصورة الخلفية، ثم أعطي الورقة لشفعان ليرسم الجزء السفلي من جابير، وقال لآية:

- خلاص أكيد لبس تعالي.

فدخلت آية وهي واضعة يدها التي تحمل فيها أوراقًا علي وجهها، ثم أنزلتها وكانت تحمل بيدها الأخرى جلاليه، وإقتربت من جرياص وأعطته الجلاليه:

- أنا جبت اللبس أهو .

فرد دسوس:

- إستني شويه ياماما، إيه مستعجلة علي إيه؟ هو لسه دخل!

فضحك هو وشفعان عليها، ثم قال شفعان لجابير وهو يرسم جسمه:

- إفتح يابني رجلك عدل.

أنتهي شفعان من الرسم، ثم أعطي الورقة إلي جرياص فقال له جرياص

- إديها له خليه يبصم.

فتكلمت آية:

- ثانيه واحدة، هيبصم علي إيه؟

فردّ دسوس:

- هيبصم علي جسمه.

فقالت آية:

- طب أشوف بعد اذنك .

ومسكت آية الورقة وأخذت تتفحصها، وقال جرياص لشفعان:

- هاتلي ملف الانس .

فذهب شفعان إلي تابوت وأحضر له أوراقًا كثيرة، وأعطاهها لجرياص في يده فأخذ يقلب فيها، ثم

أخذ ورقة وأعطي شفعان الباقي فسأله شفعان:

- هتديله إيه ؟

فأراه جرياص الورقة ،فضحك شفعان وقال:

- ده جامد ده، هاته ياله.

أخذ ينظر جرياص إلي تواييت الإنس، ثم طار وأخذ يمر بجوارها حتي وصل إلي تابوت معين أخرجه وحمله في الهواء بيديه، ثم نزل به إلي الأرض وفتح الغطاء من عليه فنظر شفعان إلي الجثة، والتفتت آية وجاير للنظر، فقال لها جرياص:

- ماتبصيش يا أبله.

فظلت آية تنظر علي الجثة العريانه وهي لإنسيّ في السابعة والعشرين يوجد علامة بوجهه ناتجة عن إصابه بسكينه في وجنته اليمني، قمحي، عيونه سوداء، شعره متوسط الطول أسمر قال جرياص :

- قلتلك ماتبصيش إنتي كده بتبصي علي واقف جنبك

فنظرت آية ناحية جاير وعندما تلاقت عيناهم شعرت بغضبه، فعادت للخلف .

إقترب شفعان وهو يتحرك مثل البطريق:

- خلي بالك علشان رجله بتوجهه هتمشي تعرج ،إبقي روح لدكتور.

ثم ضحك هو ودسوس عليه .

حينها طار جرياص وأحضر تابوتًا لجني، وأخذ رقمه من عليه بعدما وضعه علي الأرض وكتبه في الورقة المرسوم بها جاير، ثم قال له:

- نام .

جاير :

- أنا هنا؟

شفعان:

- أيوه ياعم ،نام هنا.

دسوس:

- إخلص.

وضع جاير رجله داخل التابوت ثم نام.

شفعان:

- بصمت؟

فرد جابير وهو نائم.

- لأ لسه.

فظهر علي وجه جرياص وشفعان الضيق ،وأعطاه جرياص الورقة مجدداً بعد أن قام من التابوت

وبصمَ بكل أصابعه الثمانية والعشرين، ثم عاد لينام في التابوت .

حينها نزل شفعان إلي فم الشخص الذي سيدخل جابير فيه وفتحته ، وأمسك عليه بها سائل أخضر ، ووضع جزءاً منها في فمه، ثم ذهب ناحية جابير وقال له:

- إفتح بقلك.

جابير:

- ليه ؟

- ياعم إخلص .

ففتح جابير فمه؛ فوضع له شفعان السائل فيه، وأغمض جابير عينه، ثم قال:

- أنا مدخلتش ليه ؟

ثم قال جرياص :

- مستعجل علي إيه مهياش حاجة تبسط .

وأخرج قماشتين من جيبه وبلهم بسائل أخرجه من زجاجة من جيبه الأخر وأعطى شفعان واحدة،

ثم

نزل بقماشته حتي فم جابير وشده كله للخلف بقوة، وأخذ جابير المكبل بالحديد من يده ورجله

يتحرك ؛ ليخلص نفسه، بينما قام شفعان بفعل نفس الحركة مع الجثة حتي أصبحت الجثة تتحرك

وتزيد الحركة فيها وتقل في جسم جابير الذي بدأ يتحول إلي جثة وأنتهت حركاته تقريبا، وظلت الجثة

تتحرك في يد شفعان حتي أنتهت حركه جسم جابير، وسئل شفعان جرياص:

- جه كله ؟

وظل جرياص يشدّ فم جابير للخلف ،بينما تشاهد آية المظهر وهي مذهلة.

حتى قال جرياص:

- أه سيبه.

فترك شفعان الجثة التي دخلها جابير،

وأخذ جابير يكح وهو في الجثة فقام جرياص بتغطية تابوت جابير بعد أن وضع الورق فيها ماعدا

الورقة التي أتى بها دسوس ، ثم طار ووضعه في مكانه. بينما أخذ جابير وهو داخل الجثة يكح

بشدة، ثم قام من مكانه وهو عريان ،بينما نظرت آية في الناحية الأخرى وأعطته الجلايه البني

ليرتديها فأخذها منها وإرتداها،

وسأل :

- إيه اللي عملتوه فيه ده؟!

فأجابه شفعان :

- أنت مش داخل جثة واحد ميت .

جرياص:

- خلي بالك عمرك ماتعرف تخرج من اللي أنت فيه ده، فمتحأولش

جابير:

- أمال أنا مفروض أخرج إزاي وأجي أخذ جسمي؟!

جرياص:

- هتجيلي برجلك أحطلك روحك في جسمك ولو عرفت تيجي بروحك بس من غير الجسم اللي

أنت فيه..

حينها ضحك دسوس وأكمل جرياص:

- هديك جسمك .

دسوس:

- يجي بروحوه إيه ياعم ،هيبقي روح ماشية كده في الهوا لوحدها!

- فسألت آية :

- خلاص إحنا كده؟

فأجابها جرياص:

- مش تعرفوا الجثة اللي معاكوا دي إيه.

آية:

- إيه؟

جرياص وهو يقرأ من الورقة:

- مصريّ من المنصورة محكوم عليه بالإعدام، هرب من السجن في أحداث ٢٥ يناير وراح
إسكندرية اللجان الشعبية في كرموز وقفوه ملقوش معاه بطاقة، حأول يهرب ضربوه رصاصة في
رجله، وجري ناحية البحر وغرق .
نظر إليه جرياص بعد أن فرغ من القراءة:

- شويه وهتحس إن رجلك بتوجعك لما تيجي تمشي عليها. معكش بطاقة لو وقفت في كمين،
هتتاخد، وماتروحش المنصورة علشان أنت قاتل اتنين هناك.

نظر جابير وهو داخل هذا الشخص إلى آية بغضبٍ شديد وكان يريد قتلها، فقالت:
- خلي بالك أنت مش طيّار دلوقتي فبالراحة علي نفسك إحنا طالعين فوق والبلد بلدي.
ثم قال له شفعان:

- ماتحأولش تهرب لو معرفتش تنفذ المهمة علشان حراس الأرض هيجبوك وهيلعبوا بيك ومش
هيسلموك هيفضلوا يعذبوا فيك علشان عارفين إن أنت طيّار وكنت بتوريهم الويل ومحدث كان
بيعرف يمسكك هيخلوك تتمني تنزل تحت وتقضي عقوبتك ومش هينولهالك
الحق، نفذ حكمك،

إمشي.

وحينها تحرك جابير هو وآية ناحية الباب وبعد أول خطوتين إشتكي من رجله وتأوه، ثم سمع صوت

جرياص:

- اللي إنت فيه ده اسمه مصطفى شاهين العربي.

خرجت آية هي وجاير الذي يظهر عليه الحزن وهو في ذلك الجسم مرتدياً تلك الجلابية، ويشعر بألم في ساقه اليمنى ، ويسحبها خلفه إلى البهو، ثم ركبوا عربة تجرها الكلاب حتي وصلوا إلى السكة،

والسكة هي المدخل بين عالم الجن والإنس وهي موجودة في مقابر مصر القديمة الموجودة علي يمين الاتوستراد وصولاً إلى الفسطاط، ليست سكة واحدة ، بل عدو سكك تصل ما بين عالم الجن والإنس .

خرج جاير وآية من إحدى القبور أو السكك التي يحرسها حراس السكة؛ كي لا ينزل فيها الإنس بدون تصريح فالدخول بتلاوة آيات قرآنية ثم بالتعريف بنفسك وسبب نزولك، أما الخروج فهو بدون أي شيء ساروا في شارع حالك السواد وتكلمت آية:

- أنا جبت ورق الحالة بتاع الشخص، بص يا سيدي هو إتجوز في شقة فيها جن وكان هو ومراته في الحمام فقفل الجن عليهم الباب، وسرب البخار بتاع السخان علشان يموتهم ويسيبوا الشقة فقعد يحاول يفتح الباب ويخرج معرشف وبردوا يفتح الشباك لحد ما وقع هو ومراته في الحمام لحد ما الجيران نزلوهم، المهم لحقوه وهي ماتت.
جاير:

- طب وده أنا أعمله إيه؟!

- سبني أكمل بس ،معدش بيكلم حد وفضل قاعد في الشقة لوحده، الشقة اللي فيها الجن؛ فمسوه أكثر وخلوه يمشي يكلم نفسه فساب الشقة وراح قعد مع أهله وبقوا يقعدوا في جلسات مع شيوخ ويضرب بالشبشب علي راسه من الشيخ ،عارف أنت القصه الحمضانة دي ويروح لدكاتره نفسيين، المهم حراس الأرض قبضوا علي الجن إلي مسوا ودلوقي الناس بتقول عليه إن هو أهبل وأبوه وأمه ماتوا ويقعد يتنقل بين شقق إخوانه البنات علشان معدش بيعرف يعيش لوحده، وطبعاً محدش طايقه غير إنه له جلسه مع معالج روحاني كل شهر يفضل يضرب فيها....

- طب وده أنا هرجعله حياته إزاي؟ أعمله إيه؟!

ونظر جاير إلى السماء .

آية:

- مكتوب في الورق إن هو معدش بيحس ولا بيضحك ولا بيعيط،
لو ضحك ضحكة من قلبه أو عيط حياته هتتغير
- وأنا هروح أقولهم إيه؟ ضحك ،يقولولي فين، ولا لازم أجيب الحرس يشوفوه وهو بيضحك
- لأ أنت الإزازه اللي أنت شربتها في الأول دي بيبقي مكتوب علي كان جواها عمل لو هو ضحك أو عيط تتفك منه .
- وبعدين أنزل آخذ جسمي ؟
- تقريبا أه.
- طب وأنا هعرف منين؟ هروحلهم يقولولي آه إتفكت، ولا لسه أستني شويه؟
- ما إحنا أكيد هنشوف ده بعيننا يعني.

* * * *

الدخان يملأ المكان ورائحه البخور تُشم من أول شارع الثلاثيني إذا لم تشم من شارع الهرم الرئيسي، يُسمي نفسه معالج روحاني ، يفهم في أمور الجن الكثير، ويستطيع التعامل معهم بسهولة شديدة وإخراجهم في الحال رغم أنه أتي لمنزل شيماء أخت فؤاد عشرات المرات؛ ليخرج العفريت الكائن في جسم فؤاد الذي يجعله يفعل أشياء وهو لا يدركها . جلس بوجهه المكرمش وشعره الأبيض أمام فؤاد الثلاثيني الذي أدركه الشباب من فتره حتي نمي له شعرٌ أبيض أمسك يد فؤاد، اليمني، وأخذ يردد:

- الألف للإعفاء ، والباء للبعد ، والتاء للتنافر..

كانت الصلاة في منزل شيماء بما أنتريه يجلس عليه فؤاد والمعالج الروحاني المدعو الشيخ شريف، وتقف بجوارهم شيماء أخت فؤاد الكبرى عند أول الصلاة ترتدي عبائتها الكحلي وتضع إشرًا علي رأسها، يتزحزح فتعيده للامام فهي لم تربطه، ويقف خلفها ابنها الصغير خالد وهو في أولي ابتدائي ينظر إلي الرجل وهو يمسك يد خاله ويضحك بشدة ويكتم ضحكته فهو من المفروض ألا يكون موجود في الصلاة ، فأمه تمنعه عن الخروج في ذلك الوقت ، لكن لهفه أمه علي اخيها الذي لايشعر بشيء وهو ينظر في عين هذا المعالج الروحاني دون أي تعابير فوجهه لا يبدو عليه أي تعابير سوي التجهم جعلتها لا تري خالدًا. أما زوج شيماء سمير فهو في البلكونة التي تؤدي إلي الصلاة يشرب

سيجارة، ويشاهد البنات السائرين في الشارع ،فالشقة في الدور الأول العلوي يحب جدًا مشاهدة الفتيات من منظر علوي لصدورهم ومؤخراتهم ولا يعاكسهم إلا إذا كانت شيماء غير موجودة في البيت. استمر خالد في الضحك علي المعالج وهو واضح يده علي فمه ،ثم عندما قام المعالج بوضع يده اليسري علي جبهة خاله، وقال:

- هيا هيا.

فقال خالد بعد أن أنزل يده من علي فمه:

- الظهور لعائلة الوكيل الظهور..

ولم يكمل حتي التفتت له أمه وضربته، فدخل إلي غرفته يجري ،بينما توقف المعالج، ونظر إلي شيماء بغير رضا فقالت شيماء:

- معلى يا شيخ شريف .

- مينفعش يامدام طفل زي ده يبقى واقف في الجلسة.

منظر سمير وهو في البلكونه ودخان البخور يخرج من خلفه يجعل المارة ينظرون إليه، نظرت فتاتان في الثانويه عائدتين من الدرس إلي الدخان وإلي سمير الذي يرتدي الجلاية ويده السيجارة، فنظر لهم هو الآخر ،وبدأ يحرك وجهه ويتسم فضحكوا عليه وأكملوا طريقهم.

عاد الشيخ شريف إلي الكلام الذي يقوله، وهو يمسك يد فؤاد اليمني،

بينما أحضرت له شيماء كوباً من الشاي ووضعتة أمامه، فنظر إليه ولم يلتفت ولم يقول شكراً،

فقالت شيماء:

- أجبلك ببيسي؟

فنظر لها المعالج :

- والله مش عايز أتقل عليكوا.

- لأ ولا تتقل ولا حاجة هجبلك ببيسي.

ثم عادت إلي الداخل وتركت الشاي مكانه وندهت علي خالد:

- واد ياخالد .

فحضر خالد ووقف تحت رجلها ،وقال لها:

- نعم .

- إنزل هات إزازه بييسي من عمك صبري علي الحساب.

- وأنا كمان عايز واحدة.

- لأ أنت سنانك بايطة الدكتور قال ماتشرش بييسي.

- طب آخذ الحبة اللي بيغوروا في أول الكوباية

فظهرت علامات الضيق علي وجه شيماء، وقالت

- لأ قتللك إنت عيان إمشي إتجر ياله إنزل هات الإزازه،

- مش جايب إلا أما آخذ الحبة اللي فوق.

- طب إنزل هات .

فأخذ يهلل ويقول:

- هيه هيه

ولبس الشبشب ونزل إلي الشارع.

أنتهي المعالج الروحاني من الجلسة مع فؤاد بعد أن شرب ثلاثة شاي وإزازه بييسي بدون الحبة اللي بيغوروا في أول الكوباية ، وأخذ أربعين جنيهاً وخرج. كانت الجلسات علي حساب شيماء، فشيماء الأخت الكبرى لفؤاد وتحبه وترعاه كابنها، لكن زوجها لا يطيقه؛ لأنه في وجهه نظره مجنون، ويغلق شقته ويتنقل بين شقق إخواته البنات، شيماء ورجاء وإيمان،

لكن شيماء لها كلمتها في المنزل فهي عندها حضانة ولديها دخلها من الحضانة التي يرتادها عدد كبير من الأطفال؛ لذلك لا يعترض كثيراً علي وجود فؤاد في البيت. وفؤاد كان يعمل مع والده في تصليح الساعات وبيعها، لكن وفاة والده وما حدث له أدى إلا تأجير المحل الموجود عليه إسم والده مقابل ألف جنية، وترك الشقة التي اشتراها لنفسه وتزوج فيها؛

لأن بها جنناً

جلس جابير في مكتب آية علي كرسي جلدي يشعر بألم في رجله اليمني لايعرف ماذا سيفعل فيها، بينما دخلت آية إلي الحمام وأخذت تعدل في طرحتها امام المرأة وتعديل في الكحل الذي يحيط

عينها العسليتين بيديها ، وتهوي علي وجهها ، ثم أخرجت من شنطتها المحروقه علبة كريم فتحتها ووضعت منها علي وجهها ثم فردت الكريم علي وجهها وأخذت تتأمل أسنانها، وقالت وهي تنظر في المرأة :

- يارب ما أحتاج للحمار اللى بره ده.

ثم خرجت من الحمام إلي طرقة صغيرة ثم إلي الصالة التي يجلس فيها جابير علي ذلك الكرسي، وبجواره الباب المفتوح وقفت آية أمام جابير وقالت:

- ياللا علشان نروح لمحمد يشغلك رجلك.

جابير:

- محمد مين؟

آية :

- قوم بس دكتور محمد اللى جنبي.

جابير:

- مش ده دكتور اسنان.

آية:

- أه.

جابير:

- طب وهيعالج الرجل دي إزاي؟!

آية:

- هيغيرلك علي الجرح ياسيدي قوم بقي.

قام جابير من مكانه وتحرك هو وآية خارج المكتب ،وأغلقت آية الباب، وأخذت تمرن وجهها علي الابتسامة ،وقالت لجابير:

- أنت جوز بنت خالتي وحراميه طلعا عليك ضربوك بالرصاص وسرقوا منك كل حاجة.

دخلوا إلي الشقة فوجدوا محمد يجلس وحده في العيادة يرتدي البالطو الابيض يشاهد مباراة كرة قدم في التلفزيون.

قال لها جابير بصوتٍ ضعيفٍ لم يجعل محمد يلتفت إليهم:

- هو ده محمد؟

- إسكت.

محمد في الاربعينات، أسمر له خصل بيضاء قليلة في شعر رأسه الأسمر، أما في ذقنه فهي منتشرة بشدة.

إلتفت محمد لهم وقام من مكانه، بينما وقفت آية كأنها تلميذة في إبتدائي مبتسمة جداً له، لا تعرف ماذا تقول إستقبلهم محمد بابتسامة وقال:

- أهلاً إتفضلوا .

فشأورت آية بكسوف طالبة في إعدادي علي مكتبها وقالت:

- مش عارفي أنا مكتبي إلي جنبك هنا.

فنظر محمد إلي الباب ليلاحظ مكتبها ،بينما نظر جابير إليها وهو فاتح فمه ورد محمد:

- آه طبعاً، أستاذة آية.

فضحكت آية كطالبة ثانوي ولم ترد، وظلت ساكنة وهي تنظر لمحمد، لكن جابير أيقظها بضربة خفيفه فقالت آية:

- معلش إحنا هنستأذنك في حاجة مصطفى جوز اختي، البلطجية طلعو عليه وسرقوا عربيتوا وحاجته وضربوه برصاصة.

ففتح محمد عينه عن آخرها ونظر إلي جابير الذي يقف بجوار آية،

وإقترب منه وطلب منه أن يجلس فجلس جابير، وطلب منه أن يريه مكان الرصاصة فرفع الجلاية؛

ليكشف له عن جرح قديم لونه أخضر، فزع محمد لرؤيته لكن آية لم تكن تنظر إلا لمحمد سأله

محمد:

- أنت خدت الرصاصة دي إمتي؟

لم يستطيع جابير الاجابة، لكن آية أخبرته أن هذا حدث من مدة،

وبدأ محمد في إخراج الأدوات، وأخذ يحاول فعل أي شيء لجابير، بينما يتألم جابير وتبتسم آية لرؤيه

محمد..

إنتهي محمد من التعامل مع رجل جابر وربطها له، وطلب منه أن يذهب لمستشفى، ورفض أن يأخذ أي مال وعادوا إلى المكتب وتركوا الباب مفتوحًا، جلس جابر علي نفس الكرسي ،بينما جلست آية علي مكتب في الصالة تستطيع أن تري منه باب عيادة محمد.

جابر:

- أنا هروح إزاي للواد ده ؟

ردت آية وهي تعيد نظرها من ناحية باب الشقة إلى جابر:

- بص ياسيدي ..

وفتحت الشنطة ووضعت يدها علي السجائر وأخرجتها،

ووجدتها محروقة:

- شوف أنت عملت إيه في السجائر ،المهم أنت هتبات هنا النهاردة وأنا هروح أنام في بيتنا.

- إنتي ساكنة فين؟

- مدينه نصر.

- إنت عايشة لوحدة.

- أه وخلاص مش هتحقق معايا.

- ما براحة علي نفسك.

قامت آية من مكانها ونظرت إلي جابر وهو جالس علي الكرسي.

- لأ ..نحط النقط علي الحروف، مبدئيًا كده إنت بني آدم مش جني، تاني حاجة عليك حكم

بالإعدام ،تالت حاجة عمي في الداخلية ومش هكلمه

وهي تحرك أصبعها يمينا ويسارا:

- هكلم الجيش هقلهم إن أنت حاولت تغتصبي هيخدوك وحكم عسكري في يومين ومش

هتستني ال ١٤ يوم بتوعك علشان تموت،

- فاهم؟

- طب والوله اللي بتحبيه ده؟

أخذت نفسها وقالت:

- والله هو ده إلي مستحملك علشانه، فايه.. إتك علي عقلك وبراحة،

أنت هتنام هنا، والصبح هقلك أنا فكرت في إيه.

سمعت آية صوت باب عيادة محمد يغلق فخرجت إلي خارج الشقة وشاهدته وهو يمشي وشاورت له

فسلم عليها من بعيد وقال:

- لازم يروح مستشفى.

- حاضر مع السلامة يا دكتور.

عادت إلي الشقة، ونظر لها جابر وإلي علامات وجهها السعيدة وإستغرها بشدة.

لا ينام كثير من الناس وأعينهم مفتوحة، لكن فؤاد ينام وعيناه مفتوحتان، دخلت شيماء الغرفة التي يرقد بها فؤاد وجلست علي السرير بينما هو نائم علي ظهره ينظر إلي سقف الغرفة، أمسكت ذراعه

اليمني بيدها اليمني وبدأت تكلمه:

- فؤاد فؤاد إنت صاحي يافؤاد ؟

ردّ فؤاد عليها دون أن يحرك عيناه المفتوحتان عن آخرهما :

- في إيه عايزه إيه ؟

- أنت صاحي ولا نائم؟

- صاحي أو نائم إنتي عايزة إيه؟

- طب بصلي إعدل ظهرك وبصلي.

حينها حرّك فؤاد عيناه ونظر إلي شيماء التي لم تكن ترتدي الايشارب فانسدل شعرها الاسمر علي

وجهها الابيض ؛ ليعطيها منظرا جماليا لا تظهر به كثيرا

- عايزة إيه؟

- في ناس إتكلموا عايزين يأجروا الشقة.

- وأنا أعمل إيه؟

- ياعم هي مش شقتك !

- كده كده هيعرفوا إنها مسكونة وهيطخخونا مشوار لحد دار السلام

-علي الفاضي.

- ياعم مايمكن يآجروها دول عايزين يآجروها مفروش.

- لو إثنين متجوزين جدّاد لأ .

- لأ ده واحد مغترب .

- طالب ؟

- ياعم معرفش تقريبا بيشتغل هنا.

- طب دول كلموكي إزاي ؟

- معرفش تقريبا سألوا في الحتة علي شقه فادولهم رقمي، قوم بقي،

وأمسكته من ذراعه بقوة وشدته كي يقوم فقام فؤاد وعدل نفسه ونظر في عين أخته، فقبلته علي خده.

- إضحك بقي نفسي تتضحك ياله قوم علشان تتغدي، هنقابلهم المغرب.

- لأ مش هخش الشقة دي بالليل .

- ياعم الشقة مفهاش حاجة إحنا مش صارفينهم منها، ياله بقي ،وسمير جاي معانا يمكن تعجبهم ويشتروها قوم يا حبيبي يالا.

* * * *

أمام مستشفى (أبوالريش التخصصي) ظهرّا تقف آية ومعها جابير بعد أن قاموا بالكشف علي

جرحه في المستشفى، وأخبروه أنهم لن يستطيعوا إخراج الرصاصة من رجله وخطوا له الجرح

أوقفت آية تاكسي وقالت لجابير الذي إرتدي قميص وبنطلون أحضرتهم له.

- قلو جسر السويس.

انخلي جابير ورجله تألمه، وقال للسائق:

- جسر السويس.

فأشار له بالرفض وأكمل في طريقه.

ثم أتى تاكسي آخر فشأورت آية وإنخلي جابير وقال للسائق الذي رفض أيضاً وإعتدل جابير ووقف

بجوار آية ورجله تألمه وقال لها:

- أنا كنت بلف العالم في ١١ ثانيه ، بطلع القمر في نص دقيقة يتعمل فيه كده!

قالت آية وهي تعدل طرحتها للخلف وتنظر في إتجاه التاكسيات:

- إحمد ربنا إنت كان عليك ٣٠٠ سنة

فنظر جابير لها وقال:

- هو أنا مش لو كنت جبت محامي كنت خدت عشر سنين ورجعت طيار ثاني

ورفع صوته ونظر لها بقوة:

- بدل ما اللي إنتي عامله فيا ده.

فنظرت له ببرود وقالت:

- قتللك عمي في الداخلية، ومش هكلمه هكلم الجيش إهدي.

وأشارت لتاكسي فوقف وضربت جابير في جنبه كي ينحني ويخبر السائق بإنحني، وأخبره فوافق السائق وركبوا هم الاثنان في الخلف ؛لوجود شاب في الكرسي الأمامي؛ دخلت آية أولاً ثم دخل جابير،

ثم بدأت بالكلام مع جابير، قائلة :

- أنا كلمتهم وقتلتهم إن إحنا جايين نشوف الشقة

- كلمتي مين ؟

فنظرت آية له بغضب كي يركز وقالت ببطء:

- كلمت الرجل اللي إنت رايحله، كلمت أخته .

وإقترب جابير من آية وتكلما بهدوء:

- هنشوف الشقة إزاي؟

- علي إننا هنأجرها وأنا معايا شوية بخور وحاجات لو لقينا حد ساكنها نطلعهم ونفهمهم إن أنت

معالج روحاني...

- بس أنا مش معالج روحاني!

- ياعم إنت مش كنت بتشتغل مع واحد وفاهم الليلة.

- يعني مش قوي.

- أهم حاجة تبهرهم هتتعرف تطلع اللى موجودين في الشقة ولا أتعامل أنا؟

فقال جابير بثقة:

- أكيد يعني

- طب يقوموا بقوا يطلبوا منك تعالجه، وتقعّدوا مع بعض، وتقولوا شويه نكت، وترجع طيّار، وتخلي محمد يتجوزني، أنا زهقت.

- ماشي بس لو ملقناش حد في الشقة؟

- تعرف تجيب حد؟

- إحنا هنقابلهم إمتي؟

- النهارده المغرب .

- ملحقش طبعاً إنت شايفة المواصلات عامله إزاي .

- خلاص إن شاء الله هنلاقي .

* * * *

يمتلك سمير زوج شيماء الذي يعمل مدرس ألماني عربي بيتلز موديل السبعينات ،وصل هو وزوجته وفؤاد في تلك العرييه إلى شقة دار السلام،أقفلوا السيارة أسفل المنزل وخرجوا منها جميعاً وأغلقوها. وهمت شيماء بالصعود هي وزوجها، لكن فؤاد لم يتحرك من مكانه؛ فعادت له شيماء وهو يركن علي تلك السيارة ووضعت يدها علي رأسه وقالت له

- يالا.

- لأ .

- هو إيه اللى لأ يافؤاد يالا.

- أنا مش هطلع الشقة دي.

- يعني إنت جاي لغاية هنا وتقولي مش هطلع! طب جيت معايا ليه من الأول؟!

- علشان إنتي اللى قلتيلي أجي.

حينها مرّ طفلان في المرحلة الابتدائية بجوارهم من الناحية الأخرى من السيارة وقال أحدهم للآخر:
- وله فؤاد المجنون أهو .

حينها نظرت شيماء إليه بكل غضب وإتجهت نحوه وفتحت فمها لتخرج وابل من الشتائم ؛ فجري
الطفلان

- يالا يالي أملك مريتش، ياواطي يابن الواطي إنت وهو ،لو إنت رجل أقف ياله.
حينها كان يضع فؤاد يده علي وجهه وإتجه نحو مدخل العمارة بينما خرج سمير وفي فمه السيارة،
وسحب زوجته ناحية مدخل العمارة وأخذ يهدئها وهي تائثره حتي رنّ هاتفها، فهدأت قليلاً
وأخرجته من الشنطة فوجدت آية علي الطرف الآخر تخبرهم أنهم وصلوا إلي العنوان.
نزلت آية من التاكسي هي وجاير، وخرجت شيماء من العمارة لاستقبالهم وسلّمت علي آية،
حينها خرج سمير من المدخل وتفقّد كل جوارح آية، وأخذ يتلذذ في النظر علي كل جزء فيها، وقال
بصوت ضعيف:

- هي دي الاجسام يابه، يالهوي.
بالفعل آية جسمها جامد فصدرها كبير ومؤخرتها كبيرة، ولكن ليست كبيرة بفضاظة ومع بياض
وجهها وعيناها العسليتان تجعلك تريدّها بشدة.
دخلوا جميعاً إلي مدخل العمارة حينها إلتقت عين جاير بعين من سيعيده طيّار، أو سيجعله يسجن
ل ٣٠٠ عام .

سلّموا جميعاً علي بعض ،وحركت آية رأسها لتسلّم علي فؤاد الذي لاحظت أن وجهه صورة ثابتة لا
تضحك ولا تحزن كأنه مربوط ببعضه !
بينما لاحظت علي وجه سمير إبتسامة معاكسة وإعجاب ، ولكنها لم تُغيّر .أي إنتباه وإتجهوا جميعاً
ناحية الشقة الموجودة في الدور الرابع ، يتأخر فؤاد بشدة لكن ربط يد أخته شيماء علي يده
وسحبها له هو مايجعله يصعد غضب عنه.

فتح سمير القفل الموجود علي الشقة، وأخرجها من مكانه، ثم بحث عن مفتاح آخر وفتح به الباب،
دخلوا جميعاً إلي الشقة ولم يدخل فؤاد إلا بعد أن أضاء سمير نور الشقة كله.

سألت شيماء آية:

- إنتوا عايزينها مفروش إن شاء الله؟

كأنت الشقة مفروشه بالعفش الذي تزوج عليه فؤاد ماعدا الاشياء التي إشترتها العروسة فقد أخذها أهلها.

ردّت آية:

- أه إن شاء الله

قال سمير في سره

- شرشر شرشر يعني

إقتربت آية من أذن جابير وقالت له

- شايف حد؟

الشقة غرفتان وصالة كبيرة؛ غرفة النوم مفروشة والغرفة الأخرى خالية، والصالة بها أنترية وسجادة وتليفزيون، والمطبخ لا يوجد به أي شيء

ردّ جابير:

- هو أنا هشوف إزاي وأنا في الجسم ده!

فنظرت له آية باستغراب وقالت:

- أمال هنعرف إزاي؟!!

- معرفش أنا ممكن أبدأ أطلع لو في، بس ما أقدرش أعرف إذا كان في ولا لأ.

حينها إنطفأ نور الشقة كله فاقترب فؤاد من شيماء. أما سمير فأخذ يذهب في إتجاه آية وجابير.

فؤاد:

- في إيه؟

شيماء:

- شوف كده السكينة يا سمير.

خبط سمير في آية من الخلف وعاد لرؤية السكينة حينها قالت آية،

وهي تعلم أن سمير الفاعل:

- لأ مش أنا اللي يتخبط فيه أنا آية الشرقاوي المحامية.

فرع سمير السكينة ومثل أنه لم يفعل شيئاً وقال:

- تفتكروا مين اللي نزل السكينة؟!

فنظرت له آية بترقب وحينها إنطفأ النور مجدداً وأغلق الباب،

فأصاب الهلع فؤاد، حينما رفع سمير السكينة وظلّ النور مقطوعاً، وأخذ يقول لأخته وهي تمسك يده:

- أنا عايز أطلع من هنا أنا عايز أطلع من هنا.

فقال آية:

- إهدوا يا جماعة، أستاذ مصطفى معالج روحاني ويعرف يتعامل مع الحاجات دي خليه يهدي وأنت متقربش مني (تكلم سمير).

ثم أخرجت كيسة من شنطتها، ومدت يدها لتعطيها لجابير في الظلام، لكنها لم تجده بجوارها، وأخذت شيماء تُهدئ أخوها وتقول له:

- ماتخافش لو خرجت من هنا هيمسوك لازم تقف جنبي

ثم سمعوا صوت تخييط علي جدران الشقة بقوة، وكان جابير الذي يخبط ثم قال:

- أنا جابير رقيم الاشعم جني طيار مسلم أمني من النصيبين يعني عرق أشراف، إنت أو إنتوا كنتوا كام في الشقة قدامكوا حاجة من الاتنين، يا إما تخرجوا وتقيدوا النور وتفتحوا الباب قبل ماتخرجوا وماتحوش هنا ثاني وساعتها هسيبكم، يا إما هحرقكم بتعاونك سليمان هعد لحد عشرة حينها مسك فؤاد يد شيماء بقوة، وأخذ يطلب منها أن يخرج بينما يعد جابير:

- واحد، اتنين، ثلاثة، أربعة، خمسة، ستة، سبعة، ثمانية..

هدأ قليلاً ثم قال:

- تسعة عشره

حينها كانت تليفونات سمير وشيماء وآية مضاءة وهم ماطمأن فؤاد وخطفوا بصره

خبط جابير علي الجدار بقوة، ثم قال

- خالق الخلق يا الله، يا من لا إله سواه، أتانا جني ظنّ نفسه محصناً بإبليس لا يعلم يا الله إنك الرب والمعين والمغيث، ظنّ نفسه وهو وسيده أقوى منك .

فبدأت الابواب تخبط ، حينها فقد فؤاد وعيه تماما ،وتوقف سميع عن محاولاته لفتح الباب وأكمل جابير:

- العفو والسماح يارب الكون، نستنجد بك في هذا اليوم أن تحرق هذا الجني حرق الكفار في النار، وتخلصنا مما لا نراه نحن الأخيار،

حينها أصبح سقف الشقة كله مشتعلًا، والنار تتساقط من السقف علي الأرض. حمت شيماء أخيها الراقد علي الأرض بجسمها بينما فقد زوجها وعيه هو الآخر، وكأنت آية تشاهد المنظر وتتمتع بقوة جابير

أكمل جابير:

- اللهم لا تعيدهم إلى الحياة وإجعلهم حطبًا للنار ،

اللهم إجعلهم حطبًا للنار

اللهم إجعلهم حطبًا للنار

بدأت آية في إخماد النيران في الصلاة بمفرش كان موجوداً علي ترابيزة،

بينما دخل جابير إلي الغرف وظل يردد

اللهم إجعلهم حطبًا للنار،

اللهم إجعلهم حطبًا للنار.

وظلّ ينتقل بين الغرف ودخل المطبخ ووقف أمام باب الحمام، وأخذ يردد من بعيد:

اللهم إجعلهم حطبًا للنار،

اللهم إجعلهم حطبًا للنار

ودخل غرفه النوم وأخذ بطانيه وأعطاهها لآية ثم دخل وأخذ أخري حينها عاد النور من جديد، وأخذوا يخمّدوا النيران حتي إنتهوا من إخمادها وفتحت آية الشبابيك،وبدأ سميع يفوق إما شيماء فشاهدت كل شيء في خوف وهي الآن تحاول أن تفوق أخيها وتقول له وهي سعيدة ولا تصدق أي شيء وتبكي

- إتحرقوا إتحرقوا ،قوم يافؤاد إتحرقوا يا حبيبي والله.

وتحضره وتفوق فيه وكانت الشقة معبأه بالدخان فذهبت آية ناحية الباب ، ودفعت سمير برجلها حيث كان يجلس خلف الباب وفتحت هي الباب وتحرك سمير ولم يقل أي شيء، وأحضرت آية كوباً به ماء وأعطته لشيما فسقته لأخيها الذي فاق وأخذت تمشي يدها علي يد أخيها وتقول -الحمد لله الحمد لله

الله أكبر

وعدلته وهو علي الأرض لتجعله يسند ظهره إلي الجدار، ولاحظت حضور جابر من الغرفة إلي الصلاة، فقامت من مكانها وجريت علي يده وأخذت تقبلها بشدة، فأبعد جابر يديه بسرعة عنها لكنها بكت :

- ربنا يحفظك ياسيدنا الشيخ ،ربنا يزيدك يارب، ربنا يديك يارب حينها رد جابر وهو يبعدة:

- خلاص خلاص

واعتدلت في وقفها أمام جابر ولكنها كات تنظر إلي الأرض ،وفي خوفٍ شديد قالت - مش عارفة أقولك إيه ياسيدنا الشيخ ،ده إحنا تعبنا أوي وبدأت في البكاء، فقال لها جابر - خلاص ياستي خلاص.

- أنا أخويه عيان ودوخت بيه أبوس إيدك ياشيخ .
وحينها إقتربت من يد جابر لتقبلها وأكملت:
- تشوفه .

أخذ جابر يديه إلي الخلف مسرعاً وقال:

- خلاص خلاص هشوفه هشوفه.

طبطبت آية عليها وقالت لها:

- ماتخافيش هو هيعالجوا

حينها بكت شيما بقوة، وأخذت تقول وهي تبكي وتنظر إلي آية:

- والله تعبنا، وربنا تعبنا أوي وروحنا وجينا ونفسنا نشوفه يرجع حلو تاني.

فحضنتها آية وقالت لها:

- خلاص ماتخافيش ،والله هو هيشفهلوك

نظر جابير إلى مصيره وهو جالس علي الأرض يسند ظهره علي الجدار ،ينظر إلى السقف ويتنفس
بسرعه ويبدو عليه التعب وعرف أن المهمة القادمة أصعب فهو ليس عليه أي جني ليخرجه هو مجرد
إنسان فقد حياته وهو عليه أن يعيده لها بضحكة من القلب أو ببكاء من القلب!

جلسوا جميعًا في الصالة بعد أن قامت شيماء وساعدتها آية في كنس التراب الناتج عن الحريق
الموجود في الشقة،

وشيماء حينها كانت تريد فعل أي شيء لآية وجابير

بدأت آية في الكلام قائلة:

- أستاذ مصطفى عايز يأجر الشقة مفروشة لمدة إسبوعين ومش هنمضي عقود ولا أي حاجة
فردت شيماء متلهفة

- إسبوعين بس ! وليه كده ماتفضل قاعد فيها علي طول ياشيخ والله إحنا ماعايزين حاجة، ولا
هناخد إيجار أنا عايزاك بس تشوف أخويه

جابير وهو ينظر إلى فؤاد الذي لا تظهر أي علامات علي وجهه: غضب ،أو حزن ،أو أي شيء!

- عنيه ياستي بس خليه يجي يقعد معايا

ردت شيماء بسرعة

- ماشي موافقين، صح يافؤاد

فحرك فؤاد رأسه بأنه موافق.

حينها سرقت آية نظرة لوجه سمير الذي أغمي عليه لتريه قدره الآن، فنظر سمير بكل خوف في

الأرض ،بينما رفعت آية حواجبها وإستمتعت بالتعالي عليه :ثم قالت

- خلاص يا أستاذ فؤاد حضرتك تيجي للشيخ مصطفى بكره الصبح

فحرك فؤاد رأسه بالموافقة وتعالأت أصوات شيماء وهي تدعو للشيخ مصطفى وقالت:

- الله يعمر بيتك يارب يكرمك واللى إنت عايزه، اللى إنت عايزه

فردّت آية:

- لأ ياستي إحنا مش هناخد حاجة.

فقلت شيماء:

- لأ والنبي ماينفع هو أنا هابله

فقال جابير:

- أنا مش هاخد منك فلوس ياستي خلاص.

فرغمت شيماء علي أمرها وقالت:

- طب أنا مش هاخد إيجار وأقعد زي ما إنت عايز تقعد.

آية:

- هما إسبوعين إن شاء الله بس

رحلت شيماء هي وأخيها وزوجها عن الشقة تاركين جابير وآية وحدهم فيها.

* * *

تقف آية في المطبخ وجابير يجلس في الصالة

- هتعرف تعيش من غير ثلاجة؟

جابير من الصالة:

- أه.

- طب لما أجبلك أكل هتحطه فين؟

- في أي حنة أنا هأكل أي حاجة، أنا مش متعود علي أكل البني آدمين ده أصلاً.

آية بعد أن خرجت من المطبخ.

- ما أنت لما تجوع وبطنك تاكلك، نفسك مش هتجيبك تاكل عظم ولا بتاع من التاني هتلاقي

نفسك عايز تاكل أكل البني آدمين.

- هنزل أجيب أكل من الشارع.

نظرت آية في شنطتها وفتحتها وأخرجت خمسين جنيهاً. وأعطتها لجابير:

- خلي الفلوس دي معاك.

نظر جابير إلي الفلوس وشعر بالدور الذي تقوم به آية معه.

- مش عارف أقولك إيه ولا إيه ؟
- ياعم إمسك إنت هتمثل .
- مدّ جابير يده وأخذ المبلغ .
- عايزين نتفق هتعمل إيه مع الوله ده .
- هكلمه كده أشوف دنيته عامله إزاي وأحاول أعقله .
- لأ أنا مش عايزاك تبوز الدنيا .
- أنا أبوظ الدنيا! لأ إنتي مش عارفه حاجة .
- يعني إيه؟ لو أنا سبتك لوحداك هتعرف تتعامل؟
- وفيها إيه دي يعني ؟
- وهتعرف تخليه يرجع تاني يحس؟
- أشوف هو فيه إيه الأول وبعدين أحكم .
- خلاص ماشي براحتك .

قامت آية من مكانها راحلة عن الشقة بعد توديع جابير حتي تراه مجدداً في الغد وقالت له :

- هبقي أجبلك الجلايبه وأنا جايا معايا بكره .

بدأ جابير يتجول في الشقة ، ينظر من البلكونة علي الشارع الضيق ، ثم يعود من جديد إلي الشقة قام بتشغيل التلفزيون الموجود في غرفه النوم ، وذهب إلي المطبخ لبحث عن أي شيء يأكله ولم يجد شيئاً فعاد مجدداً إلي الغرفة ليجد التلفزيون مغلقاً شكّ جابير بوجود أحد آخر بالشقة فقال بصوتٍ

عالٍ:

- مش هتكلم تاني أنا جابير رقيم الأشعم .

ولم ينه كلامه حتي وجد جنياً يقف بجوار التلفزيون ، ولكنه ليس قزماً ، لونه جلده أحمر باهت ، أذناه مرتفعتان للأعلي ، ويشبه الانسان في باقي صفاته ، يرتدي قطعة ملابس علي خصره تغطي حتي فوق الركبة مصنوعة من الكتان ، ويرتدي قطعة أخرى علوية تغطي صدره وبطنه مصنوعة من الكتان

أيضاً ، رآه جابير إستغرب وقال:

- سونه ؟

فاستغرب الجني سونه من هيئه جابير وهو في جسم إنسان وفتح عينيه عن آخرهما، حينها فتح جابير

ذراعيه، فاقترب منه سونه قائلاً:

- جابير إيه إلی إنت فيه ده ياجابير؟!

وحضنا بعضًا بقوة وحينها قال جابير:

- واحشني يابن الفقريه، أخبارك إيه ياله؟

- أنا كويس والله بس إيه اللى إنت فيه ده؟!

- هحكيلك هحكيلك واحشني ياد ووحشاني أيامك.

جلسوا معًا في الصالة، وأخذ جابير يسرد له الحكاية من أولها وشرح له كل شيء

سونه:

- يعني أنا دلوقتي لو إختفيت مش هتشوفي؟

- أشوفك إزاي يا حمار أنا في بني آدم.

فاختفي سونه حينها قال جابير:

- بس ممكن أحرقك.

فعاد سونه للظهور، وقال

- لأ خلاص.

ياه ده إحنا كنا بنتحاكي بيك والله، كان في ناس بتعملي حساب علشان أنا عارفك بس إيه اللى

حصل في الدنيا ياجدعان!

- زمن.

- بس والله كويس إن إنت رجعت توبت تاني وسبتك من الشغل مع النبي آدمين

- وصيه أمي ياسونه مش هعرف أخلفها.

- الله يرحمها والله كانت جنيه طيبه وكانت الناس كلها بتحبها.

- الله يرحمها.

- طب إنت دلوقتي هتعمل إيه؟

- لو عرفت أرجع للبني آدم ده حياته خلاص هرجع طيار تاني:

إبتسم سونه فرحاً وقال:

- ياه ده بيقى يوم المني، وترجع تاني تطلع القمر، إلا إنت صحيح كنت بتشوف الملايكة وتجري جنب الشهب؟

- وأنا صغير بس كنا بنشوفهم بيطوفوا، كانوا بيطوفوا من فوق الكعبة لتحت العرش. إنت عارف طبعاً إن الحتة دي كلها طواف؟

- أيوه ياعم أنا عامل عمره قبل كده.

- طفت فين؟

- أقولك طفنا، كنا بسوا جبل أحد، كنا أعلي منه، وكنا أعلي من كل المباني بس أنا عامل عمره من زمان.

- هما بقي كانوا بيطوفوا بره الأرض، كانوا بيدؤوا طواف من العتمة لحد فوق، وأنا صغير كنت بعرف أطلع العتمة، كنت بعدي من الأرض فكنت بشوفهم، بس لما كبرت معدوش بيظهرولي.

- طب وحوار الشهب ده؟

- ده وأنا صغير طلعت وفضلت أطلع ومكنتش فاهم إن ده غلط فكان في جني بيسترق فرجموه فلقيت شهاب جاي عليه فحرق عنيه وكان هيموتني فجاء ملاك شالني كان ب ١١ جناح، بس

الحمد لله مهما غلطت لما كبرت عمري ماطلعت أسمع ولا مرة.

سونه كان يظهر عليه علامات التعجب لاستماعه كلام جابير،

وقال:

- طب أنا أعملك إيه؟ أساعدك إزاي؟

- ماتقلش لحد علي حكايتي وماتعرفش حد إن أنا هنا وماتجبش حد هنا

- بس ده مش مكاني أصلاً دي شقة وفي ناس بتقعد فيها، وأنا ملقتش مكان أبات فيه فقلت آجي

أبات هنا وبعدين ملقتش حد غيرك.

- أنا حرقت كل اللي كانوا هنا، أنت تعرف حد منهم؟

- ياعم ولا يهمك

- طب أنا مش عايز حد يجيلي هنا.

- خلاص شغل قرءان و...

وسكت سونه ولم يكمل كلامه وقال لجابير بهدوء:

- بس أنا في حد مستنيه جايلي.

- طب لما يجي تساعدني وماتدخلش حد بعده.

- ماهو هيحي بكره .

- يعني أعمل إيه ؟

- مش عارف أنا ممكن أقفل الشقة وأكتبلك علي الجدران بدم الجمال آيات محدش يشفها غيرنا
فمحدث يطيق يجي ، بس صاحبي ده أنا مستنيه وخايف أعمل كده ميحيش. بص أنا قاعد لو حد
جه هشوفه وهقلك تطلعه وبكره إن شاء الله هقفلك الشقة.

ونظر سونه إلي جابير وكأنه يتحايل عليه فوافق جابير ، وظلوا يتحدثوا ثم نام جابير حتي أتى النهار
وسمع خبط علي الباب، فقام من علي السرير بملابسه التي مازال يرتديها من الأمس وذهب ناحية
باب الشقة وفتحه فوجد أمامه فؤاد وبجواره أخته شيماء التي بدأت بالكلام مسرعة حينما وجدت
علامات النوم علي جابير:

- أسفه والله ياسيدنا الشيخ معرفش إن حضرتك نايم.

فرد جابير وهو يدعك عينيه:

- لأ عادي مفيش مشكلة.

لم يلاحظ جابير الشنطة التي مع شيماء ؛ لأنها كانت علي الأرض ، وعندما طلب منهم الدخول
حملتها شيماء فرأها.

دخل جابير ناحية الحمام وغسل وجهه ، بينما جلس فؤاد في الصلاة وبدأت شيماء في فرد محتويات
الشنطة علي الترابيزة الصغيرة الموجودة بالصالة وكان بها غداء يتكون من أرز وبطاطس ولحمه وشورية
وحمام، خرج جابير من الحمام ونظر إلي الأكل الذي يظهر تحت إضاءة اللمبة النيون ونظر إلي
الساعة الموجودة في الصالة وقال:

- في حد يتغدي الساعه عشرة؟

فنظرت شيماء هي وفؤاد إلي الساعة ثم نظرت إلي جابير وقالت:

- لأ دي الساعة واحدة.

لكن فؤاد ظل ينظر إلى الساعة وقامت شيماء من مكانها وقالت:

- إنت عايزني أقعد معاكوا ولا أخش أقف في المطبخ؟

فنظر جابير ناحية المطبخ وسمع صوتًا، فقال:

- لأ إنت تقعدي في أي مكان براحتك إتفضلي طبعاً بس أحسن بعد الأكل نبقي أنا وفؤاد لوحدنا.

فقالت شيماء:

- خلاص أنزل أقعد مع أم هاني لحد ماحضرتك تخلص إتفضل كل علشان الاكل مايبردش وفؤاد

ماتغداش هيتعدي مع حضرتك ،وأنا واكله الحمد لله علشان ماتقولوليش تعالي كلي .

ثم نظرت إلى فؤاد وقالت :

- عايز حاجة يافؤاد؟

فحرك فؤاد وجهه بالرفض ولم يقل أي شيء .

ذهب جابير ناحية الأكل وجلس بجوار فؤاد. وأمسك المعلقة ومسك فؤاد معلقته فنظر إليه جابير وقال:

- سمي علشان محدش ياكل معاك من أكلك.

فقال فؤاد بغير نفس:

- هتفرق؟

- والله هتفرق في حاجات عنيك مابتشوفهاش بس هي بتحصل،

سمي قول بسم الله الرحمن الرحيم.

فسمي فؤاد وسمي جابير وبدؤوا في الأكل وسمع جابير صوت خبط آخر.

فبدأ فؤاد يقلق فقال له جابير

- ماتقلقش كمل أكل أنا جايلك.

وقام من مكانه ودخل إلى المطبخ وقال

- إطلع .

فظهر له سونه وييده عظمة يأكل منها ويجلس علي أرض المطبخ .

فقال له جابير :

- إمشي دلوقتي ياسونه علشان اللي معايا.

- طب لو حد جه هتعرف منين خليني قاعد هنا ولو حد جه هعمل إشارة.

- طب إنت بتخبط ليه ؟

- مفيش العظمة دي مليانه جلد وعازير سكينه أقشرها بيها

- طب أقعد ساكت .

وعاد جابير للجلوس مع فؤاد الذي تظهر عليه علامات القلق، وعاد جابير ليأكل وقال لفؤاد:

- ماتاكل ياعم ماتقلقش مفيش حاجة.

وعاد فؤاد للأكل من جديد و نظر إلي الساعة التي لا تتحرك عقاربها،

وسأله جابير :

- أنت مبتضحكش يافؤاد؟

فنظر له فؤاد وقال:

- إزاي يعني ؟

- مبتضحكش ،مفيش حد بيضحكك ؟

- عادي.

- آخر مره ضحكت إمتي؟

- مش فاكرك عادي.

- طب تعرف تقولي نكتة؟

- لأ مش فاكرك.

- عمرك شفت فيلم وعيظت؟

- أعيط ليه ؟

- عادي يعني البطل مات مثلاً.

- لأ ميخلنيش أعيط.

- إيه أكثر فيلم بتحبه؟

- عادي مفيش حاجة يعني .

إعتدل جابير في جلسته وبدأ يركز مع فؤاد أكثر قليلاً ، وقال له:

- ممكن تحكيالي اللي حصلك

- مش فاهم.

- مش إنت حصلتلك حادثة في الشقة هنا.

- أه عرفت منين؟

- بقلك معالج روحاني ياعم،

ممكن تحكيالي اللي...

- لأ

- ليه لأ إنت مش عايز تخف؟

- أنا مش عيان عشان أخف ،ولو عيان إنت مش هتخفني أنا قاعد معاك علشان أختي متعدهش تعيطلي لما أقولها لأ.

- طب إنت ياعم مش عيان وكل حاجة، بس أنا أعرف أخفك لو عيان.

- ولا بتعرف تعمل أي حاجة، شغل الاشتغالات ده أنا ياما كلت منه ، والنار اللي ولعتها والكلام اللي إنت قلته هو أنا خفت بس، وأنا عارف إن إنت اللي بتعمل ده إشتغالات.

توقف جابير عن الأكل ، وقال :

- يعني لو اقنعتك دلوقتي إن أنا كويس وبعرف أعمل حاجات هتفتحلي قلبك وتحكيالي علي كل حاجة؟

نظر فؤاد إلي جابير وتوقف عن الأكل، وقال

- هتقنعي إزاي أنا مش عايز إشتغالات وتخط ريجي في إيديك أشمها وأنت بتلعبلي في وشي أتخدر

أنا حافظ شغل الدجالين ده كله، فمايهمش لازم توجع في دماغك، أختي مش معايا وإنت

مبتعرفش تخفف حد،

وكده كده اللي إنت عايزه هتاخده متتعيش نفسك.

نظر فؤاد إلي جابير وكنتم بداخله إحساس بالسعادة لأن دوره سيأتي وقال له:
- ياعم أنا مش هلمسك بس هقنعك إن أنا بعرف أعمل بجد مش شغل دجالين
عاد فؤاد للأكل وقال:

- لو عرفت تشغل الساعة دي هصدقك.

فنظر جابير إلي فؤاد باستغراب وسأله:

- لو خليتلك الساعة دي تشغل هتصدقني؟

- أه

- طب ما أنا هجبلها بطارية وأشغلها.

- ياعم معاك لبكره هاتلها بطارية ووديها عند سعاتي بس شغلها

- إنت عامل فيها حاجة ولا إيه؟!

- ياعم ملكش فيه مش إنت ساحر وشيخ وبتاع؟

- طب هشغلها لك بس تستحمل؟

قال فؤاد وهو يأكل:

- أستحمل إيه ياعم هو إنت هتطلع عفريت يصلحها؟

- هطلع عفريت نسأله يمكن يعرف يحد يصحها لنا.

- ياعم ماتفكك بقي من اللي إنت فيه ده ، عفريت إيه وبتاع إيه

-إنت أحرك تطفي النور وترش إسبراي في الهوا وتولع نار وخلاص.

- ماشي ياعم هوريك إن أنا بعرف أطلع عفريت بس ماتخافش.

فؤاد:

- ياعم أنا مبخافش

ثم نادي علي سونه:

- يا سونه ،ياسونه.

فلم يرد سونه، فقال له فؤاد:

- كان بودي أضحك عليك، بس أنا مليش نفس قول كده يا جاما يكا يمكن يجي.

- طب ما إنت حلو أهو.

حضر سونه ووقف أمام جابير ولم يظهر له ثم شدّه من كتفه كي يلتفت إليه، ففرع جابير فنظر له
فؤاد، وقال:

- وعاملي فيها شيخ ده إنت بتركب الهوا ياعم.

- في إيه يا سونه أظهر ماتخافش .

فظهر سونه أمام جابير وفؤاد ففقد فؤاد وعيه وقال سونه:

- بتقولي إظهر ليه قدام هو جبان !

حينها خبط باب الشقة فقال جابير لسونه بينما يرقد فؤاد علي الكنبه.

- إختفي إنت.

- طب أشفلك مين الأول؟

وإختفي سونه ، ثم عاد للظهور مجددًا وقال:

- في بت جامده واقفة بره محجة:

- طب إختفي إنت.

فاختفي سونه وذهب جابير ناحية الباب، ونظر من العين السحرية فوجد آية ففتح لها الباب،

فدخلت وسلمت ، ثم وجدت فؤاد ينام علي الكنبه،

فاتجهت ناحيته وسألت جابير:

- ماله ده نايم ولا إيه؟

- أغمي عليه.

- الله يخرب بيتك عملت فيه إيه؟!

- شاف جني.

فزعلت آية:

- وجبت جن هنا ليه ؟الله يخرب بيتك.

ووضعت يدها علي وجه فؤاد وحاولت إفاقته: ففاق فؤاد ليجد آية في وجهه تقول له:

- قوم ماتخافش

فقام فؤاد من علي الكنبه وأراد أن يخرج من الشقة.

- أنا عايز أنزل.

فتوجه جابير إليه وقال له:

- ياعم مش إنت اللي قتلتي؟

فبعد فؤاد عنه وحاول أن يفتح الباب، لكن آية أوقفته وقالت له:

- ماتخافش ماتخافش يافؤاد، هو بس عايز يفهمك إن الجن مبيخوفوش ودول عاديين زينا وممكن يخافو مننا.

- أنا عايز أنزل.

جابير:

- ياعم ماتخافش بقي طب أقعد أقعد والله وماتخاف
آية:

- أقعد يا فؤاد ماتخافش.

فذهب فؤاد ليجلس وذهبت آية لتجلس بجواره وقالت له:

- ماتخافش خلاص بقي خد نفسك ماتخافش .

- هو إيه اللي أنا شفته ده؟

فاكملت آية بينما جلس جابير علي كرسي أمامهم.

- مفيش ده عفريت صغنن، بس العفاريت دول في منهم طيب وفي شرير بس الاتنين بيخافوا من
البنّي آدم.

فؤاد:

- والله؟

آية:

- ياعم أنت ماشفتش شركة المرعبين المحدودة كانوا بيخوفوا العيال بس هما اللي بيخافوا.

- شركه مرعبين إيه وبتاع إيه! أنا مليش دعوة أنا مش هاجي هنا تاني

نظرت آية بضيق إلى جابر وحاولت أن تكتم غيظها، وذهبت ناحية جابر ووقفت أمامه وطلبت

منه أن يقف وسألته بصوت منخفض:

- أنت وريته إيه؟

- عفريت تراي

- ووريتهوله ليه ؟

- هو اللي قالي إن هو مبيخافش.

- وهو لو مبيخافش توريله عفريت ليه هو فين العفريت ده؟!

- هتلاقيه هنا في الشقة.

- طب روح إتليل هاته ووقفه جنبك.

وتحرك جابر بعيدا عن آية، بينما تحركت آية لتجلس بجوار فؤاد وقالت له:

- بص ،الشيخ مصطفى عايزك تنسي الخوف ويعلمك ماتخافش خالص من العفريت، فاهم؟

- لأ مش فاهم هو راح فين أنا خايف وعايز أمشي. أنا عمري ماشفت عفريت قبل كده

- ياعم ماتخافش والله.

عاد جابر للجلوس ونظر إلى فؤاد الذي شعر بأن هناك شيئاً مريباً يحدث وقال:

- أنا عايز أنزل.

فردت آية:

- ياعم تنزل تروح فين بس ،ده أنا هعمل معاك خدمة العمر.

- هتعملي إيه؟

- هعرفك علي عفريت.

- إنتي! في إيه؟

- لو عرفت عفريت هيعملك كل اللي إنت عايزه وحياتك هتبقى سهلة.

- لأ شكراً، أنا عايز أنزل.

- طب العفريت اللي إنت شفته ده كان شكله إيه؟

- شكله وحش.

حينها تحرك شباك الحمام فشعر فؤاد بالخوف فنظرت آية لجابير وكشرت عن أنيابها، ثم عادت لفؤاد وقالت:

- بص يافؤاد بالراحة كده، العفريت ده حاجة من الاتنين لهتتعرف عليه لاما هيمسك ويخلي حياتك وحشة، فأحسنلك إتعرف عليه دلوقتي.

- إنتوا عايزني أتعرف عليه ليه؟

فقال جابير:

- علشان تعرف إن هما حاجة عاديه مش زي ما إنت متصور، بص سمي كده وقول بسم الله الرحمن الرحيم وهو مسلم هتلاقيه حلو وهيعجبك وبيفهم في حاجات كثير.

آية:

- ماشي يافؤاد يالله سمي وهنوريهولك.

فقال فؤاد:

- أنا عايز أمشي.

آية:

- سمي بقي ليركبك.

فقال فؤاد وهو خائف:

- بسم الله الرحمن الرحيم

قال جابير:

- يالا ياسونه.

فظهر سونه ونظر إلي فؤاد الذي يرتعش من الخوف وقال بصوت عالٍ:

- إيه ياعم إنت خايف مني ليه هو أنا هعضك ماتخافش.

إرتعشت كل شعره في جسم فؤاد لرؤيه سونه الذي أكمل قائلاً:

-إنت خايف ليه عايز أفهم! أنا وأنت مسلمين وموحدين ربنا وإتخلقنا علشان نعبد ربنا، ينفع

تخاف مني ولا أخاف منك؟!!

فبدأ فؤاد يشعر بارتياح، ونظرت له آية وقالت:

- شفت الموضوع سهل إزاي

فبدأ جسم فؤاد يهدأ ونظر سونه إلي جاير وقال له:

- أي خدمة يابه علشان تعرف إن أنا مضطك ،أنا عمري ماضهر لحد ،بس علشانك إنت بس.

رد جاير:

- رنا يكرمك يامعلم.

إتجه سونه ناحية فؤاد ومدّ يده وقال:

- سلم عليه، سلم عليه ماتخافش

فمد فؤاد يده لسونه وسلم عليه وقال سونه له:

- أنا إسمي سونه، إنت إسمك إيه؟

فرد فؤاد بينما تبتسم آية:

- فؤاد.

- عاشت الأسامي يافؤش .

ونظر سونه إلي آية المبتسمة وإبتسم هو الآخر ومدّ يده قائلاً:

- سونه السركي

فمدت آية يداها قائلة:

- آية الشرقاوي محامية فوق وتحت.

- يعني الجمال ده بينزل عندنا؟

فسحبت آية يدها وقالت وحواجبها مرتفعة لأعلي:

- إحنا هننهر

فنادي جاير علي سونه وقال له :

- تعالي ياسونه.

فعاد سونه للوقوف بجوار جاير، بينما إستغربت آية موقف سونه ونظرت إلي فؤاد وقالت له:

- شفت الموضوع سهل إزاي.

فقال فؤاد وهو يهزّ رأسه ويباعد نظره بين سونه وآية:

- ماشي أنا كده معليش عفريت؟

فقال سونه وقاطع آية التي بدأت في الكلام:

- عفريت إيه ياعم عليه النعمة لو عليك عفريت أكله، ده إنت من طرف الطيّار ياعم .

- طيّار مين ؟

فمسك جابر سونه بيديه وقال له:

- أنا هنا اسمي الشيخ مصطفى

وقالت آية وهي تنظر لسونه بترقب:

- قصده الشيخ مصطفى وإنت معلقش حاجة

فأكمل سونه:

- أشتان صاحبي عامل حاجة حلوة، هو جايلي النهاردة، حاجة أوجهها للواحد لو راكبه حد فيها

سهم يتحرك علي الأحمر لو معموله عمل تيجي علي الازرق فاهم؟ يعني لو معمولك عمل ولا

حاجة هنشفهولك ، وإنت كويس ماتخافش ولو عوزت أي حاجة أنا خدام يعني.

فنظرت آية لسونه من فوق وتحت كي يكف عن الكلام،

ثم نظرت إلي جابر، وأشارت علي سونه، فاقترب جابر من سونه الذي يقف بجواره وقال له:

- خلاص بقي إتكل علي الله.

فقال سونه بصوتٍ منخفض:

- طب أنا مش هينفع أمشي

- طب إختفي علي الأقل.

فنظر سونه إلي آية وفؤاد وقال:

- طب عايزين حاجة مني يا جماعة علشان عندي مشوار، بس فرصة سعيدة يافؤش ياله سلام.

فاختفي سونه وظلّ واقفاً مكانه.

وتكلمت آية مع فؤاد:

- شفت الدنيا سهلة إزاي، ماتخافش من عفاريت تاني، إنت معلقش عفاريت ولا حاجة، إنت

سليم

- أمال أنا جاي هنا أعمل إيه؟!

فنظرت آية إلي جابير ونظر إليها هو الآخر ولم يعرفوا ماذا سيقولون، فردّ جابير:

- علشان أرجعلك حياتك

فعاد جابير بظهره إلي الخلف، بينما أخذت إيه صنية الأكل التي كانت لاتزال موجودة أمامه إلي

المطبخ، وتكلم فؤاد بينما إقترب جابير وجلس بجواره:

- أنا مراقي ماتت هترجع إزاي؟! والحل سبته والعيال بتقول عليه إن أنا مجنون، وبخاف أقعد في

شقتي، حياه إيه ياعم إلي هترجعوها لي؟!

جابير:

- ياعم إنت عاقل أهو، تخيل نفسك لو روحت بلد تانية هتعيش وسط الناس علي إنك بني آدم

عادي . هي المشكلة في بصة الناس ليك هنا وهنغيرها وخلاص.

عادت آية من المطبخ وقالت:

- أنا عايزه أبقى أجيب سخان علشان الشاي .

وجلست علي الكرسي مكان جابير، وقال جابير:

- يعني إنت كده خلاص فقدت الأمل في ربنا! ماترجع ياعم تقعد في شقتك وتتجوز وتفتح محل

وكل حاجة.

- والناس اللي بتقول عليا مجنون؟

فقال جابير:

- ليك عليا ياعم مخليش حد يقول عليك مجنون، مش علشان حاجة علشان إنت عاقل مش مجنون

بس.

- مش هتعرف.

- ولو عرفت ترجع تعيش حياتك بشكل طبيعي ؟

فنظر فؤاد إلي جابير وحرك رأسه بالموافقة.

فقال جابير:

- طب نقرأ الفاتحة علي كده؟

فابتسم فؤاد إبتسامه سخرية تراها خارجه منه علي أنها إبتسامه حزن وليس فرحًا وقال:

- ماشي.

وقرأوا هم الثلاثة الفاتحة، ثم قالوا: آمين حينها سمعت آية صوت في أذنها يقول:

- أنا لو إنسي مكنتش سبتك.

فتلفت آية بسرعة حولها وقالت:

- في ناس ممكن تتحرق دلوقتي .

نظر جابير إلي عين فؤاد مباشرة وقال له:

- ممكن تحكي لي بقي إيه اللي حصلك ؟

نظر فؤاد إلي الأرض ،ثم إلي آية ولم يعرف إذا كان سيجيب علي هذا السؤال أم لا، فقالت آية:

- لو عايزني أمشي همشي

فقال فؤاد

- هي جات علي قعدتك ما الناس كلها عرفت وشافت.

وسكت فؤاد قليلاً، ثم بدأ يتكلم:

- عادي إتجوزت وكل حاجة كانت كويسه وليله الدخلة مراقي وهي في الحمام السخان فرقع تقريبًا

قعد يطلع بخار وكان في صوت عالي، فدخلت جري عليها وحاولت أقفله ومعرفتش أخرجها علشان

لو كنت خرجتها البخار كان هيجي في وشها، و معرفتش أقفله وبصيت لقيت الباب مقفول من

جوه ومحدث راح ناحيته، المهم بقي حصل اللي حصل، أنا مش عايز أتكلم في الموضوع ده.

وقام فؤاد من مكانه وتركهم وذهب في اتجاه باب الشقة، لكن جابير سار خلفه كي يوقفه وقال له:

- رايح فين بس ؟ ما تقعد.

- لأ لأ مش عايز أقعد في الشقة دي.

وأصرَّ فؤاد علي الخروج وحاول جابير منعه، لكن آية أشارت له ببداها أن يتركه؛ فتركه جابير يفتح باب الشقة وينزل منها، وبقيت آية وجابير في الشقة حينها أخبرت آية جابير بأن يلحقه فارتدي الحذاء ولحق به علي السلم وقال له:

- طب إستني هنتكلم في أي حته.

وتوقف فؤاد عن الحركة حتي لحق به جابير وسارا معًا إلي خارج المنزل إلي الشارع، وتكلم جابير مع فؤاد:

- هو إنت كان عندك محل إيه يا فؤاد؟

- ساعات

أنا كان بيعجلي أغلي ساعات في مصر أصلحها. كانت الساعة بتستني بالشهر علشان تاخذ دورها.

- ياه!! طب ده لازم يرجع تاني

أحد الأطفال كان يقف في الشارع ينظر إلي فؤاد الذي يسير ومعه جابير، ويحضر نفسه لأن يقول شيئًا لفؤاد يضايقه به، وعندما مرَّ فؤاد وأعطاه ظهره قال:

- شفت مراتك عريانة يا فؤاد.

فتعصب فؤاد جدًّا وإحمرَّ وجهه وإلتفت ناحية الصبي، بينما جري الصبي وحاول فؤاد أن يلحقه،

لكن جابير مسكه بكل قوته، وأخذ فؤاد يصرخ ويقول:

- وسع وسع هموته.

ويحاول جابير أن يمسكه بكل قوة، ثم سمع جابير صوت سونه المختفي:

- أمسكه معاك؟

فنظر جابير ناحية الهواء، وأخذ يكلم سونه الذي لا يراه أحد:

- إنت إيه اللي نزلك؟

- البت اللي فوق قالتلي إنزل لحرقك.

وإلتفت سونه الناحية الأخرى وحاول أن يمسك فؤاد المتعصب جدًّا،

وشعر بأنه يمسكه، فطلب منه أن يتركه وقال له وهو يكلم الهواء:

- سيبه يا سونه.

أنتبه الاطفال إلي جابير الذي يكلم نفسه، وأخذوا يضحكون عليه ويقولون:

- الاتنين هبل. الاتنين هبل

جابير:

- إهدي يافؤاد، إهدي يافؤاد إعمل معروف.

وحينها شعر أن سونه تركه، ثم لاحظ جابير وهو يمسك فؤاد أن ملامحه تتغير فنظر جابير ناحية الاطفال فوجدهم يصرخون ولا يعرف لماذا يصرخون، ثم وجد الطفل الذي شتم فؤاد يخبط رأسه في الجدار، وبدأ الاطفال في الجري في كل إتجاه، وبدأوا سيكون فتوقف فؤاد عن محاولة التملص من جابير، وهدأ تمامًا ثم عاد سونه ووقف أمام فؤاد وهو مختفٍ وقال له:

- أي ياخدمة ياعم فؤاد، لو عوزت أي حاجة أنا خدامك.

فهدأ فؤاد تمامًا وبدأ وجهه يعود للونه الطبيعي، وأخذ جابير فؤاد وساروا في الشارع

سونه:

- هو أنتوا رايحين فين؟

جابير:

- هو المحل بتاعك كان فين يافؤاد؟

فؤاد:

- في غمره.

سونه:

- دي بعيدة ياعم.

فؤاد:

- هو إحنا مش رايحين أصلاً، أنا هروح أعمل إيه؟

جابير:

- ياعم أنا قتللك هنروح هو إنت دلوقتي تعرف تصلح الساعات ولا معدتش بتعرف

فؤاد:

- أنا بعرف أصلح الساعات أحسن ما أنت بتعرف تتنفس

جابر:

طب ماصلحتلناش الساعة اللي فوق ليه ياعم؟!

فؤاد:

- الساعة اللي فوق ماينفعش تتصلح

جابر:

- ليه كده؟

فؤاد:

- علشان اللي إتعملت علشانها ماتت، فالساعة زعلت عليها ومعدتش بتشتغل.

سونه:

- إيه ياعم إنت ممسوس ولا إيه؟! ساعة إيه اللي زعلت ولا تكنش الساعة اللي ممسوسة!

وضحك سونه.

فقال جابر:

- إهدي ياسونه ياتمشي .

ثم بدأ يكلم فؤاد:

- طب يابه صلح أي ساعه تانيه إرجع إشتغل تاني، أفتحلك محل؟

فؤاد:

- المحل كان بتاع أبويه، وعليه إسمه من وهو أدي، عمري ماعرف أشتغل في محل تاني.

جابر:

- طب ماتشتغل فيه ياعم، هو إنت بعتة؟

فؤاد:

- أجرته سبع سنين.

جابر:

- ليه كده يافؤاد؟

فؤاد:

- أهو بقي كان مقفول.

جابر:

- والسبع سنين دول هيخلصوا إمتي؟

فؤاد:

- الاتفاق كان أما أعوز آخذ المحل في أي وقت آخده، بس لما روحت للوله اللي أجرتقوله قالي

كمان خامسة.

جابر:

- طب ليه؟

فؤاد:

- عيل وسخ كان بيشتغل صبي عندي، ولما ائجره صفى البضاعة اللي فيه ،ولما أختي راحتله ،قالها

أنا واخده من غير بضاعة وييجيب الإيجار شهر أه وتلاته لأ.

نظر جابر إلي فؤاد الذي يسير بجواره في الشارع نظره أبطأت حركة فؤاد كثيرا وقال له:

- تعالي وديني المحل ده

فوافق فؤاد وأخذه إلي المحل دون أن يعرف لماذا ،ثم في الطريق سأله.

فؤاد :

- طب إحنا رايجين نعمل إيه دلوقتي؟

جابر:

- إنت مش بتقول ليك إيجار متأخر؟

فؤاد:

- هو ييجيب إيجار أساسًا!

جابر:

- طيب ياعم إحنا رايجين في حق، علي الأقل علشان ضميري يبغي مرتاح وأنا بجبلك حقل

إستمر فؤاد في السير ومعه جابر حتي وصلا إلي محل ساعات واجهته كبيرو مكتوب عليه الأمير

للساعات وفي الفاترينه عدة ساعات.

جابر :

- أنت أبوك كان إسمه الأمير؟

فؤاد:

- ده إسم الكلب اللي أجره ،أبويه إسمه صلاح برغوت ،المحطة دي كان إسمها علي إسمه لو راكب أي مواصلة تقوله صلاح برغوت.

المنطقة تجارية بها عدة محلات بجوار بعضها، والطريق عمومي تسير فيه الميكروباصات والتاكسيات

جابر:

- طب تعالى نخش وإسأله علي الايجار.

دخل فؤاد إلي المحل بصعوبة وهو يتأمل كل شبر فيه، نظر بعينه إلي الفاترينة الداخلية التي يجلس خلفها أمير ومعه صبي في الخامسة عشرة، وفوقه ساعات حائط كثيره معلقة علي الجدار، بينما إمتلأت الفاترينه الداخلية بساعات اليد.

أمير في عمر فؤاد، نحيل لونه قمحي مائل للسواد ،شعره أسود ملفلف ،عندما رأي فؤاد أمامه إستغرب وشعر بالامتعاض، لكنه في ثانيه غير علامات وجهه إلي الابتسامة وقام من مكانه مهلاً بدخول فؤاد عليه.

أمير:

- فؤاد إزيك ياريس؟

ومدّ يده لفؤاد كي يسلم عليه، ومد فؤاد يده بحزن ؛لأنه كان يقول لفؤاد في الأول يا إسطي!

فؤاد:

- إزيك يا أمير؟

أمير

- الحمد لله، إنت عامل إيه يا فؤاد؟

هات كرسي ياله،

ثم نظر إلي جابر وقال له:

- أوامر ياباشا؟

فرد جابير:

- جاي مع فؤاد.

فنظر للخلف وقال:

- كرسيين ياله

جلس فؤاد مع جابير، وأخذ فؤاد يتأمل كل ركن من أركان المحل.

أمير:

- وإنت عامل إيه دلوقتي خفيت ولا لسه بتحس بحاجة؟

غضب فؤاد من كلام أمير، لكنه وجد يد جابير علي رجله تطلب منه الهدوء، وردّ جابير بالنيابة عنه:

- الحمد لله ياعم الرجل زي الفل أهو.

فنظر أمير إلي جابير وسأله وهو يرفع كوب الشاي علي فمه، وينظر إلي وجه جابير أو مصطفى الذي كان يحمل ندبه أثر إصابه بسكينه أسفل وجته اليمني.

- ومين بقي الاستاذ؟!

فرد جابير:

- مصطفى العربي.

أمير:

- وتشتغل إيه بقي ياباشا؟

فردّ جابير:

- حاوي.

فابتسم أمير بخبث وقال:

- ياه طب ماتجبلنا مليون جنيه كده

جابير:

- لأ أنا باخد مابديش.

حينها فُهم أمير أن فؤاد سيطلب منه الايجار، ووضع جابير يديه علي رجل فؤاد وإقترب منه وقال له
الايجار، ولكن أمير ردّ قبل أن يسأل:

- والله أنا عارف إن أنا متأخر في الايجار، بس زي ما إنت شايف يافؤاد مفيش سوق، البلد حالة واقف وقفلنا المحل الشهر اللي فات بتاع الثورة، وأدينا بنش وداخلين في حظر وزفت، والحالة زي ما
إنت شايف،

كان بودي والله بس مفيش يا فؤاد.

فقال فؤاد وهو يحأول أن يعبر عن غضبه:

- هو إنت من إمتي وإنت بتقولي يا فؤاد؟! إنت مش كنت بتقولي يا أسطي؟!!

فنظر أمير إلي الأرض، ثم رفع رأسه ونظر في وجه فؤاد وقال:

- ماشي يا أسطي ربنا يشفيك.

حينها غضب فؤاد وتحول وجهه للون الأحمر، ولكن جابير قبض علي يديه بكل قوة كي لا يفعل أي
شيء، وبدأ في الكلام:

- بص ياعم أمير عليك إيجار قديم هتجيبه أول حاجة، تاني حاجة كان في إتفاق بينك وبين الراجل
ده إنه لما يعوز المحل تسييه.

وأكمل فؤاد:

- وإنك ماتنزلش إسم أبويه من علي المحل.

عاد أمير بظهره إلي الخلف، بينما دخل الصبي من باب المحل ووضع كوبين من الشاي علي الفاترينه
وقال:

- بيني وبينك عقد إشتكيني هقلهم واحد راكبه عفاريت ويضايق الجيران اللي حوليه وشوف مين
اللي هيديك المحل.

حينها احمرّ وجه فؤاد تمامًا قبض جابير بقوة علي يديه الاثنتين كي لا ينفعل وقام ووقف أمامه كي لا
ينظر إلي أمير وقال لفؤاد:

- يالا نطلع بره، يالا قوم ماتعملش حاجة، حقك أنا هجبهولك وإنت عارف إن أنا هعرف

وأخرج جابير فؤاد من المحل وأخرج معه.

رحلوا جميعاً عن تلك المنطقة وعادوا إلى الشقة، وعندما دخلوا من باب العمارة شموا رائحه بخور كثيفه تملأ المكان وصوت مقررئ وصلوا إلى الشقة وجدوا بابها مفتوحاً، ويوجد طوبه خلف الباب تسنده كي لا يغلق، ويخرج من داخل الشقة رائحه البخور وصوت الشيخ عبد الباسط لسمع دارالسلام كلها، دخلوا إلى الشقة فوجدوا شيماء تجلس وسط الدخان ومعها آية ويتحدثون معاً، عندما رأتهم شيماء ذهبت مسرعه ناحية أخيها تضع يدها عليه لتتحسسه، ثم سألت جابير

- إيه عمل إيه؟

جابير:

- إيه اللي أنتوا عاملينه ده؟!

شيماء:

- حاسينا إن هما رجعوا تاني ياسيدنا الشيخ.

نظر جابير إلى آية التي تجلس علي الكنبه ويحيطها الدخان من كل ناحية، فوجد بيدها سيجارة

مشتعله يختلط دخانها بالبخور، ذهب جابير إليها وسألها

- آية في إيه؟

فردّت آية والسيجارة في فمها:

- مفيش حاجة الأبواب خبطت، فخافت وعملت اللي إنت شايفه،

ده إنت عملت معاه إيه؟

جلس جابير وسمع صوت سونه في أذنه:

- هي بتشرب سجاير؟

فنظر ناحية اليمين وقال:

- شوف كده في حد هنا؟

ثم نظر ناحية شيماء التي إقتربت منه وسألته:

- طب إنت عايز فؤاد في حاجة؟

فرفع جابير يده قائلًا:

- لأ شكرًا.

ثم نظر إلي فؤاد وقال له:

- بكره مستنيك وإن شاء الله الموضوع هيبقي خالصان.

شيماء متلهفة:

- موضوع إيه؟

فعاد جابير بظهره إلي الخلف وقال:

- المحل إن شاء الله هنرجعهوله.

ففرحت شيماء ورفعت رأسها لأعلي

- ده يبقى يوم المني لو يرجع ثاني المحل .

واستغربت آية من موضوع المحل، لكنها لم تسأل جابير عنه إلا بعد نزول شيماء وأخيها.

آية:

- محل إيه؟

سمع جابير صوت سونه في أذنه:

- أشتان صاحبي جه ونايم في الحمام، أضحيه؟

فقال جابير بدون أن ينظر إلي سونه:

- لأ عادي.

ثم عاد للنظر ناحية آية وقال لها:

- المحل بتاعوا في واد واخده منه ومبدلوش الايجار، فأنا هرجعهوله.

قالت آية وهي غير راضية:

- أنا مش عايزة وش، لو عملت حاجة حراس الأرض مش هيسيبوك.

جابير:

- ماتخافيش

نظرت آية في إتجاه الهواء الذي يحيط جابير، ثم قالت:

- هو سونه ده لسه هنا؟

فرد جابير:

- أه هنا.

آية بوجه رافضٍ لوجوده:

- ماتمشيه.

جابر:

- خليه ده جني غلبان وبعدين ساعدي جامد مع الوله.

آية:

- أنا مش عايزه وجع دماغ مع العفريت ده وتعملوا حاجات سودا تيجي علي دماغي في الآخر.
حينها وجدت آية سونه يظهر من العدم ليقف أمامها هي وجابر، ولكن بحوزته جني آخر يضع سونه
يديه علي كتفه، قرم ويرتدي نظارة علي عينه، له جلد أحمر باهت وعظامه تظهر من تحت جلده،
ملابسه المصنوعة من الصوف.

رجعت آية للخلف حينما رآته وقالت:

- إيه ده؟

حينها إلتفت جابر إليه ثم سمع سونه يقول:

- أشتان صاحبي.

أعرفك:

- أستاذة آية الشرقاوي محامية فوق وتحت، وطبعاً ده الباشا الكبير جابر الاشعم بس نازل في جسم
بني آدم.

فحرك أشتان رأسه وقال بصوت يظهر أنه أخنف تماماً:

- أهلا وسهلاً عاملين إيه.

فنظرت أياه إلي جابر مستغربة، لكن الخنفة في صوت أشتان ومظهره جعلوا وجهها يبتسم قليلاً،

ونظر جابر إليه ومدّ يده وقال له:

- إزيك عامل إيه؟

فردّ أشتان:

- الحمد لله إنتوا عاملين إيه سألتكوا علي فكرة وماردتوش!

جابر:

- كويسين.

سونه وهو يربط يديه بقوة علي كتف أشتان الاقصر منه:

- أشتان بقي عبقرى دماغه فظيعة ويبخترع حاجات وهمية.

أشتان بكسوف:

- ياعم ماتقولش كده بس ياعم.

ظلت آية تبتسم من الخنفة الموجودة في صوت أشتان القزم.

أكمل سونه:

- ده بقي عنده جهاز بيحييه عليك لو معمولك عمل ييجي علي الأزرق لو ممسوس ييجي علي

الأحمر، صح يا أشتان؟

أشتان:

- مش صح قوي

وفجأة ظهر جهاز بيد أشتان عباره زماره عجله موصل باخرها خشبة، وعليها سهم يلف مثل سهم

السرعة الموجود في السيارة

قال أشتان:

- بنقرا علي المياه قرآن ونخطها من الفتحة بتاع الزمارة دي تنزل في الجلدة المطاط اللي في آخر

الزمارة دي، الجلدة فيها فتحها مفروض تعدي المياه علي الخشبة والخشبة مخرومة من الناحية الثانية،

بنفخ في الناحية الدي الزماره بتزمر والسهم ييجي من الشمال لليمين، لو إنت معلقش حاجة

يفضل مكانه لو معمولك عمل يتحرك لحد أول ربع، لو ممسوس يتحرك لحد النص، لو راكبك حد

يوصل لحد الآخر.

إبتسمت آية وهي مستهجنة ماتراه، وقالت:

- ماشي برافو عليك يالا بقي روح.

فغضب أشتان جدًا ودافع سونه عنه وهم واقفين أمام آية وجابر:

- يروح فين ده قاعد معايا هنا.

وقال جابر وهو ينظر إلى آية بينما يشعر أشتان بالحجل:

- ياستي ملكيش دعوه بيهم دول معايا.

سونه:

- علي فكره الجهاز ده هينفعكوا جدًا مع الوله، جربوا كده يا أشتان علي عمك جابر

صوب أشتان الزمارة ناحية وجه جابر ثم نفخ وسأله جابر:

- إنت حاطط فيها مياه؟

وحرك سونه رأسه بالموافقة بدلًا من أشتان، ثم إنتهي أشتان من النفخ وسمعوا صوت الزمارة مستمرًا بقوة لدرجة أصابت غيظ آية وجعلتها تقوم من مكانها حتي إستقر السهم علي النهاية الأخرى

وحينها قال أشتان:

- إنت في حد راكبك

فرد سونه :

- إنت ذكي ياله مش بقولك إن هو راكب حد.

فرغ أشتان حواجه وقال:

- آه

حينها همت آية بالانصراف وقالت لجابر:

- خلي بالك إنت لو ملحققتش تعمل اللي إنت طالع الأرض تعمله هتموت.

ثم سمعت آية صوت الزمارة ونظرت ناحيتها لتجد أشتان موجهها ناحيتها فاستغربت بشدة حينها

سمعت أشتان يقول:

- إنتي معمولك عمل.

وكان السهم موجودًا في أول ربع.

فاستغربت آية ورفعت حواجبها حتي آخرها وقالت :

- إنت أهلك ياله، إنت عايز تتحرق.

فرجع أشتان للخلف وإستخبي خلف سونه الذي ظلّ رابطا علي كتفه، ورد بالنيابه عنه.

- هو عمك حاجة هو بيقلك إن معمولك عمل الحق عليه إنه بيفيدك

آية:

- عمل إيه ياهبل إنت وهو، إنت عبيط ياله إنت وهو ، يالا أنا هنزل أجبلكوا حراس الأرض حينها وقف جابير مكانه وقال لها:

- خلاص خلاص

وحاول أن يمسك يدها كي يهدأها فبعدت يدها بكل قوة:

- هو إيه اللي أنا عاملاه في نفسي ده، شويه مجانين وقاعدة معاهم.

وتركت آية الشقة وخرجت وحاول جابير أن ينادى عليها:

- يا آية ،يا آية.

فنظرت آية إلى جابير وقالت:

- أنا عملت معاك اللي أقدر عليه، وإنت بمعرفتك بقي شوف هترجع للواد ده حياته إزاي، أنا معدش فارق معايا إن إنت تاخذ براءة من حرق.

وخرجت آية من الشقة، وأغلقت الباب خلفها بكل قوة وكان أشتان محتبئًا خلف جسم سونه الذي يحاول أن يربط بكل قوة علي كتفه كي لا يحزن لما حدث .عاد جابير للجلوس علي الكنبه وجلس بجواره سونه وأشتان.

وبدأ سونه في الكلام:

- طب إحنا هنعمل إيه مع صاحبك ؟

فنظر له جابير:

- صاحبي مين؟

سونه:

- ياعم الوله بتاع الساعات.

جابير:

- أه ،مش عارف، تفتكر نعمله إيه؟

نظر إليه سونه باستغراب:

- مش مفروض نمشي الواد ده من المحل.

أشتان:

- محل إيه؟

سونه:

- محل كان مأجره لواحد وعازين نطلعه منه.

أشتان:

- يعني المحل أصلاً بتاع صاحبكم؟

جابر:

- أه.

سونه:

- عازين نطفشوا.

أشتان:

- ليه ياعم ماتسرق عقد الايجار وخلاص.

جابر:

- طب إحنا مش عارفين مكانه أصلاً

أشتان:

- يعني هو هيكون حاطه في بطن حوت يعني! أكيد رامييه في دورج الكوميدينو.

نظر جابر إلي أشتان وقال له:

- هتعرف تجيبه يعني؟

أشتان بثقة:

- أجبلك أمه.

جابر:

- طب روح هاتوا دلوقتي.

أشتان:

- هاتلي ريجته.

جابر:

- وأنا أجبلك ريحه العقد منين؟

أشتان:

- ريحه صاحب العقد.

أمسك سونه يد أشتان كي ينظر إليه، فكان يجلس علي يمينه وقال له:

- ياعم أنا عارف الوله وعارف مكانه.

أشتان:

- خلاص تعالي معايا نروح نجيبه.

فنظر سونه إلي أشتان كي يتأكد إذا كان واثقاً من نفسه أم لا، وقال:

- ولو جنبنا العقد كده خلاص؟

أشتان:

- أيوه ياجدعان في إيه هو في حد بيوثق عقود الايجار!

نظر جابر إلي أشتان وقال له :

- خلاص روح هاتوا دلوقتي .

فقام أشتان من مكانه وقام سونه هو الآخر، ثم سأل سونه جابر:

- أجبلك حاجة معايا وأنا جاي؟

فسكت جابر لبرهه ليفكر وهو ينظر إلي سونه، ثم قال:

- عارف أخت الوله فؤاد اللي إسمها شيماء؟

ردّ سونه:

- أه الوليه الرفيعة دي.

- روح قلها في ودنها تجيب العقد بتاع الملكية بتاع أخوها

أشتان:

- طب ما نجيبه إحنا.

- لأ خليها هي تجيبه بنفسها أحسن(جابر قائلاً)

حينها إحتفي أشتان وسونه من أمام جابير وتركوه وحده في الشقة يفكر في العمل المعمول لآية، وماهو هذا العمل ،وكيف يساعد في التخلص منه إستمر جابير في الحركة داخل الشقة والذهاب للبلكونة منتظراً

عودة سونه وأشتان وفجأة سمع خبط علي باب الشقة، ذهب ناحية باب الشقة وفتح الباب مباشرة ليجد أمامه سيدة في منتصف الخمسينات ممتلئة القوام تداري وزنها الزائد بعباية سوداء منحنيه قليلاً ناحية الأمام ،قمحية الملامح يظهر عليها العجز ،وبجوارها فتاة خمرية في أواخر العشرينات، ترتدي حبيبة سوداء وبلوزة بيضاء لها عيون عسلية، لها باع طويل في الجمال! نظر جابير اليهم ولا يعرف فيما أتيا، ثم سمع صوت العجوز المنحنية:

- السلام عليكم

فرد جابير:

- عليكم السلام

وأكملت السيدة:

- ممكن نقابل الشيخ لو سمحت؟

لم يفهم جابير فيما أتوا وبحسن نية قال لها:

- أيوه أنا.

فنظرت السيدة المنحنية إليه وقالت ويبدو عليها الضعف:

- جينالك في حاجة يا سيدنا الشيخ..

حينها إلتفت جابير إلي الفتاة وشعر بأن هناك عملاً معمولاً لها ،أو مثل تلك الأشياء ولم يريد جابير أن يشغل نفسه بمثل تلك الأمور فسألها:

- أؤمري.

فردّت السيدة:

- هو ينفع هنا علي الباب.

كانت ساعة مغربية ولم يرد جابير أن يتورط في أي شيء ،ولكن منظر الفتاة جعله يوافق وأدخلهم إلى داخل الشقة ،وجلسوا في تلك الصالة علي الكنبه هم الاثنان بجوار بعض وهو يجلس علي كرسي أمامهم قال جابير:

- أؤمري ياستي.

حينها وضعت السيدة يدها علي بنتها كما توقع أن تكون المشكلة في بنتها، وأردفت قائلة:

- بنتي يا سيدنا الشيخ زي ما أنت شايف بدر، روحها حلوة وطيبة وبتنكسف من الريح وبتصلي وعارفة ربك وبيجيلها العرسان يدقوا بابها

ويخطبوها ويسبوها، إتخطبت ست مرات وكل مرة أحسن من اللي قبلها ونقول معلش دي حكمه ربنا، وتحب خطيبها ويسبها ومن غير سبب!

نفسه مش مرتاحة تحصله حاجة حاجات تافهة، وأنا معرفش في إيه! ونفسي أفرح بيها قبل ما أموت، بالله عليك تشوفلنا في إيه، وأنا والله مقتدرة وهعمل أي حاجة علشانها.

نظر جابير إليها باستغرابٍ وبدأ يستعرض موقفه في رأسه وإنه يجب عليه ألا يفعل أي شيء لأي شخص ثم نظر إلى الفتاة الذي يبدو عليها الحزن،

وقال:

- طب إنتي عرفتي منين ياستي؟!

فتحايلت عليه السيدة المنحية وقالت:

- والنبي يا شيخ ماتسألني الأسئلة دي أنا هعملك أي حاجة بس تشوفلنا مالها أبوس إيدك.

فرجع جابير إلى الخلف ليأخذ صدره من أي شيء تفعله هذه السيدة، وبدأ يفكر في الزمارة الخاصة بأشتان إذا وجدها من الممكن أن يكتشف ما بالفتاة ثم قال لها:

- طب إستني ثانية واحدة

وخرج من الصالة ودخل إلى غرفة النوم وأخذ يبحث فيها ولم يجد أي شيء ثم دخل إلى المطبخ، ثم

الحمام ولم يجد أي شيء ثم إلى الغرفة الأخرى التي كانت خالية تمامًا، نظر داخلها ثم لم يجد أي

شيء، وخرج منها، ثم عاد مجددًا؛ لينظر خلف الباب ودخل إلى الغرفة وأغلق الباب لينظر خلفه

فوجد الباب يُغلق وحده! ووجد يدًا تقبض بقوةٍ علي فمه وأظافر طويلة تدخل في شفتيه ولا يستطيع الكلام وكل ما يفعله أنه يحرك رجليه ويديه؛ لكي يتخلص من تلك القبضة، ثم فجأةً وجد أمامه جنياً يزيد طوله عن المترين والنصف، له ذيل يتحرك خلفه، جلده أصفر تمامًا تظهر عظامه من أسفل الجلد، ومقلتا عيناه حمراء كالنار ليس برأسه أي شعر.

نظر جابير إلى يديه فوجد حديدة كبيرة في كل معصم داخلية في الجلد وخارجة منه تتدككه كخيوط، حينها عرف أنه من حراس الأرض.

فتح الحارس فمه ليتكلم في وجه جابير وقال:

- هتلعب بريقي هتلعب بطريقي

وحينها وجد الحارس يقذفه من أول الغرفة إلى آخرها؛ لينزل علي الجدار ويقع علي الأرض ويتألم بشدة وفتح عينيه بعد الوقوع ليجد حارسًا آخر له نفس هيئة هذا الحارس ويختلف عنه في ملامح وجهه وإملاكه لشعر علي رأسه. وأكمل الحارس الأول قائلاً.

- عالم الجن مش لعبه مينفعش إنسي يتكلم مع جني والإنسي اللي يعمل كده بيقى لازم يموت، عقابك دلوقتي إنك تموت.

لم يعرف جابير ماذا يقول وهو جالس علي الأرض يتألم بشدة، هل يخبرهم أنه جني طيار محكوم عليه حكم، أم لا؟ أسئلة كبيرة دارت في رأس جابير، بينما يتكلم الحارس الذي أردف قائلاً وهو يقترب من جابير:

- عايز تموت ولا عايز تلعب بطريقي؟

ونظر إليه جابير وهو مكوم علي الأرض ولم يعرف ماذا يقول وماذا عليه أن يخبره الآن وأكمل الجني:

- كل اللي هتاخده بالنص، وأنا مش هساعدك ومش هعملك حاجة غير إني هسيبك فاهم.

فنظر جابير إليه في خوفٍ، ثم أعاد الحارس سؤاله بعدما رفع صوته وخبط يده في الجدار وقال:

فاهم؟

فأجاب جابير:

- آه.

حينها إختفوا من أمامه وظلّ جابر علي الأرض ولم يستطع القيام ليري السيدة التي بالخارج وظلّ جالسًا لمدة نصف ساعة حتي قام من مكانه ولم يجدها بالخارج ولم يسمع أي صوت لاجلاق الباب، فحينها أدرك أن هذا الحارس كان تلك السيدة ونام جابر علي الكنبه ليريح ظهره من الصدمة، وغفي قليلاً ثم إستيقظ علي صوت سونه:

- قوم يا طيّار يا طيّار.

فنظر جابر إلي يمينه وهو نايم علي الكنبه فوجد سونه فرحًا وبجواره أشتان يمسون عدة أوراق في أيديهم، ولم يستطيع أن يعدل نفسه علي الكنبه وعندما تألم وهو يعدل ظهره شعر سونه بأن هناك شيئًا ما حدث فسأله وهو يقرب وجهه منه:

- إيه يا جابر في إيه؟

فردّ جابر بعدما عدل نفسه علي الكنبه ووضع يديه علي مسند الكنبه وسند ظهره لها - حراس الأرض جم هنا وضربوني.

فقال أشتان:

- كان شكلهم إيه؟

جابر:

- واحد كانت عنيه حمراء..

فقال سونه:

- خزيم وسرقت ياه دول صاعبين أوي، عملوا فيك إيه؟

بدأ سونه يتحسس جسم جابر، فقال جابر بعد أن عدل نفسه تمامًا علي الكنبه وجلس عليها:

- حدفني في آخر الأوضة علي الجدار، فظهري كله إتخبط فيه.

أشتان :

- ماتقلقش هجبلك لبخة سبرتو وأدهنلك بيها ظهرك ومش هيوجعك،

ثم سكت سونه وأشتان وتأملوا جابر حتي سألهم جابر:

- عملتوا إيه؟

فرد سونه مسرعاً:

- أه جنبنا العقد وكان عاملوا صورة وضيعناله بطاقتة ماتخافش.

وأعطوه العقود فأمسكها يتأمل فيه ثم قال:

- أنا معرفش الحراس عرفوا مكاني منين وقالولي لو هتشتغل بيقى

تقسم معانا.

سونه:

- مش إنت قولتلي إن إنت حرقت جن هنا هتلاقيهم شمو خبر.

جابر:

- بس ميعرفوش إن أنا طيار.

أشتان:

- إحمد ربنا، لو عرفوا كانوا موتوك، دول بيكرهوكوا أوي.

نظر سونه إلي جابر وقال له:

- دي غلطتي معلش .

جابر:

- غلطتك ليه يا بني؟!

سونه:

- نسيت أكتبلك آيات بدم الجمال مكنوش هيطيقوا يجوا الشقة،

أنا هكتبلك دلوقتي، وإنت يا أشتان إدهنلوا ظهره.

أشتان:

- ماشي هروح أجيب اللبخة وآجي.

سونه:

- وأنا هروح المذبح وآجي ولا أقعد معاك؟

عاد جابر للنوم علي الكنبه، وفرد ظهره كله وقال:

- لأ لأ علي إيه؟

سونه:

- طب مش عايز أي حاجة أجبهالك وأنا جاي؟

جاير:

- لأ شكرًا

سونه:

- ماشي ياللا يا أشتان.

إحتفي كل من أشتان وسونه من أمام جاير وطاروا ليحضروا تلك الأشياء، بينما إرتاح جاير علي الكنبه، وفرد ظهره مجددًا، ثم عاد سونه يحمل صفيحة بها دماء، وظهر أمام جاير ليجده نائمًا علي الكنبه، وعيناه مغلقة فلم يرد أن يوقظه، وذهب في إتجاه الغرفة الخالية ووضع يده اليمني كلها في الدم الموجود في الصفيحة، وقال (بسم الله الرحمن الرحيم) وأخذ يقلبه بالست اصابع ويحرك الدم في دوامات، وأخذ ينظر إلي جدران الغرفة المظلمة التي كانت مدهونة باللون الأبيض، ثم أدخل يده اليسري تحت القطعة الكتانية التي تغطي خصره، وأخرج زجاجه بها سائل أخضر، حجمها لا يتعدي كف الأيد، تشبه زجاجات الريجة التركيب، وأفرغها في الصفيحة كلها، وإستمر في التقليب كثيرًا ثم أخرج يده من الصفيحة وهي مغطاة بكاملها بالدم، وبدأ يحركها علي الجدار؛ ليكتب حرف الألف ثم اللام ثم الألف ثم التاء المربوطة؛ ليكتب لفظ الجلالة.

الله

في مساحة حوالي متر في متر وأخذ يدخل يده ويخرجها من الصفيحة وإستمر في الكتابة حتي كتب

حفيظ بجوار الله فكانت الجملة

(الله حفيظ)

وكانت تظهر في الظلام، لوها فسفوري مشع عند أول الكتابة لكن لوها إنطفأ في ثوانٍ، ولم تعد تظهر وذهب حينها إلي مفتاح النور، وأضاءه فلم تظهر الكتابة ولكنه كان لا يزال يراها، ولكنها لم تكن تري للعين البشرية، وأراد أن يتأكد أنها مختفية، فذهب إلي الخارج، ووجد جاير مازال نائمًا، فلم يشأ أن يوقظه وعاد مجددًا إلي تلك الغرفة وظل يدخل يده اليمين في الصفيحة ويخرجها ويكتب بها علي الجدار آيات قرآنية بإصبع واحد فقط،

وكتب آيه الكرسي كاملة علي جدّار، ثم ذهب إلي جدّارٍ آخر في الغرفة وهم في الكتابة، لكنه أخرج يده من الصفيحة ونشفها في الجدّار، وخرج من الغرفة إلي الصلاة، وأخذ يبحث عن مصحف في كل أركان الشقة،

وحينها لاحظته جابير الذي إستيقظ فسأله:

- بتدور علي إيه؟

سونه:

- عايز مصحف

جابير:

- عايز تكتب إيه؟

سونه:

- الجن

جابير:

- طب هقولها لك .

سونه:

- طب عليّ صوتك علشان أنا بكتب جوه.

جابير:

- ماشي .

وعدل نفسه علي الكنبه وهو يتألم فسأله سونه:

- ظهرك لسه واجعك؟

فقال جابير:

- أه.

سونه:

- دوقتي أشتان يجي ويدّهنهولك.

ودخل سونه إلي داخل الغرفة، ووقف أمام الجدار ويده اليمين في الصفيحة، يقلب بها الدماء، ثم

سمع صوت جابير من الخارج:

- بسم الله الرحمن الرحيم

فبدأ يكتب سونه، ولكنه لاحظ أنه يريد إرتفاعاً ليكتب من أول الجدار، فخرج إلي الخارج وسأله جابير: في إيه؟ فأخبره أنه يريد كرسيًا، فأخذ واحدًا من غرفه النوم. وعاد إلي الغرفة ووقف عليه، وبدأ

يكتب من أعلي الجدار بسم الله الرحمن الرحيم، ثم قال لجابير:

- يالا يا جابير:

فقال جابير:

- قل أوجي إلي أنه استمع نفر من الجن فقالوا إنا سمعنا قراءًا عجبًا (الجن : ١)

وبدأ يكتب سونه حتي نفذ الدم من يديه، فوجد أنّ عليه أن ينزل كل مرة إلي الصفيحة كل مرة ليمد يده،

فخرج مجددًا وسأله جابير في إيه؟!!

فأخبره أنه يريد شيئًا يضع عليه الصفيحة، فأقترح عليه جابير أن يأخذ الترايزه، وحينها ظهر أشتان ومعه كيس أسود ملفوف

أشتان:

- أنا جبتلك الحاجة أهو، إقلع القميص.

فخلع جابير القميص أمامهم، ولا حظوا كدمات كبيره في ظهره أثر الاصطدام، فأشارله أشتان أن يجلس علي الكنبه ليدهن له ظهره،

وفتح أشتان الكيس، وأخرج منه عجينة بيضاء، وأخذ يفركها بيديه، ثم نظر إلي سونه ويده الحمراء فسأله:

- إنت خلصت؟

فقال له أنه لم ينتهي بعد وأخبره أشتان أن يكمل ولا ينتظرهم؛ لأنه سيظل يدهن له ظهره كثيرًا، فأخبره جابير أنه سيقراً السورة، بينما يدهن له أشتان ظهره، وبالفعل أخذ جابير يقرأ السورة. بينما

يدهن له أشتان ظهره وإنتهي سونه من الكتابات القرآنيه في الشقة كلها ولم يكتب أي شيء في الحمام. دخل جاير لينام حتي الصبح بعدما أخبر سونه أنه لا يري شيء مما هو مكتوب، وفرح سونه لأنه استطاع إخفاء الكلام أتي الصباح وإستيقظ جاير لا يشعر بأي ألم في ظهره أو في رجله التي دهنها له أشتان بالأمس فالألم قد زال منها تمامًا، جلس قليلًا، ثم غسل وجهه ولم يجد شيئًا ليأكله ونظر إلي تلك الساعة في الصالة فوجدها لاتزال العاشرة ولا تتحرك عقاربها من مكانها، فأحضر الكرسي ووقف عليه وأنزلها وأخذ يتفحصها وأخرج البطارية ووضعها في ريموت التلفزيون، فوجدها تعمل ولم يفهم لماذا لاتعمل الساعة ولم يعرف الساعة، ثم دق الباب فذهب وفتحه ليجد أمامه شيماء ومعها فؤاد تحمل شنطة في يدها ولم يعرف إذا كان حان ميعاد الغداء بعد أم لا، لكنه نظر إلي نور الشمس الذي يضيء السلم فشعر أن الساعة لن تزيد عن العاشرة صباحًا. طلب منهم الدخول إلي الشقة وإكتشف أن شيماء أحضرت له فطار وليس غداء، وأن الساعة الآن الحادية عشر، جلست شيماء لتفطر معهم وأخبرته أنها أحضرت عقد الشقة لكي يراه ويرى ماذا سيفعل به.

تحرك جاير في جسد مصطفى كالعادة ومعه فؤاد متجهين إلي المحل، يتحرك معهم سونه وأشتان، سأل فؤاد جاير:

- هنعمل إيه؟ هنقله إيه؟

جاير:

- ياعم ملكش دعوة إنت، مش المحل ملكك والناس في المنطقة عارفينك؟

فؤاد:

- ياعم أه بس حتي لو عارفيني! إنت هتطلعه إزاي؟ هتضره وتطلعه!

جاير:

- هضرب إيه يابني! إنت هنروح نعمله محضر في القسم إن هو خاد المحل منك وإحتله بدون وجه

حق وإحنا معانا العقد.

فؤاد:

- طب ماهو معاه عقد إيجار ياعم الفاهم!

جابير:

- كان معاه عقد إيجار، كان معاه.

نظر فؤاد إلي جابير وهم صاعدين السلم الكهربائية

الموجودة في المترو، وإستغرب مايقول ولم يفهم أي شيء.

وصلوا إلي قسم الشرطه وتمّ تحرير محضر من فؤاد صلاح برغوت يتهم فيه شخصاً يدعى أمير أخذ

منه محله دون وجه حق، ولا يريد أن يخرج منه. ذهبت قوة من الشرطه مع جابير وفؤاد إلي المحل،

ودخلوا علي أمير الذي كان يجلس بيده سيجارة حشيش أخفاها عندما رأي الشرطه، سأله الضابط:

- أنت أمير؟

فرد أمير وهو يتفحص جابير وفؤاد:

- أيوه أنا.

أكمل الضابط:

- إنت خدت المحل ده بالقوة من صاحبة فؤاد؟

وأشار إلي فؤاد.

فضحك أمير ضحكة سخرية وقال:

- لأ ياباشا معلى أصله تعبان شوية، أنا مأجره منه؟

أكمل الضابط:

- طب فين عقد الإيجار؟

أمير:

- موجود ياباشا.

وفتح أمير درج موجود في آخر الفاترينة من أسفل، وأخذ يبحث عن العقد لكنه لم يجده وإحمرّ

وجهه، ثم نظر إلي الضابط وقال:

- كان هنا ياباشا والله!

الضابط:

- طب تعالي معايا.

أمير:

- أجي معاك فين ياباشا وأسيب المحل لمين؟! أنا مأجر المحل منه بس هو راكبه عفريت وأهبل.

وضع جابير يده علي يد فؤاد لكي لا ينفعل من الكلام، ثم قال الظابط:

- هتطلع العقد ولا لأ؟ هو معاه عقد الملكيه ومتوثق، طلعه وأنا أسيبك وأمشي.

أمير:

- ياباشا ما أنا ممكن أكون سايبه في البيت، ينفع تيجي عليا كده وتقولي ياتطلع العقد ياتمشي! ده

عيب يعني، ده أنا بقالي سنتين في المكان وإسأل الجيران.

الظابط:

- طب أنا هقفل المحل ده لحد ماتجيب العقد وتجيلى القسم.

أمير:

- ياباشا ماينفعش في عرف مين ده؟!

الظابط:

- في عرف إن ده محله.

أمير:

- ياباشا حلوا يا حلوا، محله إيه ده مجنون!

الظابط:

- طب إقفل المحل وإطلع علشان مش عايز أتكلم كثير.

أمير:

- ياباشا أطلع فين يرفع عليا قضية الأول وبعدين يكسبها أنا واضع يد.

نظر الظابط إلي الاثنين العساكر الموجودين خلفه وقال لهم:

- شيلوه وطلعوه بره .

دخل الاثنين العساكر خلف الفاترينه يطلبون منه أولاً بالذوق الخروج، لكنه زعق وقال:

- إنتوا هبل ولا إيه! العقد في البيت وأنا مأجر المحل منه مش هطلع .

ودفع العسكري بعيداً ثم نزل إلى الدرج الذي بحث فيه عن العقد، وأخرج مسدساً وصوبه نحو
العساكر وقالاً لهم:

- الشرطة العسكرية تيجي تطلعني، بره إنت وهو.

حينها خرج العساكر من خلف الفاترينة ببطء، ونظر له الطابط وقال:

- نزل السلاح إنت تتسجن فيها دي

أمير:

- بره، كلكوا بره إنت ملكش ديه دلوقتي ومحدث فيكوا ليه ديه، بره ياله إنت وهو.

كان جسد فؤاد حينها خلف جابير وهم الاثنان يقفان خلف الطابط الذي كان على رتبة ملازم
أول في منتصف العشرينات، طلب منه الطابط مجدداً أن يخفض سلاحه، لكنه أصر علي خروجهم
جميعاً من المحل.

- بره ياله إنت وهو.

عاد جابير بظهره إلى خارج المحل. وعاد فؤاد أيضاً ولم تعد أجساد فؤاد وجابير والطاقب في نفس
المستوي. أخرج الطابط سلاحه وشهره في وجه أمير.. والآن هم يرفعان سلاحهما في وجه بعض،
يقول أمير له أن يخرج بينما يطلب منه الطابط أن يخفض سلاحه إستمر صراخ أمير الذي يأمرهم فيه
بالخروج، وأضاف إليه كلمات عن أن الشرطة ليس لها أي دور الآن، الأمر الذي أغضب الطابط ولم
يتحرك للخلف مثل فؤاد وجابير وبدأ يعلي صوته هو الآخر

طالباً منه أن ينزل سلاحه، وتجمع الناس أمام زجاج المحل؛ ليشاهدوا ما يحدث، ثم فجأة أطلق
الطاقب رصاصة ناحية يد أمير لم تصبه وجائت في الفاترينه التي خلفه، حينها أطلق أمير رصاصة ثم
نزل ليختبأ تحت الفاترينه، أصابت الرصاصة فؤاد في منتصف بطنه تماماً أوقعته علي الأرض وحينها
هلع جابير لرؤيه فؤاد يصاب برصاصة ونزل إلي الأرض، وأخذ يتأمل إصابته بغير وعي، لم يتوقع أن
يحدث ما حدث ولكنه بعد ثوانٍ سمع إرتطاماً كبيراً للفاترينه التي خلف أمير تقع فوقه كلها بالساعات
التي فيها، وكان هذا من فعل سونه الذي أتى إلي جابير ليكلمه في أذنه بينما يتألم فؤاد ويقول له:

- إيه هتعمل إيه؟

قبض العساكر علي أمير وذهب الطباط ناحتته وترك فؤاد لجابير ينظر إليه ويفتح عيناه عن آخرهما
ولا يفهم أي شيء حتي سمع صوت سونه صارخًا في أذنه:

- هنعمل إيه ؟

نظر جابير إلي الهواء ليكلم سونه، بينما دخل كثيرٌ من الناس إلي المحل لينظروا إلي فؤاد الذي يملأ
الدم جسده وهو راقد علي الأرض يتكلمون عن سيارة إسعاف ويحيطونه ويحاولون فعل أي شيء له
لكن وعي جابير كان متوقفًا عند نقطة واحدة ماذا إذا مات فؤاد!

ثم سمع صوت أشتان في أذنه حط إيدك علي بطنه وخلي بالك لتيجي في إيدي إعمل إن أنت
بتعمله أي حاجة.

وحينها وضع جابير يده علي بطن فؤاد ولاحظ رصاصة تخرج من بطنه، وبدأ يحاول فعل أي شيء
في بطنه وحينها كان أشتان قد أخرج الرصاصة، وبدأ في وضع عجينه علي بطنه، إستغرب الناس من
رؤيتها.

وكان الطباط يتحدث علي اللاسلكي بما حدث وطلب سيارة إسعاف، ثم فجأة وجدوا نور المحل
يغلق والباب الصاج ينزل من الخارج فأصبح المكان معتمًا تمامًا، قام الناس من مكائهم متجهين
ناحية النور الذي أطفأه سونه وناحية الباب الصاج الذي أغلقه وفتحوهم، ثم وجدوا سيارة الإسعاف
قد جاءت ، فوضعوا فيها فؤاد الذي فقد وعيه وركب معه جابير الذي لا يفكر إلا بمصييره إذا مات
فؤاد. إنتقلت السيارة إلي مستشفى القصر العيني ودخلت من باب الطواريء، وحملوا فؤاد إلي غرفه
العناية المركزة ولم يأذنوا لجابير أن يدخل معه، دخل الدكتور الغرفة وبدأ ينظر إلي مكان الجرح فلاحظ
وجود عجينة غريبة تغطي الجرح، فأخذ يخرجها من داخل بطن فؤاد، وبدأ يخييط الجرح ،حينها سمع
جابير صوت سونه في أذنه يقول له:

- ماتقلقش بيخييط الجرح خلاص.

وكان جابير في الطريقة التي تنتهي بباب يدخلك علي باب يدخلك علي العناية المركزة فلم يكن يعلم
أي شيء مما يحدث بالداخل والممرضون يتحركون حوله، وضع جابير يده علي فمه وقال:

- أنت عملتله إيه يا أشتان ؟

ولم يأتيه ردٌ من أشتان.

خرج الدكتور من غرفة العناية المركزة وعندما وجد جابير أمامه خلع الكمامة وسأله:

- أنت اللي جاي معاه ؟

- أه.

- إيه الى أنتوا حاطيتهوله في بطنه ده؟

لم يعرف جابير ماذا يقول ونظر إلي عين الدكتور مباشرة، وكان يشعر بالخوف ولم يجاوب لعدة ثوانٍ

ثم قال:

- مش عارف

- العجينه دي ممكن تعمله تسمم، جلده كله حصل في تقرحات بسببها.

- يعني هو هيخف يادكتور ولا إيه؟

- مش عارف مش ده كان مضروب رصاصة؟

- أه يادكتور.

- طب قللي الرصاصة راحت فين؟ وإيه العجينه اللي مالیه جسمه دي؟

- مش عارف .

فتركه الدكتور ومشى فمشى خلفه مسرعاً:

- طب هو هيعيش ولا مش هيعيش؟

- مش عارف لما نعرف إيه اللي في بطنه الأول، وليه جلده لونه بيتغير هوقلك؟

ترك جابير الدكتور يمشي ولاحظ لافتة الحمام، فدخل إلي الحمام وأغلقه علي نفسه وحينها ظهر له

أشتان وسونه، فبدأ يكلم أشتان غاضباً:

- إنت سمعت كلام الدكتور؟

ردّ أشتان:

- أه سمعت.

- إيه بقي اللي إنت حطيته ده؟ وإيه اللي بيحصله؟

- حطيتله لبخه سبرتو من اللي حطتهالك إمبراح علشان توقف الجرح، وشلّت الرصاصة بإيدي

علشان كانت ظاهرة.

- اللبخة دي مابتتحطش جوه الجرح.

ورفع جابير صوته وقال:

- إنت غبي!!

فاختبأ أشتان خلف سونه، وقال سونه:

- إن شاء الله هيبقي كويس.

فحاول جابير الذي يتصبب عرقًا النظر إلى أشتان الذي يقف خلف سونه:

- هتعرف يابني تشيل اللبخة دي ولا تعالجه؟ اللبخة دي ممكن تموته.

ثم رفع صوته عاليًا:

- حد يحط لبني آدم لبخة سبرتو في الجرح أنت أهبل!!

سمع بعض الممرضين الصوت من الخارج.

نظر جابير الذي يتصبب عرقًا لأشتان وقال له:

- شوف هتعمل إيه، روح أسأل أي حد .

ثم نظر إلى سونه:

- روحوا إعملوا أي حاجة ،الواد ده لو مات أنا هموت.

قال سونه محاولاً تهدئة جابير:

- ماتقلقش خلاص ماتقلقش، هنزل الحكيم تحت وأجبله منه حاجة تعالج اللبخة

وإختفيا من أمام جابير الذي خرج من الحمام بعد أن وضع علي وجهه بعض الماء، فاختلط العرق

بالماء وظهر كله كعرق كثيف. وجد بعض الممرضين ينظرون إليه ،ولكنه لم يعرهم إنتباهه وذهب في

إتجاه غرفه العناية المركزة ،لكن إحدى الممرضات قالت له ممنوع، فعاد بظهره ليجد أمامه شيماء تضع

طرحه علي شعرها لا تربطها وترتدي عباية سوداء وشبشب بلاستيك يبدو علي وجهها الهلع، عندما

رأت جابير رفعت يديها نحوه وقالت:

- عملت في أخويه إيه ياشيخ؟! عملت في أخويه إيه ياشيخ هو إحنا ناقصين! هو إحنا ناقصين

حرام عليك.

جابير الخائف جدًا الذي يحاول إستعادة توازنه:

- أنا معمّلتلوش حاجة.

فصوتت شيماء بعلو صوتها في المستشفى وقالت :

- أخويه إتضرب بالرصاص بسببك، وبعدين حطّله حاجة في بطنه بتموته، حطّله إيه؟

وهي تتكلم متلهفة تتقطع أنفاسها باحثّة عن إجابة في وجه جابير،

ثم قالت بعلو صوتها:

- حطّله إيه في بطنه؟

حينها ذهب ناحيتها ممرضتان، وحاولتا إبعادها عنه،

لكنها إستمرت في الصويت والتخيط علي رأسها وهم يبعدونها وهي تقول :

- أنا عايزة أخويه تاني، رنا ياخدكم كلكم، رنا ياخدكم كلكم.

ثم وجد جابير أحد الممرضين الذكور من خلفه، يطلب منه الخروج من المستشفى

خرج جابير من المستشفى هائماً علي وجهه لا يعرف ماذا يفعل، ففكر في الذهاب إلي آية في مكتبها، وفكر في الهرب، وفكر في كل شيء، وأخذ يري صوراً لحياته كلها، ثم لم يجد مكاناً آخر يذهب إليه إلا الشقة التي يسكن بها في دار السلام.

* * * *

تظن آية نفسها أنها ليست بالجمال الذي يليق بدكتور محمد، فدائماً ماتقف أمام المرايا تري عيوبها فقط ولا تري ما بها من مميزات وقدرات، إذا خرجت من البيت متجهةً إلي المكتب تقف لساعات أمام المرأة، وعندما تصل إلي المكتب تدخل إلي الحمام لتتفقد وجهها وملابسها، تصرف كثيراً من الأموال علي الملابس وأدوات التجميل بحثاً عن الأفضل.

دخلت آية إلي عيادة محمد وهي متوترة جداً فاليوم أتت بفكرة جديدة، هي ليست جديدة ولكنها تجربها لأول مرة بعد تردّدٍ وخوفٍ من أن تقوم بها.

كان كالعادة يجلس في الصالة يشاهد التلفزيون علي قناه نايل سبورت، وكانت تذيع إعادة لمباراة الأهلي وطلائع الجيش، جلس محمد ليتابع المباراة بتركيز كأنها تذايع مباشرة!

- مساء الخير.

قالت آية.

نظر محمد إليها، ثم حرك رأسه وقام من مكانه وقال: مساء النور
فعلت ما فعلته عندما أتت له ومعها جابير أشارت بيدها ناحية مكتبها وقالت له:

- أنا آية المحامية إلي جنبك.

فابتسم محمد وهو يتفحص كل تلك الأنوثة وقال

- أه ما أنا عارفك.

- أنا عايزة أعمل سناني.

- بس كده إتفضلي.

دخل إلي غرفة الكشف وأضاء النور وطلب منها أن تتفضل بالدخول، ودخلت آية وهي مكسوفة

كأنها عروسة في ليلة دخلتها، أشار لها محمد علي الكرسي وقال لها:

- إتفضلي.

فجلست آية علي ذلك الكرسي كرسي أطباء الأسنان الذي تجلس عليه وكأنك تنام، جلست آية في

خوفٍ ووضعت شنطتها علي كرسي بجوار هذا الكرسي، وأخذت تتفحص محمد وهو يحرك أشياء

علي المكتب، ثم أتي ليجلس علي الكرسي التي تضع آية شنطتها عليه وقال لها وهو مبتسم:

- عايزة دي؟

فردت آية مبتسمة:

- زي ما أنت شايف.

فأخذها محمد ووضعتها علي مكتبه، ونظر إلي آية النائمة أمامه علي هذا الكرسي، إذا كنت تريد

إمتلاك شخص وتخيلى كل الأوضاع التي سيكون بها هذا الشخص وأيهما ستملكه فيه أكثر

فأعتقد أن ذلك الكرسي هو أكثر الأوضاع الذي تستطيع إمتلاك الأشخاص فيها فهو أمامك نائم

علي ظهره ولكن الكرسي ليس مفروّدًا لآخره، فأنت وأنت جالس مكانك علي الكرسي تستطيع أن

تمد يديك لتصل إلي أي مكان أسهل بكثير من أي جلسة أخرى. نظرت آية إلي يد محمد وهو

يرتدي القفاز المطاطي الأبيض ثم قال لها:

- إرفعي رأسك لفوق.

فرفعت أیه رأسها ناحية السقف وقال لها:

- إفتحي بقلك .

فنظر محمد إلي أسنانها البيضاء تمامًا ثم قال لها:

- إيه ده صفين لولي، مال سنانك بقي؟

فبدأت آية تتكلم بدلع:

- أصلهم ساعات بيوجعوني.

نظر محمد إلي ذلك الفم المفتوح الذي يخرج أنعم الكلمات، وإلي شفايف آية الرطبه التي لامست

يديه وهو يدخلها إلي فمها وشعر بنعومه آية،

وسألها:

- بيوجعوكي إزاي يعني؟

فنظرت آية إلي محمد بدلا عن السقف في هذا الوضع التي فيه وقالت:

- معرفش بس بيوجعوني.

بدأ محمد يشعر بأن آية له، وإنها أتت تريده فبدأ يفرد سيطرته الذكورية، ويصل ييداه إلي كل مكان

في وجهها كأنه يكشف عليها وضع يده اليمنى علي وجنتها اليمنى وتحسسها وقال لها:

- بيوجعوكي من هنا؟

فردت آية بكسوف وهي تتأمل وجه محمد:

- ساعات.

ترك محمد يديه مكانها، ثم وضع يده اليسري علي وجنتها اليسري وقال لها:

- طب بيوجعوكي من هنا؟

آية:

- ساعات بردوا.

فنظر محمد الذي يضع يديه علي وجنتيها إلي فمها المفتوح وإلي عينيها وتكلم كأنه يتكلم إلي فمها

وقال:

- طب بيوجعوكي منين تاني؟

فنظرت آية إلي محمد وتأملت كل شيء في وجهه وأخذت نفسها وقالت:

- بيوجعوني من كل حنة.

يا بلادي يا بلادي أنا بحبك يا بلادي..

هكذا رنّ موبيل آية لينهي تلك اللحظة الدافئة التي بينها وبين محمد..

بعد محمد يديه عن وجهها وعاد إلي الخلف، بينما إعتدلت آية قليلاً وأحضر محمد لها الشنطة فأخذتها وأخرجت التليفون وهي علي ذلك الكرسي تظهر كل تضاريس جسدها أمام محمد واضحة كأنها عروسته في ليله دخلتهم رغم ما ترتديه آية من تونيك وجيبه!

ردت آية علي التليفون :

- ألو.

سمعت صوتا علي الطرف الآخر يقول

- أيوه يا أستاذة آية أنا شيماء أخت فؤاد.

- أيوه يا شيماء.

- والنبي لو معاكي رقم الشيخ مصطفى تخليه يرجعنا المستشفى علشان أنا زعلته ومكنش قصدي والله.

عدلت آية نفسها علي ذلك الكرسي وجلست وقالت:

- مستشفى إيه! إيه اللي حصل!؟

- أخويه فؤاد إتضرب رصاصة والشيخ جابه وهو عايز يشوفه دلوقتي.

وقفت آية مكانها وقالت وهي مفزوعة

- رصاصة!! إيه اللي حصل ياستي إهدي وفهميني.

- والنبي تحييه بس وتيجي وأنا هحكيلك علي كل حاجة أو قوليلي رقمه وأنا هكلمه.

- طيب ماشي أنا هجييه.

هكذا قالت آية ثم نظرت ناحية الباب فوجدت فتاة في أوائل العشرينات، شعرها الاسمر منسدلاً

علي وجهها، يظهر عليها أثر الرقة، تنظر في الغرفة وإستغربت آية جمالها، ثم وجدت الدكتور محمد

يقوم ليسلم عليها ويقول:

- إزيك يا لمياء؟

فسلمت عليه لمياء مبتسمة؛ مما أثار غضب آية، ثم أدخلها إلى الغرفة وأجلسها فشعرت آية بالامتعاض أكثر وقالت له أن هناك مشوارًا ضروريًا ستقوم به، ثم ستعود إليه مجددا ونظرت إلى الفتاة نظرة أخيرة وخرجت.

* * * *

عاد جابر لإرتداء الجلاية البني التي رآها لأول مرة تحت الأرض وهي جلاية مصنوعة من قماش الدبلان، سمع جابر خبط علي الباب وهو في البلكونة فذهب ليفتح الباب وإذا به يجد آية أمامه، أدخلها إلى الشقة وجلست علي الكنبه، أول ما فعلته أن أخرجت سيجارة من العلبة الملبورو الأبيض وأحرقتها، وبدأت في تنفيس دخانها. ذهب جابر ليجلس بجوارها تحت الإضاءة النيون التي لا تظهر أي من الآيات المكتوبة بدم الجمال علي الحائط قالت:

- إيه إلي حصل بقي عايز أفهم؟

نظر إليها جابر وإلى توترها ونظرت إليه ولحت الجرح الغائر الموجود في وجنته وهذا لم يهدأها وجعلها تتوتر أكثر.

- مفيش روحنا نجيبه المحل الواد ضرب رصاصة علي الظابط جات في فؤاد.

رفعت آية حواجبها حتي كادت تلمس شعرها وظهر عليها كل علامات الاندهاش مما تسمع.

- ظابط إيه ومحل إيه! فهمني والنبي علشان أنا غبية.

- أنا عرفت أجيب عقد الايجار بتاع المحل اللي الواد مأجره منه، أصلا الواد ده كان مفروض يمشي لما فؤاد يقولوا إمشي وسرق حاجات من المحل خدنا عقد الملكية بتاع الوله وروحنا القسم بلغنا إن الواد..

فزعقت آية بعلو صوتها..

- روحوا القسم! روحوا القسم إزاي يا بني؟! إنت عليك حكم إعدام ومعكش بطاقه تحش قسم

برجلك!!

توقف جابر تمامًا عن الكلام ولم يستطع فتح فمه بينما تحملق آية في وجهه بكل قوة.

- ردّ عليه عقلك جابك إزاي تروح قسم! إنت مالك ومال أم المحل بتاع الوله؟ إنت تتنيل تضحكه أو ترقيه علقه يعيط، تتنيل يتشال عنك الحكم، وريتوا عفاريت وخليته يتضرب عليه نار إنت بتعمله إيه، بترجعه حياته ولا بتأخذها منه!!

نظر جابير إلی آية وبدأ يستجمع قواه ليتكلم

- وأنا أعرف منين؟! ما أنتي سايباني

- يعني إيه أعرف منين؟!

قام جابير من مكانه وبدأ يعلو صوته هو الآخر، ولكن في ضعف شديد:

- يعني أنا جني مش بني آدم، مليش دعوة بحياتكم معرفش حاجة عنكم لما أبقني في جسم بني آدم

لازم حد يفهمني أعمل إيه، لازم حد يفهمني أنتوا بتعملوا إيه، وأنتي سايباني، أنا طيّار...

وأشار بيده نحو السماء وقال:

- الأرض كلها مبتكفينش بقعد فوق في السماء.

ثم نظر بعيداً عن آية وعاد مجدداً للنظر إليها:

- أنتي مفروض مكنتيش تسييني لو عايزاني أطلع براءة، بس إنتي مش عايزة.

فعلا صوت آية وقالت :

- مش عايزة إزاي! طبعاً عايزة وإنت عارف أنا عايزه ليه، وعايزه أد أيه،

- يعني إنت لو الواد قالك إن هو بيعبك هتيجي تساعدني ولا هتسييني،

فنظرت آية إلی جابير ولم تستطيع الكلام، وإستغرب جابير من سكوتها:

- كنت عارف عمرك ما هتساعدني.

- الموضوع مش كده.

- لأ الموضوع كده، أهم حاجة إن الواد ده يحبك، أقولك علي حاجة

نظرت آية إلی وجه جابير تترقب ماذا سيقول:

- إنتي مبتحبيش الواد ده .

ظهرت علامات الاستخفاف والرفض علي وجه آية وقالت:

- بس ياله.

- والله ما بتحببه.

فعلت صوتها وقالت:

- بس يابني، إيه هو أنا عجبتك وإنت في جسم البني آدم وعازيني ليك!

أنا مش سهلة أنا أروح أجبلك حراس الأرض ولا تفرق معايا بشلن.

- عارفة ليه بقي أنا مفرقش معاكي، أنا جني ممكن مفهمش قوي في تصرفات البني آدمين تروح

القسم يطلع له جني، حاجات معرفش إيه الصبح من الغلط فيها، بس بفهم في معايير الجن قوي،

عارفة ليه ميفرقش معاكي علشان إنتي معمولك عمل.

- بس ياله إنت والأهبل صاحبك .

- والله معمولك عمل، معمولك عمل إنك تحبي الواد ده، محدش بيعب حد كده ينزل تحت الأرض

يجيب طيار علشان يخليه يحبه ، إنتي عارفة يعني إيه طيار؟ عارفة اللي في ايده طيار ده بيبقي عامل

إزاي؟

- ياعم متغرش في نفسك قوي كده.

- والله ماغرور، بس إنتي معمولك عمل، وعمل باين في كل حنة فيك مفكرتيش ثانية إذا كنتي فعلاً

بتحبي الواد ده ولا لأ، علشان إنتي معمولك عمل ومش عارفة تفكري وأفعالك كلها متناقضة.

قامت آية من مكانها وقالت:

- بس يابني إنت ريح علشان مجبلكش الجيش ولا حراس الأرض،

ورفعت شنطتها ووضعتها علي كتفها ولم تأخذ عليه السجائر من علي الكنبه وقالت :

- شوف بقي هتحل مشكلتك إزاي مع الواد ده، أنا إستعوضت ربنا فيك وأنا خلاص إلي بيبي

وبين محمد قرب يتحقق.

وذهبت تجاه الباب ونظرت إليه وهي عائدة وقالت له:

- مع السلامة.

وفتحت الباب وخرجت وأغلقت خلفها.

جلس جابير وحده في الشقة بينما نزلت آية، ثم وجد سونه وأشتان يظهران له. إقترب منه سونه وهو

جالس علي الكنبه، ومدّ يده ووضعها علي رجله وقال له:

- ماتزعلش يا طيار إحنا مش هنسيبك.

ثم قال أشتان:

- ماتقلقش يا طيار والله كل حاجة هتبقى تمام.

فرفع جابير عينه لينظر إلي أشتان، ثم وجد أشتان يقول له:

- الواد هيخف لوحده.

فسأله جابير:

- إزاي؟

فقال أشتان:

- أنا سألت تحت قالولي لبخت السبرتو بتطهر الجرح، بس ممكن تتعب جنت النبي آدم شوية وميعرفش يتحرك علشان بتخشبه، بس بيبقي طبيعي.

جابير:

- يعني هو دلوقتي إيه اللي فيه؟

سونه:

- لسه جابين من عنده من المستشفى، فاق وعايز يشوفك.

جابير:

- ومش هيموت.

أشتان:

- لأ بس هيتعب شوية علشان اللبخة معمولة من نار وبعدين هيبقي أحسن من الأول .

سونه:

- هو عايز يشوفك علي فكرة، سأل أختو عليك هتروحله

جابير يأخذ نفسه ويقول:

- هو أنا ورايا غيره لازم أروحله.

* * * *

يرقد فؤاد علي السرير في المستشفى ببطنٍ عاريةٍ يظهر عليها خطوط حمراء قرمزية كثيرة تشق البطن طولاً وعرضاً، تظهر وتختفي وينظر إليها الأطباء ولا يعرفوا ماذا يفعلون، فبعد أن خيطوا الجرح لا يعرفون إذا كانوا يعيدون فتحه مره أخرى أم لا. أما فؤاد فكان لا يشعر بأي شيء يجلس علي السرير ينظر إلي أخته التي تعاود وضع يدها علي بطنه، ثم ترفعها بأمر من الدكاترة وتقول:

- اللهم إشفِ أنت الشافي، شفاء لا يغادر سقمًا.

اللهم رب الناس أذهب اليأس....

ويقاطعها الأطباء دائماً ويقولون لها:

- ياستي إهدي بدل مانظلعك به .

نظر إليها فؤاد وسألها:

- هو فين الشيخ مصطفى؟

- جاي يا حبيبي جاي والله، هو اللي هيعرف يعالجك ماتخافش.

نظر إليها أحد الأطباء مطولاً ثم قال لها:

- ياستي...

حينها قال له طبيبٌ آخر:

- طب تعالي سيبوه دلوقتي.

وخرجوا من الغرفة وتركوه هو وأخته التي عاودت وضع يدها علي بطنه والدعاء له، ظلت تدعي وتسأله إذا كان يريد أي شيء ولكنه لم يكن يريد شيء سوى رؤيه الشيخ مصطفى الذي حضر،

وعندما دخل من باب الغرفة سارعت شيماء إليه لتقبل يديه وتتأسف له:

- أنا آسفة ياسيدنا الشيخ، مكنتش أعرف إن أنت اللي أنقذت حياته.

وحينها رفع جابر يديه بسرعة كي لا تقبلها، وقال لها:

- خلاص خلاص.

وذهب ليجلس بجوار فؤاد الذي ابتسم لرؤيته وسأله:

- إيه الأخبار دلوقتي؟

فردّ فؤاد:

- الحمد لله.

- حاسس بإيه؟

- مش حاسس بأي حاجة!

- معلش هو وقت وهترجع تاني

سألت شيماء متلهفه علي إجابة:

- يعني هو مفيش حاجة تخففوا دلوقتي ياشيخ؟

جاوب جابير دون أن ينظر إليها وكان يتأمل الخطوط التي تشق بطن فؤاد:

- الوقت اللي هيخففوا ماتخافيش هيخف.

ثم وضع جابير يده اليمين علي بطن فؤاد، فنظرت شيماء بكل تركيز علي يده وهي تتحرك علي بطن فؤاد منتظره الشفاء، لكنه بعد أن حرك يده علي بطن فؤاد قام بتغطيتها ببطانية نظر جابير إلي شيماء ثم قال لها:

- ممكن أقعد أنا وهو لوحدنا؟

ردت شيماء بلهفة شديدة:

- طبعاً يا أخويه وماله.

ووضعت يدها علي الباطنية التي غطت بطن أخيها وحركتها قليلاً عليها، ثم خرجت تتمم في سرها بأدعية بأن يشفي الله أختها.

إعتدل جابير في جلسته وقال:

- أنا مش عارف إلي أنا بعمله ده غلط ولا صح، بس أنا معنتش شايف طريق تاني أمشي منه.

زاد تركيز فؤاد النائم علي ظهره وبدأت تتسع حدقتا عينيه:

- بص يافؤاد أنا مش بني آدم، أنا جني زبي زي سونه اللي إنت شفته،

وأنا مش معاك بمزاجي، أنا معاك غصب عني.

- إنت جني إزاي يعني؟!

- أنا جني محبوس في جسم بني آدم، عليها حكم، الحكم ده إني أرجع لبني

آدم حياته اللي كان بيعيشها قبل ما يتمس بالجن وأنت كنت النبي آدم ده، ومدتي كانت إسبوعين عدي منهم حوالي أربع أيام لو مقدرتش بعدهم أرجعلك حياتك أنا هيتحكم عليه ب ٣٠٠ سنة سجن.

كان فؤاد في قمه التركيز وهو يستمع إلي كلمات جابير، ثم قال بترؤ

- يعني أنا لو مرجعتش أقف في المحل هيتحكم عليك بكده؟

- مش بالظبط.

- أمال؟

- أنت قلبك معدش بيحس، معدتش بتضحك أو بتعيط مهما إن حصل، صح؟

بدأ فؤاد يفكر ثم قال:

- مش عارف ممكن أه.

- لأ هو مش ممكن هو أه، إنت قلبك معدش بيحس كأنه ميت، والقلب الميت ده قلب مريض.

- بس أنا خفت بجد لما شفت عفاريت .

- أي إنسان لو شاف عفريت حقيقي ممكن يموت من الخضه إنت أغمى عليك بس ولو نزلت

مملكه الجن كلها دلوقتي مش هيحصلك حاجة.

- هي فين مملكة الجن دي؟

- تحت الأرض بس ده مش موضوعنا، أهم حاجة دلوقتي إن إنت تعيط من قلبك أو تتضحك من

قلبك وأنا معنديش حيلة أعملها علشان كده قتللك، يمكن تعرف وتساعدني علشان لو ما

ساعدتنيش نهايتي هتبقى وحشه.

- طب أنا في إيديه إيه أعمله

حينها ظهر سونه من الفراغ ليقف بجوار جابير:

- ياعم إضحك أو عيط.

شعر جابير بالفزع ولكن فؤاد لم يشعر بأي شيء.

رد فؤاد:

- طب ياعم ضحكني وأنا أضحك .

إقترب سونه من جابير وقال له:

- أقوله نكتة؟

جابير:

- تفتكر حل مشكلتي كلها في نكتة يا سونه؟

قال فؤاد:

- أنا بصراحة كانت رجعتلي الروح تاني لما كنت هرجع أقف في المحل وكنت ممكن أرجع تاني

مبسوط وأمشي في الشارع لوحدي ومخافش من الناس إن هما يتريقوا عليه.

حينها ظهر أشتان من الفراغ ليقف بجوار سونه ويقول:

- إنت مش هينفع تتحرك من مكانك لمدة إسبوعين.

إرتفعت حواجب فؤاد وهو ينظر إلي أشتان القزم وإستغرب نظارته لكن شيئاً لم يحدث له، وقال:

- مين ده ؟

فردّ سونه وهو يطوق بيده ذراع أشتان:

- ده أشتان صاحبي، حلوا بردوا ماتخافش منه.

- ياعم أنا مش خايف.

شعر جابير بالأسى الذي هو فيه من عدم قدرة فؤاد علي الحركة، وأنه سيظل ثابت مكانه مدة، وأنه

لن يستطيع فعل أي شيء له طيله هذه المدة، ثم وجد فؤاد يتكلم وهو ينظر مباشرة إلي عينه:

- أنا عارف إن إنت أنقذت حياتي، وإنت اللي طلعتلي الرصاصة من جتتي والدكاترة قالولي إن أنا

كان مفروض أموت،

أنا مديونلك بحياتي وهعمل أي حاجة علشان أساعدك.

* * * *

مرت عدة أيام علي جلوس فؤاد في المستشفى يلتفون حوله نهارا يتمنون أن يضحك علي أي شيء

يحدث أو ييكي علي أي شيء لكن دون جدوي، ثم تنتهي مواعيد الزيارة فيخرجون من المستشفى

ولكن سونه وأشتان يسهلون دخول جابير للجلوس معه في فترات الليل كلما بدا القمر أقرب

للاكتمال شعر جابير بالخوف. بدأ يفكر في الهرب نهائيا لأنه لم يجد من فؤاد أي فائدة فهو ساكن

إذا ضحك شعروا جميعا في نهاية الضحكة أنه يصطنع الضحك ولو ظهرت عليه علامات الحزن

شعروا أنه يصطنع الحزن.

سأل سونه جابير وهم متجهين ناحية غرفة فؤاد:

- طب وإنّ هتعمل إيه يا طيّار النهاردة.

كان الظلام دامسًا وهم يتحركون في جنيّة المستشفى.

- إنت شايف في إيه يتعمل يعني؟

- طب الواد ده كده ما تزعلش مني مفيش في أمل.

- إهرب يعني ولا إيه؟

- كلم البت المحامية يمكن تعرف تعمل حاجة.

- أنت مش كنت واقف ياعم، دي خلاص رمياني في الزبالة.

تكلم أشتان :

- علي فكرة ده علشان العمل اللي معمولها هي مش شايفة قدامها أي حاجة غير الواد اللي

بتجبه.

جابير :

- طب وهنعملها إيه يعني؟

أشتان:

- ياعم نجيب العمل ده ونخرقه.

إلتفت جابير ناحية صوت أشتان ووقف مكانه وسأله:

- إنت تعرف تجيب العمل ده؟

ردّ أشتان:

- أجبلّك أمه أنا معايا ريحتها من علبه السجاير اللي نسيتهّا عندنا.

جابير:

- وهتجيبه في أد إيه يعني؟

سونه:

- إيه ياطيّار هو إنت علشان طيّار يعني بيقى بقيت الجن ميعرفوش يعملوا حاجة! هنجبهولك

ياعم.

جايير:

- طب روحوا هاتوه دلوقتي.

سونه:

- طب تعالي نطلعك أوضه الوله.

جايير:

- لأ أنا هعرف أطلع لوحدي.

سونه:

- بدل ماحد يشوفك من الممرضات.

جايير:

- يا بني ماتقلقش روح هات العمل وتعاليلي علي هنا.

إنصرف سونه وأشتان ذاهبين إلي الشقة ليأخذوا علبه السجاير التي بها رائحة آية، ثم يبحثون في الأرض عن العمل المعمول لها بينما أبتهج جايير لمعرفته إنه سيستطيع مساعدة آية بغض النظر عما كانت ستساعده أم لا، تحرك جايير في جنينة المستشفى إلي باب خلفي كان مكسور دخل منه، ثم صعد السلام حتي وصل إلي غرفة جايير ودخل إليها جلس جايير علي كرسي بجوار السرير بينما أغلق فؤاد التليفزيون.

وعدل رأسه ناحيته

جايير:

- إيه يامعلم إزيك؟

فؤاد:

- تمام. إنت عامل ايه؟

جايير:

- كويس.

تكلّم فؤاد ببطيء قائلاً:

- أنا عارف أن الوقت بيعدي وأنا والله نفسي أعملك أي حاجة بس مش عارف كل ما أجي أضحك بلاقي حاجة حايشاني.

جاير:

- إيه الحاجة دي؟

فؤاد:

- معرفش بس وأنا والله حبيتك ونفسي أعملك أي حاجة.

جاير :

- إن شاء الله هتعرف تساعديني وتساعد نفسك وترجع تاني تتجوز وتشتغل وتصلح الساعات، هو فعلاً يا فؤاد الساعة اللي في شقتك دي ماينفعش تصلحها.

فؤاد :

- أصلحها وأنا نايم كده.

جاير:

- يعني هي ينفع تتصلح.

فؤاد:

- ينفع بس الساعة دي أحسن ماتشتغلش.

جاير:

- ليه يافؤاد؟

فؤاد:

- الساعه دي فيها عداد من تحت لو كنت شفته.

جاير:

- اللي هو أرقام كده؟

فؤاد:

- أنا كنت عامل العدد ده الخانات اللي كانت فيه خانة بتعد الثواني لحد ستين وتبدأ من الأول وجنبها خانة بتعد الدقايق لحد ستين، وتبدأ من الأول وبعدين خانه بتعد الايام حسب الشهر لو إحنا في شهر عشرة مثلاً تعد ٣١ يوم وشهر إثنين كل سنة بيختلف عن السنة اللي قبلها وبعد الخانة دي ،خانة بتعد الشهور وبعدين خانة بتعد السنين فابص علي العدد إقره من الشمال لليمين مثلاً سنة وشهرين و ١١ يوم وعشر ساعات وخمس دقايق واربع ثواني

جابر:

- طب ده كنت عامله ليه؟

فؤاد:

- علشان يحسب الايام والشهور والسنين اللي هنعشها أنا ومراتي كل مانبص للساعة نعرف إحنا مع بعض بقالنا أد إيه بس لو بصيت للساعة هتلاقيها عدة ساعة واحدة بس عشت معاها ساعه واحدة مش زي ما كنا متخيلين إن العدادات كلها هتتملي ونصفرها كنت عامل عداد السنين لحد ستين سنة وقالتي زوده عن كده ما إرتضش قتلها إحنا هنموت بعد ستين سنة قالتلي لأ كانت متخيلة أن عمرنا طويل بس مقعدناش مع بعض غير ساعة ولما رجعت البيت رجعتها وقفتها علي الساعة دي.

وضع جابر يده علي رأس فؤاد الراقد أمامه، وطبطب عليه وقال له:

- معلىش العمر لسه قدامك طويل لو هي عايشة دلوقتي هتطلب منك تعيش حياتك وماتعملش كده في نفسك.

حاول فؤاد أن يعدل ظهره سنة ونظر إلي جابر وقال له:

- هو أنت ماينفعش تخليني أشوفها.

فرد جابر وعينه متسعان حتي أخرهما.

- لأ يا فؤاد ماينفعش تقول كده حرام عليك.

فؤاد:

- أنا نفسي أشوفها أوي.

جابر:

- معلى إستحمل بس ماتخشش فى الأموات، رنا يزعل منك .

فؤاد :

- هو أنت إسمك إيه؟ إسمك الحقيقى إيه؟

إستغرب جابر من السؤال، وإبتسم قليلاً وهو ينظر إى فؤاد قائلاً:

- جابر رقيم الأشعم.

فؤاد:

- عاشت الأسامى هو أنتوا بتعيشوا إزاي فى عالم الجن، الحياة شكلها عامل إزاي
إستطرد فؤاد يحكى لجابر عن عالم الجن وأصاب فؤاد ذهول شديد وهو يستمع إى ذلك العالم الذى
كان سبباً فى إيدائه.

*

- شقتك حلوة.

هكذا قالت آية لمحمد وهى معه فى شقته، بينما وضع هو يده على كتفها وهى تتأمل مرآة فى الصالة

وقال لها:

- إنتى أحلى من أى شقة فى الدنيا.

فابتسمت آية مكسوفة من كلام محمد ونظرت فى الأرض وإحمر وجهها، ثم عادت فى النظر إى

،فوضع محمد يده على وجهها وقال لها:

- إيه ده إنتى بتتكسفى؟!

- معلى بقى أصلى بتكسف منك أوى.

- منى أنا! ليه طيب؟

وأخذ يتأمل جسمها فى المرآة ثم عاد ليتأمل عينيها.

- علشان.. معرفش علشان أنت زى القمر يعنى.

ونظرت نظره مطولة إى عينيها تكسيها الرغبة الجاحمة فيها، حينها شعر محمد أنها له تماماً فوضع

إصبعه على شفاها المفتوحة التى يتبخر منها الهواء؛ ليجعله يشعر بأنه أتى من منطقة شديدة

السخونة.

- تشربي؟

- أشرب إيه؟

- عندي كل حاجة.

*

ظهر أشتان وسونه من الفراغ أمام جابير وفؤاد في المستشفى ، كان سونه يحمل قماشة مثلثة الشكل

تأخذ شكل السمبوكسة لونها أحمر قرمزي،

أعطاهما لجابير وقال له

- ريحتها هنا لقيتها في عياده الدكتور.

جابير:

- إزاي في عيادة الدكتور! هو العمل ده معموله ولا معمول لها!

سونه:

- معرفش بس ريحتها وريحته هنا.

كان فؤاد يراقب الموقف ولا يفهم أي شيء ،

فتح جابير القماشة المبططة وأخذ يفتح فيها ويفردها حتي أخرج منها ريشه حمامة بيضاء مكسورة

ومكسوه بالدم ومكتوب عليها أشياء غير واضحة.

جابير:

- أنا مش عارف أقري اللي مكتوب.

أشتان:

- هات أما أقراه.

أخذ أشتان الجناح المكسو بالدم، وأخذ يقرأ ما هو مكتوب عليه.

أشتان:

- العمل مقلوب، العمل ده مفروض كان يتعمل للواد إنه يحب البت بس اللي كتبه، كتبه غلط

،إسم الوله بالعدل وإسم البنت بالمقلوب مفروض يبقى العكس

جابير:

- مش هتفرق هاتوا بقي أما نحرقه .

سونه :

- طب تعالي نحرقه بره .

فؤاد :

- طب ماتحرقوه هنا ،إيه اللي هيطلعكوا بره!

جايير :

- لازم العمل يتحرق في خلا علشان الدخان بتاعه مايجمعش مع بعضه ثاني .

*

- أنا أصلا مبشربش بس علشانك يعني..

قالت آية وهي تجلس علي السرير وبيدها كوباية ويتأملها محمد وهو واقف بجوار ترابيزه يسند ظهره عليها لم يتأمل جمالها فقط، بل أخذته عيناه إلي كل جزء في جسدها، إلي صدرها الكبير الذي أخذ يتخيل كيف شكله ثم لاحظت آية تامله لها فرجعت بظهرها قليلاً علي السرير لتجعله يستمتع في التفحص في جسدها ،ثم قال :

- إنتي فظيعة أنا شفت كتير وقليل وما شفتش كده!

شعرت آية بالخضة لثانيه لذكره نساء أخريات، لكنها تناست ما قاله وبدأت تسترسل في النظر إليه بدون أدب

*

كانت الجنيه سوداء تمامًا ظهرت النار لجايير علي يمينه كان أضائها له سونه وعدل جسمه ليمسكها بيده اليسري ويحرق بها العمل الموجود في يده اليمني، حينها إرتفع عن الأرض وشعر بمخالب قوية تمسك فمه، ثم إستمع إلي أصوات سونه وأشتان يتمتمان بكلام لم يفهمه وإستمع بعدها إلي صوت فهمه وعرف أنه سمعه من قبل.

- قتللك هتلعب معايا يقي هتلعب بطريقي، أتكلم عربي أحسن من كده إيه؟

كان العمل الموجود في يده اليمني هو أهم شيء بالنسبه له وكان يحاول النظر إليه لكن الحارس كان يحول رأسه ناحية الأمام ليراه، ثم ظهرت عيناه الحمراء من الفراغ وأصبحت مباشرة في وجه جايير :

- إيه مبتسمعش الكلام ليه؟

ثم سمع صوتًا آخر:

- إنت قلبك جامد أوي كده!

حينها وجد الجنى الذي يمسك جابير نفسه يرجع إلى الخلف ،وأفلت جابير من يده ووقع العمل

منه ،وأخذ يبحث عنه حتي سمع صوت سونه:

- إجري إجري دلوقتي.

أخذ جابير يتحسس الأرض بحثًا عن العمل و قال:

- إيه !!

لكن الحارس حَكَّ معصميه الذين يلتفوا حولهم الحديد وبدأخلهم، ببعض فأصدروا شرارة كبيرة في

الجنينة إستطاع جابير أن يري من خلالها العمل وأخذه وجري ولكنهم كانوا خلفه ،وفجأة وجد

نفسه معلقًا في الهواء لا يعلم مَنْ يمسكه، ثم سمع صوت الجنى الذي كان يمسكه:

- معاك عفريتين ياله هحرقهملك قدامك.

ثم قال:

- يا سرقط مسكتهم؟

سرقط:

- مش لاقى ياخزيم حد! إختفوا.

وكان جابير معلق في الهواء، وبدأ يشعر بأنه مقبوض عليه من وسطه ، ثم وجد نفسه يلف في الهواء

ليكون في وجه خزيم وإضائت عيناه الحمراء مجددًا ثم قال لجابير الذي يقبض علي العمل بكل قوته:

- هموتك

ورفع يده ليمسك رقبة جابير.

*

- يالهوي أنتي جميله أوي

قالها محمد وهو يجلس بجوار آية علي السرير ويتأمل شفايفها، ووضع يده مجددًا علي وجهها وإقترَب منها، وبدأت شفاهه تلمس شفايفها ووضع يده في طرحتها كي يفكها لها، حينها وضعت آية يدها علي طرحتها كي تفكها لنفسها، بينما إقترَب محمد من صدر آية بيده وقبض عليه فقالت له:

- بالراحة

*

حك سرقط الحديدتين الذين يطوقون ذراعه فأضأت نَارًا قوية، إقترَب جابير بيده اليمني ناحية تلك النار فلامست النار الريشة فاحتَرقت

حينها قال جابير:

- اللهم حررنا من الأسر،

- اللهم حررنا من الأسر،

- اللهم حررنا من الأسر،

وإحتَرقت الريشة كلها وسقطت علي الأرض حينها ضحك خزيم وسرقط بأعلي صوتهم علي جابير بينما قرب سرقط الحديدية من وجه جابير وجعلها تلامس وجنته اليمني فتألم جابير بشدة.

*

إبتعدت آية بشفايفها عن شفاهه وبكل قوتها ضربته بالقلم علي وجهه وقالت صارخة

- إنت أھبل ياله، إنت مش عارف أنا منين؟

وقامت من علي السرير وبدأت تعدل في طرحتها لكنه قام خلفها وقبض عليها من الخلف بقوة، ثم فجأة وجد أمامه أشتان وسونه يظهرون من العدم فعاد علي السرير وأغمي عليه بينما تأملتھما آية، لا تفھم شيئًا.

سونه:

- إنتي مش آية؟

آية:

- أيوه يابني.

سونه:

- طب إلحقي جابير في حراس ماسكينه وعايزين يموتوه وهو نده إسمك فجينا نجيبك

آية

- فين؟

أشتان:

- في جنينة المستشفى تعالي معانا وإحنا هنشيلك.

فتحوا الشباك الموجود في غرفة النوم، ووقفت آية في المنتصف وعلي يمينها سونه يربط بيده علي وسطها، بينما تضع هي يدها علي كتفه ومن الناحية الأخرى أشتان القزم يطوقها بذراعه، لكنها لا تطول كتفه خرجوا من الشباك وطاروا في السماء. آية تطير فوق البيوت غير مستوعبة جمال المنظر

من فوق ثم قال لها أشتان:

- ماتبصيش تحت رجلك.

آية:

- أنا حاسة إني هقع.

سونه:

- ماتخافيش.

آية وهي تنظر إلي أشتان.

- أنا آسفة يا صغير إنت ،مش عارفه إسمك

سونه:

- إسمه أشتان.

آية:

- آسفة يا أشتان أنا طلع كان معمولي عمل بجد.

وصلوا إلي جنينه المستشفى وكان جابير يتقلب علي الأرض ينزف دمًا من أماكن كثيرة في جسمه،

نزلت آية ووقفت علي رجلها وكانت في إتجاه جابير لكن سونه قال لها:

- لسه واقفين كلميهم

فنظرت آية إلي الهواء وسرقت نظرة إلي جابير الذي يتألم، ثم عادت للنظر في الهواء وقالت:

- أنا آية الشرقاوي المحامية مسجلة في البهو الضيراني لعام ٢٠١٠ ، يعني محامية تحت لو ماسبتوش
الإنسي ده أنا مش هسيبكم وهوديكموا في داهيه.

حينها ظهرت عين خزيم الحمراء قبل أن يظهر جسده وقال:

- ده ساحر يا شاطرة تخصصنا مينفعش نسييه يأذي الناس، لازم نعاقبه.
آية بفرع:

- لأ حضرتك ده مش ساحر، ده جن طيار وعليه عقوبة بينفذهها في جسم إنسان.
تمتم سونه بسرعة:
- ماتقوليلوش.

حينها بدأ خزيم في اللف حول جسد جابير:

- أنا سمعت كده بردوا، بس مقدرتش أعرف هو فين،
أنا بموت في الطيارين.

وضحك هو وسرقت ونظر علي جسد جابير الذي ينزف كثيرا من الدماء وبه عدة حروق
وقال:

- يعني كده كده جايلي في الآخر وماله شكرا يا أستاذة علي المعلومة القيمة دي.
ونظر إلي الهلال الموجود في السماء وقال:
- قالولي إنك هتبقى ملكي لما القمر يكتمل، معدش كثير.

وإختفوا من أمامهم ونزلت آية مسرعة إلي جسد جابير الذي ينزف كثيرا من الدماء وأخذوه إلي
داخل المستشفى؛ ليعالجوه وقاموا بتضميد جروحه وإنتهي الامر به يجلس في غرفه واحدة مع فؤاد
وذلك بعد إلحاح من آية علي الدكتور، وقام الدكتور بنقلهم إلي غرفة واحدة أكبر حجما تسعهم
معًا. هم الاثنان منظر جابير وهو نائم علي السرير ويغطي جسمه كم كبير من الضمادات لتغطية
الحروق والجروح يُوحى بالخوف الشديد، أصاب الخوف فؤاد عندما رأهم وهم يضعونه علي السرير،
وأصاب الخوف أيضًا شيماء عندما أتت لتجد الشيخ مصطفى في تلك الحالة، وأخذت تدعي له
بالشفاء، وكان جابير أو مصطفى فاقداً للوعي تمامًا، ولكن أشتان أحضر عدد كبير من اللبختات
ليضعها حول جسمه لتخفف له آلام الحروق، فتلك اللبختات كانت متوفرة بكثرة في عالم الجن لأن

الحراس دائما ما يحرقون الجن بالنار عندما يقبضون عليهم ويستطيعون إشعال نارا كبيرة ،ويقذوفون الجن بها لتصيبهم وتحرقهم وتجعلهم غير قادرين علي الحركة.

فتح جابر عينا واحدة فكانت الأخرى محروقة ومربوط عليها شاش ليغطيها ليجد أمامه آية تجلس علي الكرسي المجاور لسريره،

إبتسمت آية عندما فتح عيناه وقالت له وهي تضع يدها علي يد كانت غير مربوطة وموضوعة علي بطنه:

- حمدا لله علي السلامة.

- الله يسلمك.

نظر سمير زوج شيماء الواقف في آخر الغرفة اللى قبض آية علي يد جابر، وحرك فمه وعيناه متهكما علي آية، ثم قالت زوجته التي كانت تجلس علي كرسي بجوار سرير أخيها ووقفت عندما سمعت آية:

- حمدا لله علي السلامة يا شيخ مصطفى.

حينها لفّ جابر حدقه عينه في كل الاتجاهات لتتسع حجم الغرفة وكل من فيها فشاهد سمير وشيماء، ثم حرك رقبته ليجد فؤاد يجلس علي السرير المجاور له ينظر له ويبدو أنه بدأ يحرك ظهره قليلا:

- حمدا لله علي السلامة.

قالها فؤاد مبتسما:

- الله يسلمك يا فؤاد، الله يسلمك.

والأخيرة كانت لأخت فؤاد.

ثم لاحظ سمير يتكلم بعد أن نظرت له زوجته:

- حمدا لله علي السلامة يا باشا.

فتحول نظره إليه وقال:

- الله يسلمك.

إقتربت شيماء منه ووقفت علي حافة السرير قائلة:

- أنا عارفة إن هما كانوا كثير وأنت حرقتهم كلهم، ربنا يباركلك يا شيخ والله.
عاد جابير برأسه للخلف ووجد يد آية مازالت تقبض علي يديه، ونظر إلي عيناها مباشرة فوجدها
تقول:

- أنا آسفة علشان فهمت غلط.

- ولا يهملك، أهم حاجة أنتي حسيتي بتغيير؟

- كان شبشب والله .

- بس إنتي اللي عاملهوله ؟

حرّكت رأسها بالنفي:

- لأ ما أصحابك قالولي

ولم ترد قول أسمائهم أو الاشارة إليهم.

- ستي تقريبًا اللي كانت عاملاه مش عارف عملته ليه يعني يالا أهو ربنا رحمها ميجوزش علي
الميت غير الرحمة.

حينها فتح الباب دون تخبيط وكان وجهها لشاب أسمر في منتصف الثلاثينات وكان داخل إلي الغرفة
لكنها عاد خطوة وقال وهو يتفحص كل من في الغرفة:

- هي دي مش أوضه سعيد رواش؟

فردت آية وكان حينها يتفحص جابير الملثم:

- لأ... اللي كان هنا خرج إمبارح

ظلّ الشاب يتفحص جابير بعينه، ثم أتي صوت سمير من الخلف:

- مش موجود في الأوضة دي باريس.

فعاد بظهره إلي الخلف قائلاً.

- خلاص ماشي .

وخطف نظرة سريعه علي كل من بالغرفة وخرج،

قالت آية لجابير برقة كأنها شيماء وتتحدث إلي فؤاد:

- أجبلك تاكل؟

- مش قادر.

ثم قال بصوتٍ ضعيف:

- إحنا هنعمل إيه معدش إلا خمس أيام!

فنظرت إليه آية نظرة مطولة وقبضت علي يده بقوة أكثر قائلة:

- ماتخافش إن شاء الله هتتحل وأديك جنبه أهو وهتفضلوا مع بعض اليوم كله.

حبطتين علي الباب، ثم يفتح ممرضه سمينة، بدلة تمرّض لوها بامي وبها خطوط زرقاء تقول:

- معدش إلا ريع ساعة علي ميعاد الزيارة.

كلمتها شيماء وهي تشاور علي جابير:

- ده لسه فايق دلوقتي.

- مينفعش يا مدام دي قوانين.

وخرجت من الغرفة.

- عايزك تحيلي بعد الزيارة.

قالها جابير لآية التي ردّت قائلة:

- إزاي؟

- هما هيجبوكي

- أه أصحابك، طب هما هيطهرولي فين؟

كانت آية تقترب بفمها بشدة كي يسمعها هو فقط.

- هما هاتلاقيهم هنا دلوقتي لما يظهروا هبعثهملك

- طب أجبلك حاجة معايا؟

- لأ لأ.

نظر سمير إلي آية التي تجلس علي الكرسي وجسدها كله ناحية الأمام في إتجاه جابير وأخذ يتأملها

وهي تتهامس معه وقال في سره:

- عليه النعمة شرشر .

إنتهى ميعاد الزيارة وخرجوا تاركين جابير وفؤاد مع بعض ينامان علي ظهورهم وينظرون إلي سقف الغرفة ثم فجأة ظهر لهم سونه وأشتان من العدم إقتربوا هم الإثنين من جابير.

سونه :

- حمدا لله علي السلامة.

أشتان:

- حمدا لله علي السلامة.

جابير:

- يا جدعان أنا مكنتش بحج إيه كمية (حمدا لله علي السلامه) دي،

ثم لف رأسه ناحية اليمين ليري وجه فؤاد وقال له:

- علي فكره ده كان إفيه مفروض كنت تضحك.

وإبتسم فؤاد ثم عاد جابير للنظر إلي سونه وأشتان وقال لهم:

- روحوا هاتولي أية .

أشتان:

- هو إحنا لسه هنشيلها تاني دي تقيله أوي.

سونه:

- ياعم هنشيلها فين هنعديها من علي السور بس ياللا ياعم.

ثم نظر إلي جابير وقال له:

- عايز حاجة تاني؟

- لأ شكرا .

إختفوا من أمام جابير وساد الهدوء لبعض لحظات، ثم بدا فؤاد يتكلم وهو ينظر ناحية السقف:

- أنا عارف أد إيه أنا مقصر معاك ،بس أنا والله مفيش في إيديه حاجة

أعملها، أنا حاولت كتير أفرد وشي وأضحك وحاولت أفكر أي حاجة ضحككتني وبلاقي حياتي

وظروني في وشي بتقولي هتضحك علي إيه، بتربط قلبي وتخليني ما أحسش، وكل ما أفكر أعيط

أفكرهم وهما بيقولولي عيط لما مرايت ماتت، عيط علشان الحزن ميتكتمش جواك ومتعرفش تخرجه بعد

كده تعرف إن أنا مرحتش دفنت مراقي ولا خدت عزاه! كنت نايم نفس النومة اللي نايمها دي، عارف لولا إن أنت طلعتلي في حياتي أنا مكنتش إستحملت النومة دي تاني، كنت مكنتش كنت وشريت لحد مامت.

كان جابر ينظر إليه بصعوبة شديدة وهو يلف رقبته ناحيته:

- حرام عليك يا فؤاد ماتقلش كده وتموت كافر علشان إيه يعني!

يا فؤاد أنا نفسي أساعدك مش علشان أساعد نفسي بس، والله نفسي ترجع تاني كويس أنا كنت بستهون باللي الجن بيعملوه في الانس، بس معرفش إن هو بيسيب علامات كبيرة قوي كده

- إنت عمرك أذيت إنسي يا جابر؟

- والله لأ، أنا كنت الحمد لله بساعد الإنس، وكنت بجيب الأعمال اللي محدش بيعرف يجيها

- أمال إنت ليه محكوم عليك؟

- ظلم. بس يعني رينا بيحاسبني.

- بيحاسبك علي إيه؟

- أنا مقتلتش الحاوي.

- الحاوي مين؟

- الإنسي اللي متهمني فيه، بس أنا كنت بشتغل مع واحد تاني وإحنا عندنا حرام نظهر لإنسي أو نديله قدراتنا بأي حال من الأحوال واللى بيعمل كده بس الجن الكافر اللي بيعبد الشيطان، ودول بياخدوا مقابل ظهورهم كفر، اللي بيطلعهم ويخلوه يعمل حاجات كافرة علشان يرضوا اللي هما بيعبدوه.

- طب ما إنت مسلم ليه عملت كده؟

- أنا كنت بشتغل مع شيخ اسمه العلمي العلمي ده كان بيفك الأعمال اللي عملها الحاوي .

- اللي إنت متهم فيه؟

- أه بس العلمي قتل الحاوي، والحاي ده الحراس كانوا بياخدوا منه حاجات فأتهموني فيه.

- سؤال بقي والنبي، إيه بقي الحاجات دي اللي بتروح وتيجي بينكم؟ يعني إنت بتقبض إيه مثلاً؟

- بص عالم الجن زي عالم الإنس في أكل وشرب ،ودول مش ببلاش في بيوت بتتبني تحت الأرض
في ناس بتشتغل في الفلك في الطب بتاخذ حق مابتعمله الجن بيدفعوا وياخدوا.

- إيه بقي بيدفعوا وياخدوا إيه ؟

- عمله تديها لجني ينزل يشتري لنفسه بيت تحت الأرض ،يجيب عظم.

- إنتوا بتاكلوا عظم، طب والعظم ده بفلوس؟

- أه بس ما إسمهاش فلوس إسمها اعم؟

- اعم!

- لأ إكسرهما قول بعد الالف ياء ايعم .

- ودي مصنوعه من إيه دي؟!

- دهب شفاف جواه نار مابتطفيش .

- ودي بتساوي إيه دي ؟

- بتساوي الحاجات اللي بتشتريها، العظم ،النار اللي بيتبني بيها إحنا بنبني من النار لازم أي بيت
أي حاجة النار تبقي من مكوناتها تساوي العلاج اللبخة الدوا اللي هتشره، تساوي حاجات كتير.

- طب ما الحاجات دي ممكن تجييها من عندنا وبسعر رخيص أو تاخدها ببلاش.

- بص، مفيش حاجة ببلاش علشان العظم ده إنت متخيله رخيص هو مش العظم كله بيبقي عظم

جمائيس وخرفان ده ببلاش أصلاً العفريت التراي بيطلع يعيش علي الأرض علشان ياكل عظم من ده

ببلاش بس في عظم صقر عظم نسر عظم النعام، في عظام أسود دي أغلي عظم متوفر، في

حاجات تانية مش موجوده إنت ماتسمعش عنها.

- عظم تنين مثلاً.

- مشكلتك إن إنت بتقفى وما بتضحكش ،في عظم نورس تسمع عنه ؟

- أه.

- ده أغلي أكل العظم، وفي الروث مخلفات الحيوانات.

- إيه القرف ده!

- ياعم ماتعملناش فيها من جاردن سיתי، بقي إنت كنت عايش في دار السلام

- روث يا جابير

- ياعم أنا مباكلو ش بس بيتاكل.

- طب اللي إنت كنت بتشتغل معاه ده كان بيديك بقي ايعم؟
- أه.

- وده حرام؟

- ممنوع، مينفعش جني يشتغل مع الإنس، أنا طيار مثلاً أروح أجيب عظم صقر وأبيعه وأكسب،
بس أنا إستسهلت إن أنا أجيب أعمال، ورينا بيعاقبني أهو.

- طب والرجل اللي إنت كنت شغال معاه ده لسه صاحبه؟
- العلمي لأ، الله يرحمه ميت من مدة.

فُتح باب الغرفة ووجدوا آية تدخل ثم يغلق الباب وحده وظهر سونه وأشتان في الغرفة.
سونه :

- جنبهالك أهيه ياعم.

إبتسم جابير لرؤية آية التي جلست بعد أن سلمت عليهم، ووضعت الكرسي في المنتصف بين
السريين ليكون وجهها مقابلاً لهما جابير علي يمينها وفؤاد علي يسارها، أما سونه وأشتان فكانوا
يقفوا خلفها.

نظرت آية إلي فؤاد وقالت له:

- آيه مش ناوي تضحك؟ لو مضحكش أنا هاكلك علقة وأنت مربوط كده هخليك ما تبطلش
عياط.

إبتسامه فؤاد دائمة غير معبرة ولا تعبر عن أي سعادته خلفها.

سونه:

- والله كان زماني قمت بيه من زمان.

آية وهي تضع يدها في شنطتها لتخرج الموبيل.

- طيب .

ثم أخرجت الموبيل ونظرت إلي فؤاد الذي يحدق في وجهها بقوة جعلتها ترتبك وتعديل من طرحتها

وتتوتر قليلاً، لكنها نظرت في الموبيل مسرعه وقالت :

- بص شويه نكت بقي لو ماضحككتش هعورك.

ذهب أشتان وسونه ناحية فؤاد وجابير ليقفوا بجوارهم كي يروا آية التي ستقرأ نكتها لفؤاد لكنها

كانت تشعر بتوتر لنظرات فؤاد لها، وكانت تباعد بين النظر له وبين النظر للموبيل

- إسمع دي:

بيقولك العالم كله بيعمل ثورات ولبنان بتعمل إستار أكاديمي.

ثم نظرت إلي فؤاد بعد النكتة، ووجدته يبتسم بمجاملة دون ضحك وتركيزه الأكبر مع وجهها مما

جعلها تعديل الطرح مجدداً

سونه:

- آية كملي النكتة

آية:

- أكمل إيه يابني خلصت.

أشتان:

- طب دي فيها إيه بيضحك؟!!

آية:

- طب ماتوجعلناش في دماغنا في غيرها إسمع دي.

لاحظ جابير النائم علي السرير توتر آية الزائد مع تركيز فؤاد عليها ونظر إليها ونظر إلي فؤاد ثم

قالت:

- حسني مبارك هي مفروض إنها إتعملت قبل الثورة ماتخلص

جابير:

- إخلصي

آية:

- إهدي.

ثم أكملت :

- حسني مبارك بيكلم أحمد شفيق قاله حولت الفلوس كلها بره؟ قاله: حصل ياريس. وبعث الأراضى؟ حصل ياريس. وهربت المجوهرات؟ حصل ياريس. قاله طب ودي المسلمين السعودية والمسيحين أمريكا وإفعل وتعالى.

عندما أنتهت من النكتة رفعت رأسها لترى تعابير وجه فؤاد ولا حظت أنه يتسم إبتسامه متصنعة، لكنه مازال يتأمل ملامحها بدقة.

سونه:

- علي فكره نكتك كلها حمضانه.

قال فؤاد وهو ينظر إلى آية

- أقولك أنا نكتة؟

فحركت آية رأسها بالموافقة ووجه جابير نظره إليه وقال فؤاد:

- كان في واحد عنده ديك كل يوم الصبح الساعة ٧ يصحيه، ويقولو كوكو كوكو، فجيه يوم الديك ماصحاش صاحبه فقام صاحبه واخده للساعاتي وقاله عايزك تصلحلي الديك ده علشان ماصحانيش النهاردة، فالساعاتي قال الراجل ده مجنون ولا إيه، وقام واخده منه وقاله ماشي وبعدين دبجه وكله وخاد العظم بتاعه ربطه وعلقه قدامه، كل لما يجيله صاحب الديك ، الساعاتي يشاور علي العظم ويقولو والله فكه وشغال فيه أهو.

ضحكوا جميعًا ولم يتبقي إلا فؤاد مبتسمًا، ينظر إلى وجه آية التي ظلت تضع يدها علي طرحتها وتنزلها لتعدلها.

جابير:

- ماتضحكش ليه يا عم ، طب أعملك إيه طيب؟

نظرت إليه آية وقالت:

- إحنا لازم نضربه علشان يعيط ونريح دماغنا.

فقال لها فؤاد:

- إنتى شبه شيماء أختي .

فرفعت آية حواجبها مستغربة تستعرض جمالها الفائق وجسمها الرياضي أمام جمال شيماء الباهت
ونحافتها الشديدة وقالت:

- إزاي يعني مش حاسه بكده

أكمل فؤاد:

- مش عارف بس عندي إحساس بكدا.

جابر:

- ياعم هو إنت بتحس! إنت مابتحسش .

فنظرت آية إليه وهي ت برق كي يتوقف ، وكان جابر يتكلم علي سبيل المزاح لكن الكلام أصاب شيئاً
في فؤاد الذي قال:

- ياعم أنا أعمل إيه يعني هو بإيدي.

سونه:

- مش قصده يافؤش الطيار بيهزر معاك.

لف جابر رقبته بقوة كي ينظر إلي فؤاد:

- إوعي تزعل.

فؤاد:

- لأ ياعم أنا أزعل من إيه بس، أنا والله ما في حاجة بإيدي.

آية:

- ولا في حاجة في إيدينا ياعم كل حاجة بإيد رينا.

إستمر الحديث بينهم، يبحثون عن أي شيء يُضحك فؤاد أو ييكيه، ولكن دون أي أمل ولكن
النظرات التي جمعت بين فؤاد وآية كانت مسار إهتمام لكل الجالسين، فسونه وأشتان إستغربوا
الكسوف الذي يظهر علي وجه تلك المحامية التي تعمل فوق وتحت، وجابر شعر ولو ببصيص أمل
إن من الممكن أن يعود قلب فؤاد يشعر من جديد علي يد آية أما آية فلم تعرف ما حدث لها لماذا
إرتابت من نظرات فؤاد رغم أنها لم تري أي شيء فيه قبل اليوم وكانت قابلته عدة مرات، ولكن
ماحدث لآية من نظرات طبيعية من فؤاد لم يقصد بها أي شيء هو أنها بدأت تري رجالاً آخرين في

الحياة فعينها لم تكن تري في الحياة سوي رجل واحد وهو محمد أما الآن فتحرر قلبها وفكها من الأسر التي كانت واقعة فيه، وأصبحت تري رجالاً وأصبحت تشعر بالكسوف من نظرات الرجال كما تشعر كل الفتيات، من نظرات الرجال التي تتابعهم تحررت آية من أسرها وتبقي فؤاد، الذي لا يعلم كيف سيعود من جديد للحياة وكيف سيزال الغشاء من حول قلبه ليجعله يعيش إنساناً طبيعياً كما كان من قبل.

* * * *

بوابه المستشفى الحديدية تودي بك إلي جنينة ثم إلي مبني المستشفى الداخلي، لا تستطيع المرور من البوابه الحديدية الامامية؛ لأن بها أفراد أمن يسألونك إلي أين أنت ذاهب، وإذا لم تكن دكتور أو عامل بالمستشفى أو لم تكن في ميعاد الزيارة لن تستطيع الدخول، بسهولة ولكن ميكروباص مرّ كالطلقه من ذلك الباب جعل عمال الأمن يبعدون بسرعة من الباب خوفاً من أن يصابوا إذا إصطدم بهم، وصل حتي الباب الداخلي من المستشفى ونزل منه سبعة أشخاص يحملون بنادق آلية ومسدسات، أطلقوا النيران في الهواء فدوي لها صوتاً رهيباً أبعد كل من في المستشفى من أمامهم فإختفي كل الأشخاص تماماً وأصبح مدخل المستشفى كالعرء دخلوا إلي الاستقبال وذهب أولهم إلي ذلك المكتب الرخامي الموجود في الاستقبال الذي من المفروض أن يجد خلفه أي شخص، وظل يقول وهو يخبط بيده عليه:

- فين مصطفى العربي؟ فين مصطفى العربي؟

داخل غرفه مصطفى لم يستمعوا إلا لأصوات الرصاص المنتشر في الهواء، ولم يفهموا أي شيء وطلبت آية من سونه أن يذهب ليعرف ما يوجد بالخارج وكان بالخارج هذا الشخص مازال يهمل:

- فين مصطفى العربي؟

حتي نظر إلي شخص خلفه وقال له:

- هو قالك لقاه في أوضه كام؟

فرد عليه :

- مائة وواحد، متين وواحد، مائة مائة واحد وعشرين مش فاكر

وأطلق الأول النار في سقف المستشفى ليتلف عدداً كبيراً من المصابيح وأخذ يصيح

- إنتوا يا عالم ياوسخة فين العربي؟

عاد سونه إلى الغرفة وأخبرهم بما يحدث في الخارج، وطلب منهم أن يقوموا من سرايرهم ليرحلوا، ووجدوا صعوبة في ذلك ولكنهم جعلوهم يقفوا بالعافية، آية وأشتان يسندون فؤاد وسونه يسند جابير:

بدأ السبعة أشخاص بتفتيش غرف المستشفى يكسرون باب الغرف بأرجلهم، ويدخلون إلى داخلها ليصيحوا في الناس ويسألوا عن مصطفى العربي.
- لازم نطلع من الشباك.

قالت آية، وحينها بدأوا بفتح الشباك وقرروا أن يخرجوا، جابير في الأول وأتي أشتان وسونه ليقفوا بجواره، بينما كانت آية تمسك فؤاد وحدها، وقام سونه وأشتان بحمل جابير ونزلوا به من شباك الغرفة الذي يؤدي إلى الجنية الأمامية التي فيها الميكروباس وتركوه في الجنية ووضعوه علي الأرض بجوار الميكروباس ثم عادوا وأخذوا فؤاد وأنزلوه بجواره حينها فتح أحد الأشخاص الغرفة ليجد آية وحيدة تقف بجوار الشباك فتش الغرفة بعينه بحثًا عن مصطفى ثم نظر إليها وهي تنظر من الشباك فشك في شيء فذهب ناحية الشباك، ونظر منه ليجد خبط عند باب المستشفى نتيجة إصطدام ميكروباس به وهو داخل إليها وكان أول ما لاحظته، ثم نظر تحت فوجد جابير وبجواره فؤاد بجوار الميكروباس. أشار بالرشاش ناحيتهم وحاول ضرب نار لكن آية أبعدت يده بقوة فأصاب الرصاص الميكروباس وحينها ضربها هذا الشخص بيده علي وجهها وبعدها عنه، ثم قال بصوت عالي - العربي هنا أهو.

دخل عليه ثلاثة اشخاص ووجهوا أسلحتهم من الشباك لكنهم وجدوا الميكروباس الآخر يأتي ليقف بجوار فؤاد وجابير ونزل منه أربع اشخاص سحبوا جابير داخل الميكروباس وفتحوا عليهم النار ووجدت آية أحد الأشخاص الواقفين في الغرفة معها، يقع علي الأرض من طلقات النار وتكومت في ركن من الغرفة تبكي بشدة خائفة.

وإستمرت الطلقات النارية بين أربعة من تحت يضربون النار علي شباك غرفة جابير، فدخل الواقفين بالشباك إلى الغرفة لينتظروا قليلًا، ثم يعاودوا الضرب من جديد حينها قال أحدهم وهو يشاور علي آية التي تبكي بشدة.

- البت دي معاهم .

ثم أتتهم الطلقات من تحت مجددًا لينبطحوا جميعًا علي الأرض، وبينما ذهب أحدهم ليمسك بآية التي تبكي بشدة وجد نور الغرفة والطريقة المؤدية إليها ينطفأوا ولم يروا آية وهي تطير في هواء الغرفة وتخرج من الباب وكان سونه وأشتان يحملونها وحاولوا الخروج خلفها لكن طلقات نارية جعلتهم ينبطحوا جميعًا مجددًا.

ونزل سونه وأشتان بآية حتي الجنينة وأمسكوها من الجنب وجروا بها، فجرت بسرعتهم حتي وصلت إلي باب الميكروباس وحينها قال جابير:
أنها معهم، فاركبوها الميكروباس بجوار فؤاد علي الكنبه الاخيره التي ينام عليها بينما ينام فؤاد علي الكنبه التي تسبقها.

ركب الأربعة أشخاص الميكروباس بينما تحرك مسرعاً إلي الخارج ووجد جابير أحد الاشخاص يحضنه.

- مصطفى أنت عايش مصطفى أنا قلت أخويه ماماتش قتلهم الرجاله ما بتموتش وأخذ ينظر في عين جابير الواحده الغير مربوطه باحثًا بداخلها عن حنانه له وإستغرب أخوه بشدة وقال له:

- أنا شاهين أخوك ياله إنت نستني؟

وأمسكه بيديه من كتفه بينما يتحرك الميكروباس بسرعة شديدة.

- نسيت أخوك شاهين؟

وجابير لا يعرف ما يفعل وفؤاد في الكنبه الخلفيه يحاول بشدة أن يقوم من مكانه ليري الموقف وآية كانت توشك علي الكلام ولكن جابير حضن شاهين في لحظه وقال له:

- لأ..إزيك يا أخويه؟

وحينها حضنه شاهين بقوة وأخذ يضربه علي كتفه.

- مين اللي عمل فيك كده ياله هموته هموتهم كلهم مصطفى العربي مايتعملش فيه كده.

تحرك الميكروباس بسرعة جنونية وسط تركيز شديد لشاهين وباقي أصدقائه في الطريق، خوفا من أي هجوم محتمل من الخلف ومن أي كمين يقابلهم، ويجد معهم أسلحة حتي وصل إلي الطريق السريع

وحينها هداً جميع من بالميكروباص ،ماعدا السائق الذي كان يسير بسرعة جنونية وأخذ شاهين

يتودد إلى أخيه ويسأله عن حالة، وماحدث له، ثم وجد آية تقول له:

- هو تعبان دلوقتي أحسن تسيبه.

فنظر لها شاهين.

- طب وحضرتك مين متعرفتش إنتي دكتور؟

حاول جابير حينها أن يحرك رأسه ليرتفع لأعلي ليقول أي شيء وسط صمت آية ،ثم قال:

- لأ دي معانا.

فقال شاهين وهو يباعد نظره بين آية وبين أخيه.

- طب وحضرتك مين يعني؟

فوجد فؤاد يتحرك بتعب شديد حتي عدل ظهره ونظر إلى مصطفى قائلاً:

- دي مراقي.

نظرت آية إلى فؤاد بإستغراب جعل شاهين يشك لكنها نظرت بعيداً عن فؤاد كي تبعد الشك عنها

ثم قال جابير وهو نائم:

- كنا قاعدين مع بعض في نفس الأوضة.

شاهين:

- طب نوديهم فين دول؟

فقالت آية مسرعة:

- وأصحاب مش هينفع نسيب مصطفى.

فنظر لها شاهين وحرك رأسه لأسفل:

- تنوروا يا أستاذ.

وصل الميكروباص إلى المنصورة بعد رحله شاقة إستمرت لأكثر من ساعتين لولا وجود أشتان في

الميكروباص وإستخدامه للبخة في تسكين الألام لكان جابير وفؤاد لم يستطيعوا إستكمال تلك

الرحلة توقف الميكروباص أمام بيت قدسم في أحد الأزقة القروية ونزل منه شاهين شاهين العربي الأخ

الأصغر لمصطفى أولاً ثم نزل بعده باقي الرجال وبدأوا في مساعدة جابير وفؤاد علي الدخول إلى

داخل المنزل، الذي كان في شارع عرضه لايزيد عن ستة أمتار وكان مدخله بسلا لم عالية. تعبت جابير وفؤاد عند صعودها، ثم بوابة حديدية ومدخل واسع به كنبه خشبية قديمة تجلس عليها سيدة عجوز ترتدي الأسود من فوقها لمبه نورها أحمر عندما إلتفتت ناحية جابير الذي دخل المنزل ومصطفي يعكزه، نظر جابير لها ومن الوهلة الأولى لمقلتيها البيضاء، التي لاتتحركان من مكانهم عرف أنها عمياء ، لم يكن يعرف من هي وشعر بالخوف الشديد ولكنها عندما إقتربت منهم دوي صوت شاهين.

- إبنك عايش يامه مصطفى أهو يامه.

وكان مصطفى جسمه مربوط في كل حته لكنها لم تكن تراه إقتربت منه وهو في شدة الخوف. وسمعا تقول مصطفى وعندما وصلت إليه وهي تتعكرز علي الهواء وضعت يدها علي جسمه. وبدأت تتحسس ثم إقتربت بأنفها وأخذت تشم في ريحته، وحضنته بقوة وأخذت تقول بصوت مليء بالبكاء:

- كنت عارف إنك عايش يا ضنايا.

وأخذت تقبل فيه وتشم في رائحته، وبدأ يحضنها كي لا ينكشف موقفه ومن خلفه آية وفؤاد يشاهدون الموقف مستغربينه تمامًا.

فالأم الباكية لا تحضن أبنها : لأن إبنها مات وسيموت بعد أقل من أربعة أيام مجددًا، أخذت العجوز تشم في رائحة أبنها وهي تبكي ونظر فؤاد إلي آية التي تسنده وواقفه علي يمينه فوجدها تبكي هي الأخرى.

قالت الأم:

- مين اللي عمل فيك كده يابني؟ مين اللي عورك كده؟

ردّ شاهين بسرعة شديدة:

- هسلخهم كلهم مش مصطفى العربي إلي يتعمل فيه كده.

تحرك جابير متسندا علي أخيه وعلي أمه التي تحضنته وتشم في رائحته.

وكان يتحرك بصعوبة شديدة للجروح المنتشرة في باطن قدمه، وفي باقي جسده كله تحركوا إلي الغرف جابير أخذوه إلي غرفة ووضعوه علي السرير وجلست أمه بجواره تتحسس كل قطعه في جسده.

وفؤاد وآية أعطوهم غرفه وحدهم بعد أن أغلقوها عليهم ظهر لهم سونه وأشتان.

سونه:

- هنعمل إيه؟

كان فؤاد نايم تماما علي السرير الوحيد الموجود بالغرفة ،وكان يوجد كنبه أخرى جلست عليها آية.

آية؟

- العمل عمل رينا .

أشتان:

- علي فكرة أمه دي كان نظرها ضعيف ولما إتحكم عليه بالاعدام فضلت تعيط عليه لحد ما

إتعمت.

فؤاد:

- هو إتحكم عليه إعدام في إيه؟ شكلهم يعني طيبين.

آية:

- الناس كلها بتبان طيبة من بره.

ثم سكتت قليلاً وقالت:

- بكره نعرف.

ناموا جميعا وأتي النهار فتح جابير عينه في الغرفة التي ينام فيها فرأى نورا يتسلل من خلف فتحه في الشباك، أضاء له وجه ام مصطفى التي تنام علي الكرسي المجاور لسريره وتضع يدها علي السرير عدل جابير نفسه بصعوبة علي السرير وجعل ظهره لشباك السرير فشعرت الأم بحركته فقالت: وهي تحرك رأسها يسارا وتتحسس السرير بيدها:

- إنت صحيت يا مصطفى؟

رد عليها جابير بنفس الإسم الذي سمع شاهين يناديها به قائلاً:

- أيوه يامه.

- أعملك تفطر ياعين أمك؟

كان جابير يتأملها بينما تضع يدها علي وجهه وجسده لتتأمله هي الأخرى

- مش دلوقتي .

- طب أجبلك تشرب يا حبيبي ولا أجبلك سيجارة من أخوك

- لأ شكرا أنا عايز أشوف الناس اللي جم معايا، بس لو كانوا صحيحوا .

- هناديهم لهم ياعين أمك.

وقامت بصعوبة وهي تتحسس السرير والجدار الموجود بقرب السرير، لتذهب ناحية الباب وتتحسسه بيدها، لتخرج منه شعر جابير بضيق بالغ من تعبها وهي تتحرك، ومن تعبها علي إنها المفقود الذي من المفروض أن يحل محله.

* * *

إستيقظت آية النائمة علي الكنبه بعدما إستمعت إلي وقع أقدام خارج الغرفة، وفتاة تتحدث إلي سيدة كبيرة شعرت بأنه صوت الام التي رأتها، بالأمس وكانت الفتاة تناديها بيامه، أيضاً ذهبت في إتجاه فؤاد النائمة علي السرير الذي لا يفصله عن الكنبه إلا خطوتين ووجدته عينه مفتوحة، وينظر ناحية السقف فشكت أنه مستيقظت وإنتظرت منه أن ينظر إليها، بعدما تحركت لكنه لم ينظر حركت يدها أمام عينه فلم تتحرك مقلته فجلس علي السرير بجواره وبدأت في وضع يدها علي كتفه لتحركه وقالت له:

- فؤاد فؤاد.

وإنتظرت قليلاً وظلت تتابع مقلتيه الثابتان وأكملت قائلة:

- فؤاد.

فوجدته يرد عليها دون أن تتحرك مقلتيه في أي إتجاه.

- أيوه يا آية.

فكرت بشدة مع مقلتا عيناه الثابتتان وقالت:

- إصحي إنت صاحي أصلاً.

رفع فؤاد يده ليضعها علي عينه ثم رفعها من علي عينه لتجده آية ينظر إليها قائلاً:

- أنا دلوقتي صاحي عايزاني أصحي ليه.

- علشان نشوف هنعمل إيه؟

صوت خبط علي الباب، ثم صوت الأم.

- يالي هنا.

فحاول فؤاد أن يعدل ظهره ويقوم من علي السرير لكنه وجد صعوبة فحرك رأسه قليلاً للأمام لينظر إلي الباب ثم وجد آيه تقوم من مكانها، وذهبت في إتجاه الباب لتجد أمامها أم مصطفى العمياء قالت آية:

- أيوه يا حاجة.

- صباح الخير يابنتي.

- صباح النور.

- لو أنتوا صاحيين، مصطفى عايز يشوفكم.

- حاضر يا حاجة.

عادت آية إلي الغرفة بعد.

أن أغلقت الباب وظلت تنادي علي سونه وأشتان، حتي إستيقظا وكان أحدهم تحت السرير والآخر في الدولاب وسندوا فؤاد جميعاً وأخذوه حتي غرفة جابير.

جعلوا فؤاد ينام بجواره علي السرير، ففؤاد يشعر بإعياء شديد وألم في بطنه إذا وقف جلست آية علي الكرسي التي جلست عليه الأم ووقف أشتان وسونه يراقبون الباب.

آية:

- هنعمل إيه؟ هنمشي إزاي من هنا؟

جابير:

- هنمشي ليه؟

جابير:

- هو إيه اللي هنمشي ليه؟ علشان مانموتش .

فؤاد:

- إحنا لو طلعنا بره هنموت.

آية:

- ولو فضلنا هنا ما جابير هيموت ،متبقي أقل من ثلاث أيام وبعدين هيبقي خلاص

جابر:

- طب هو أنا لو طلعت من هنا، هعيش إزاي؟ ما الحرس مش هيسبوني.

نظرت آية إلي فؤاد وقالت:

- هو إنت مش ناوي تعمل أي حاجة.

فؤاد:

- أعمل إيه؟

رفعت آية صوتها قليلاً قائلاً:

- جابر ييموت قدامك، تعمل إيه إيه؟ تساعد.

جابر:

- خلاص يا آية.

كان فؤاد في شدة الحرج.

آية:

- لأ مش خلاص أنت لازم تساعد ،وتعمل أي حاجة حرك مشاعرك إتصرف وإضحك أو عيط

لو معملتش كده ،هيفضل محبوس في الجسم ده والحرس هيجوا يجبوه ومش هيسبوه يعيش

نظر سونه إلي فؤاد، ثم إلي جابر وقال:

- إنت لو مش هتعرف تفك السحر اللي عليك ده، وروحك تبقي حره من الجسد ده لازم تنزل

تحت قبل مامدتك تنتهي ،علشان هما مش هيسبوك تنزل تحت.

نظرت آية مجددًا إلي فؤاد الذي يفصلها جابر عنه قائلة:

- حاول يافؤاد هيموت ومش هنعرف نخرج من هنا حتي علشان ينزل تحت لازم تحرره

فؤاد:

- هو أنا لو عملت كده هيعرف يخرج من اللي هو فيه ده وينزل تحت

أشتان:

- لأ طبعاً لازم ينزل بالإنسي ده ويدوهم وياخد جتته.

جابر:

- الست دي ماصدقت لقيت إبنها هناأخده منها ..

نظرت آية إليه وهي في قمة الغضب ،وعيناها متسعتان عن آخرهما.

- إيه في إيه؟ إنت كمان الست دي إيه وبتاع إيه؟ وإنت مالك إنت بيهم هتفضل قاعد هنا ما الحرس كده كده هيعرفوا مكانك ويجيبوك ويموتوك

جابر:

- إفرضي معروفش وأنا كده كده لو نزلت تحت هاخذ ٣٠٠ سنة طب مافضل في البني آدم ده وخلاص.

نظرت آية إلى فؤاد غاضبة ثم عادت إلى جابر بنفس الوجه:

- لو نزلت تحت هترافع عنك تاني وأحكي للقاضي اللي حصلك وأنت خدت جسم إنسان محكوم عليه بالإعدام والناس كلها كانت بتطارذك وإن أنت فعلاً، مقتلتش الرجل وهو هيخفلك الحكم لعشر سنين مش هتعرف تستحمل عشر سنين أنت إيه يعني .

نظر إليها جابر بغير رضي وقال لها:

- طب ماجبتليش ليه من الأول عشر سنين؟

سكتت آية .وكان السؤال صفعها علي وجهها وأخذت نفسها وقالت :

- علشان أنا كان معمولي عمل ومكنتش شايفة غير مصلحة نفسي عايز تعابرني كمان سكت جابر وحول نظره عنها.

أشتان:

- أدام كده ومفيش أمل يبقى أحسن حاجة إن إنت تنزل تحت من دلوقتي وتسلم نفسك وهي

تيجي تترافع عنك، وتأخذ عشر سنين

سونه وهو ينظر إلى فؤاد:

- أو أنك تضحك أو تعيط أو تحس، بالي أحنا فيه ده علي الأقل.

سكت فؤاد قليلاً وقال وهو ينظر إلى الأمام.

- أو مكنتوش طلعتولي ليله دخلتي وموتولي مراقي.

نظرت إليه آية بغضب وعلت صوتها ورفعت حواجبها لأعلي.

- هو حد في إلي قاعدين دول كان طلعلك ؟

وضع جابير يديه لتبعد آية عن الإقتراب من فؤاد وقال:

- بس يا آية؟

خبط باب الغرفة وفتح وكان أشتان وسونه ظاهرين أمام من فتح الباب وإختفوا بسرعة شديدة

وخشي الآخرون أن يكون من فتح الباب رأيهم لكنهم وجدوها الأم تدخل إلي الغرفة .

- يا مصطفى أنا عملت الفطار هتفطروا مع مصطفى ولا هتفطروا لوحدهم

فردت آية:

- هنفطر كلنا مع بعض.

الأم:

- طيب ياهناء.

ثم بدأت تتحسس الباب لتخرج من الغرفة.

آية وهي تنظر إلي جابير:

- إحنا لازم نخرج من هنا، في أقرب وقت فاهم؟

جابير:

- إزاي دي نامت مكانك إمبارح.

آية:

- بالليل لما كلهم يناموا.

قال سونه وهو مختفي:

- ممكن نطلع من الشباك ده.

آية:

- هتعرفوا تشيلونا إحنا الثلاثة؟

أشتان وهو مختفي أيضًا:

- هجيب عربية وأحطها في حطة قريبة من هنا وناخدكو واحد واحد لحد العربية ونمشي كلنا

جاير:

- إمتي إمتي؟

نظرت آية إى جاير وقالت:

- بالليل لما يناموا هنجيلك هنا، ونمشي كلنا.

* * * *

مر أول نهار عليهم عرفوا فيه كل شيء عن مصطفى الذي صدم أحد أفراد عائلة المسيري زوجته وهي تحمل إبنته بعربية فماتوا فدخل برشاش ألى على العائلة ،كلها وهي فى البيت قتل منهم إثنان وأصاب الباقي إصابات بالغة فحكم عليه بالإعدام والأآن تلك العائلة تريد أن تنال منه، إتصلت آية بشيماء وطمنتها على أخيها وأخبرتها أنهم محتبئين وسيظهرون بعد مده وحذر كل الأشخاص آية وفؤاد بعدم الخروج الآن ،حتى يدير لهم طريقة للخروج بها من الحى وجدت آية أن عدم معرفة جاير بأسامي الأشخاص، سيسبب مشكلة فأخبرت أخيه وأمه أنه فاقد للذاكرة ويحاول التماشي معهم كي لا يجرهم لكنه فى الأصل لا يتذكر أى شخص وذلك سهل على

جاير

الإحراج الذي يقع فيه لعدم معرفته لأفراد عائلته، ولكنهم بدأوا يحكون له كل شيء كي يتذكرهم من جديد.

أتى الليل الثانى وجلست آية وحدها فى الغرفة مع فؤاد بينما ذهب سونه وأشتان ليدبروا سيارة جلست آية على الكنبه لتعطي وجهها لفؤاد النائى على السرير.

آية:

- إنت بجد يافؤاد مش عارف تضحك أو تعيط؟

نظر لها فؤاد وقال:

- ساعات أسهل حاجة بنعملها بتبقى مستحيلة لبعض الناس.

آية:

- طب ماتحاول إتعب شوية فكر فى أى حاجة ضحككتك أى حاجة عيطتلك

نظر فؤاد إى السقف وقال:

- هو إنتي متخيلة إن أنا مش عايز أبقي كويس ،ولا أنا من جوايا نفسي الناس تفضل تقول عليه
إننا أهبل .

آية:

- أمال إيه اللي مانعك ؟

فؤاد:

- معرفش .

ثم نظر إليها، في عينها وقال:

- معنديش حاجة أقولها لك والله

* * * *

كانت تتحس كل قطعة في جسده بيديها، وهي تجلس علي الكرسي المقابل له بينما يتأملها وهي
تفعل ذلك.

- يعني إنت مش فاكربي يا ضنايا، مش فاكرك أمك؟

أستمر جابير في التحديق فيها ثم بدأ يتذكر أمه الجنية، التي لا تتشابه إطلاقًا مع تلك السيدة فأمه
جلدها لونه أحمر تمامًا لا تغطي.

الكثير منه مثلما تغطي تلك السيدة جلدها، لكنها كانت تذكره بأمه التي تركها كثيرًا وعاد ليراهها،
فقط قبل أن تموت وشعر بأنه مقصر في حقها وبكي عليها بعدما ماتت
ردّ عليها جابير:

- معلش أصل إللي حصلي كثير أوي يامه.

- تقوم تنسي أمك يا عين أمك.

- معلش يا امه.

وضعت يدها علي عينه الواحدة لتتحسسها فتذكر أمه وهي تتحس عينه الواحدة وهو صغير بعدما
فقد الأخرى وتقول له أنها أجمل وأقوي عين في الدنيا وتطيب جراحه علي فقدان عينه وتقول له أنه
من الممكن أن يستعيدها عندما يكبر.

قالت الأم:

- نفسي أرجع أشوف تاني علشان أشوف عنيك يا ضنايا ، عنيك اللي كانت بتشوفني وأنا في آخر الدنيا قبل أي حد.

قال جابير حينها في سره.

لو رجعت طيار تاني هرجعك تشوفي بعنيكي، بس لو رجعتك تشوفي مش هتشوفي إبنك علشان أنا مش هبقي موجود.
ثم رد عليها قائلاً.

- لو خفيت يامه هخدك لأكبر دكاترة يعالجوكي.

- إن شاء الله هتخف بس مش هتعرف تخرج بره علشان الحكم اللي عليك يابني خليك جنبي.
هنا، وماتسبنيش ربنا يكرمك.

أخذ جابير يتأملها كثيراً بعد هذا الطلب ثم وجد سونه يظهر أمامه ويشاور له بيده، فأشار جابير علي يد الأم الموضوعة علي جسده وأشار برأسه يميناً ويساراً رافضاً، أستمروا الليل في التقدم وإستمر سونه في العودة له وكان جابير يشاور دائماً بالرفض، لأن يد السيدة كانت لاتفارق جسده ثم عاد في آخر الليل وحاولوا أن يحركوا يد السيدة من عليه لكنها إستيقظت وظلت تضع يدها علي إبنها وإنتهت الليلة دون أن يستطيعوا الخروج.

أتى النهار الثاني وبدأ توتر آية يزداد لضيق الوقت، وعدم قدرتهم علي الخروج بالأمس تحدثت آية إلي أم مصطفى وطلبت منها أن تنام لترتاح، بدلاً من النوم علي كرسي بجوار أبنها لكنها أخبرتها أنها لا تترتاح إلا هكذا، ودار بينهم حديث طويل سألت فيه أم مصطفى آية عن الطريقة التي تعرفت عليه فيها هي وزوجها وكانت تقصد فؤاد وبدأت آية في اختلاق الحكايات وأخبرتها أنه كان يجلس مع زوجها في نفس الغرفة ووجدوه فاقداً للذاكرة، فتعرفوا عليه وبدأوا يساعده وشكرتها أم مصطفى كثيراً علي ما فعلته.

ذهبت آية إلي جابير وأخبرته بأنه لا مفر من الخروج الليلة مهما حدث وعليه أن يخرج دون أن يعير أي إنتباه لما خلفه، وأتى الليل ووجد جابير أم مصطفى بجواره تذكره بأمه التي قصر في حقها يخشي أن يتركها ويهرب هكذا، فتح الشباك الموجود في الغرفة فعرف أنه سونه ثم فجأة وجد خزيم يجلس أمامه علي السرير فأرتعش خوفاً ونظر إلي السيدة

وعدل ظهره وأشار لخزيم بالخروج من الغرفة ثم وجد خزيم يتحرك في الهواء ويقترّب من أذنه ليتكلم فيها قائلاً:

- أنا عرفت إنت مين يا أشعم.

فنظر له جابر في عينه الحمراء المفتوحتان عن آخرها بكل قوة ولم يستطيع أن ينطق ببنت شفه وفجأة، فتح الباب بسرعة وكانت آية جاءت بعد أن أخبرها سونه نظرت آية مباشرة إلى خزيم بينما قالت أم مصطفى وهي تتحس إنها.

- في إيه؟

أشارت آية بيدها إلى خزيم وأخبرته بالخروج من المكان.

تكلم خزيم في أذن جابر قائلاً:

- أنا سمعت عنك كثير بس ماتخيلتش إن أنا اللي همسكك.

معدل كشر كثير بكره زي دلوقتي هتبقى بتاعي وهجيب كل الحرس اللي حرقتهم وهما بيحجروا وراك علشان يتشفوه فيك.

أشارت آية بيدها مجدداً إلى خزيم ليخرج من الغرفة، بينما قالت أم مصطفى:

- يا مصطفى إنت صحيت؟

حينها إختفي خزيم وذهبت آية لتغلق الشباك خلفه، وسمعت جابر يقول:

- أيوه يا أمه أنا صاحي.

- أجبلك حاجة يا ضنايا؟

- لأ يامه شكراً.

كانت آية حينها تقف علي الطرف الآخر من السرير، تراقب جابر وهو يتحدث إلى أم مصطفى التي تضع يدها علي يديه.

ثم رفعت آية يدها في الهواء وأخذت تشاور لجابر برأسها، بأنها تريد إجابة، ثم شاورت ناحية الشباك بيدها بأنها تريد الخروج من هنا فأشار جابر علي يد أم مصطفى التي تحتضن يديه وحرك رأسه هو الآخر، كأنه يبحث عن إجابة.

قالت أم مصطفى:

- هو الشباك مفتوح ولا مقفول يا مصطفى؟

وقامت من مكانها تتحسس السرير لكي تذهب ناحيتها فقال جاير مسرعاً.

- مقفول مقفول يامه.

فعادت مجدداً للجلوس مكانها بينما تنظر آية إلى جاير بكل قوة.

ثم ذهبت إلى الناحية الأخرى من السرير وإقتربت من أذنه وقالت له:

- النهاردة هخليهم يجوا يشيلوك النهاردة.

قالت أم مصطفى.

- بتقول حاجة يا مصطفى؟

نظر إليها وقال:

- لأ يا امه .

ثم عاد بالنظر إلى آية وأشار برأسه بالموافقة، فتسحبت آية وخرجت من الغرفة وأغلقت الباب

- هي إيه يامصطفى أصوات القفل والفتح دي في حاجة يا حبيبي؟

- لأ يامه.

- طب إنت مابتتمش ليه يا ضنايا إيه اللي قلقك؟

نظر إليها جاير وقال:

- مفيش يا امه.

فقبضت بيدها اليمين على يده اليمين وقالت:

- ماتسبنيش تاني يا بني والنبي.

فنظر إليها مصطفى وقال:

- حاضر.

* * * *

فتحت آية شباك الغرفة وقالت لسونه:

- ودونا إحنا الأول عند العربية وسيبونا فيها وبعدين إرجعوا هاتوه ماشي؟

سونه:

- حاضر.

آية:

- لو مارضاش يجي شدوه غصب عنه.

سونه:

- خلاص ماشي هنودي مين الأول؟

آية:

- ودوني أنا الأول وبعدين تعالوا هاتوا فؤاد علشان أعرف أدخله في العريية.

أشتان:

- ماشي.

كانت آية تقف في منتصف الطريق بين السرير والكنبة فتحت ذراعيتها، وأتي سونه في ناحية اليمين

وأشتان في اليسار، ورفعوها عاليا وقالت وهي خارجة من الغرفة لفؤاد:

- ماتقلقش هيجولك دلوقتي.

- فاكراً أخوك حسين يا مصطفى.

قالت أم مصطفى وأستغربها مصطفى ولم يعرف ماذا يقول، فأكملت قائلة:

- هو إنت فاقد الذاكرة أوي كده.

- معلش يامه.

- ولا يهملك ياعين أمك.

- فكّرني بيه والنبّي.

أكملت الام كلامها:

- أخوك حسين كان تحتك بسنة الله يرحمه مات وإنّتوا في ثانوي لما رحتوا رحلة راس البر مع المدرسة

وغرق.

وبدأت في البكاء ومسحت دموعها بكم جلبابها.

- كنتوا روح واحدة فضلت تعيط شهر بعد ما مات.

ظهر سونه وأشتان علي يسار جابير.

سونه في أذن جابير:

- ياللا.

إلتفت جابير إليه ثم إلي أم مصطفى التي تبكي، ثم عاد إلي سونه قائلاً:

- مش هينفع.

فرفع سونه حاجبه قائلاً.

- هتيجي بالهدؤوه لاما هنشذك.

فتح أشتان الشباك فأصابه الهواء وهو يفتحه فأصدر صوتاً جعل أم مصطفى تقوم من مكانها قائلة:

- هو إيه حكاية الشباك ده؟

وبدأت تتحسس السرير.

نظر سونه إلي جابير قائلاً:

- ياللا لاما هتيجي بالعافية.

جابير:

- مش جاي.

نظر سونه إلي أشتان فذهب أشتان الناحية الأخرى من السرير وقاموا برفع جابير من علي السرير.

فأخذ يقاوم بشدة، مما أصدر صوتاً.

فعادت أم مصطفى إلي السرير.

- إيه يا مصطفى في إيه؟

وأخذت تتحسس السرير، فلم تجده عليه وأخذت تنادي.

- يامصطفى؟ إنت روح فين يامصطفى؟ يا مصطفى؟

وتحركات بسرعة تجاه الناحية الأخرى من السرير فأصطدمت برجل السرير فوقعت علي الأرض

وأخذت تنادي علي مصطفى.

عندما خرج جابير من الشباك معهم بدأ يصرخ فيهم وهو في الهواء.

- رجعوني رجعوني.

وبدأ يحاول أن يفلت منهم لكنهم أحكموا قبضتهم عليه حتي أوصلوه للسيارة وأنزلوه أمامها فوجدته آية، متعصب فنظرت له بينما هو مسنود علي سونه وأشتان وقالت:

- إنت عايز إيه؟ عايز تموت؟!

جابر:

- رجعوني.

آية:

- بقولك إيه أنا مش ناقصة جنان، الواد ده كده كده ميت، لو رجعت هتقعد مع ابنها يوم وهيموت علشان الحراس هيجوا يموتوك ولو خادوك منها ممكن يشرحوا جثتك في البيت، عايز إيه؟
بص في السما.

نظر جابر إلي السماء فوجد القمر قارب الإكتمال تمامًا.

أكملت آية:

- معدلکش إلا بكره وبعدين هيجوا يأخدوك عايز تقضي آخر يوم عندها نرجعك؟!
لم ينطق جابر ببنت شفه، ودخل إلي السيارة التي قادها سونه وأشتان وآية تجلس بجوارهم في الأمام ، بينما يجلس جابر في الخلف متحاملًا علي الأمه وبجواره، فؤاد هو الآخر يضع يده علي بطنه التي يشعر بأن فيها نار.

جابر:

- مكنش مفروض أمشي.

نظر إليه فؤاد قائلاً:

- لو فضلت هنا هتموت .

نظر إليه جابر نظرة مطولة، يشكيه فيها فؤاد لنفسه فهو السبب في كل هذا شعر فؤاد بأن تلك

نظره تأنيب فرد قائلاً:

- ياعم أنا مش بإيدي حاجة والله أنا نفسي أساعدك ربنا يعلم أنا إستجدعتك أذّ إيه؟ بس أعمل

إيه؟ ..

كانت السيارة تلف من ملف ثم إنهالت الطلقات النارية علي السيارة فزاد الجن سرعتها، بينما إنبطح الجميع بصعوبة في تلك السيارة الصغيرة وإستمروا في الجري بالسيارة، وطلقات النار تأتي بقوة من خلفهم وتصيب السيارة، ثم فجأة شعروا بأن الطلقات لم تعد تصيب السيارة مع إنهم يستمعون إليها ومضاعفة إستمرت السيارة في الحركة حتي أبتعدوا تمامًا عن إطلاق النار ونظرت آية بعينها إلي الكنبه الخلفية فوجدت فؤاد مرمي بقوة ناحية اليسار فاقد توازنه فسألته:

- في إيه؟

فأخبرها.

- بطني ألم فظيع.

- جاتلك حاجة فيه؟

- لأ.

ثم نظرت ناحية جابير الذي يجلس بشكل معتدل علي الكرسي، وينظر ناحيتها فسألته:

- في حاجة؟

فلم يرد.

ثم وجدت سونه يظهر من خلفه بعد توقف السيارة، يتلاحم جسده في جسد جابير أنزل سونه رأس جابير للأمام فوجدوا فيها رصاصة من الخلف والدم ينزل منه أصابعهم جميعًا الملح لرؤية ذلك المنظر وبدأت آية تنادي عليه.

- جابير جابير؟

كان يفقد الوعي.

ونظر إليه فؤاد ووضع يده علي رأسه مكان الرصاصة، وسأله وهو ينظر له مباشرة في عينه.

- يا جابير جابير في إيه؟ جابير ردّ عليا ؟

نظر جابير إلي فؤاد نظره أخيرة ثم أغلقت عيناه فأخذ فؤاد يصرخ وهو ينادي عليه.

- يا جابير جابير؟

فتح سونه وأشتان الباب وحاولوا إخراجهم من الباب وأخرجوه وخرجت آية، تحمله معهم، ثم وضعوه علي الأرض وحاول أشتان إخراج الرصاصة وفشل بينما ينظر فؤاد إليه، في خوف شديد

ثم قال أشتان:

- مش عارف أطلع الرصاصة .

آية بسرعة:

- طب ودوه أي مستشفى.

سونه:

- طب مانزله تحت وخلاص.

صرخت آية:

- ودوا في أي حطة إخلصوا ولا إعملولوا إنتوا أي حاجة.

نظرت أمامها بينما يرفع سونه وأشتان جابير فوجدت إطلاق نار في الهواء، ثم وجدت شاهين يجري مسرعاً حاملاً سلاحه، وذهب في اتجاه أخيه ومسكه بيداه وأخذ ينادي عليه.

- يامصطفي مصطفي؟ علمتوا إيه في الوله؟ طلعتوه بره ليه؟

ثم نظر ناحية آية بينما أمسك مصطفي إثنان أخران، ولطم آية بقوة علي وجهها.

- أنتوا مش مصدقين أن إحنا أهله ياولاد الكلب، طلعتوا بره ليه؟ قلنالكم ولاد المسيري هيقتلوه.

ثم توجه بنظره إلي جابير الفاقد الوعي تماماً، والذي يحمله الرجاله علي أكتافهم ثم نظر إلي فؤاد الذي اقترب منهم، وهم بضربه هو الآخر لكن الدموع التي كانت تملأ عين فؤاد منعتة من أن يضربه حمل الرجاله جابير حتي المنزل، بينما جلس فؤاد علي الأرض وأخذ يبكي وهو يسند ظهره علي السيارة ويقول:

- أنا بيعط أهو خلوه يعيش بقي أنا بيعط أهو.

وأخذ يبكي وآية بجواره وظل يقول :

- أنا بيعط أهو.

ثم سمع صوت شاهين من بعيد.

- هموتكوا كلكم يا مسيريه، يا ولاد الكلب.

وطببطبت آية علي فؤاد الذي يبكي بشدة علي فراق جابير.

ونظر لها فؤاد وإلي سونه وأشتان وأخذ يقول:

- أنا بعيط أهو خلوه يعيش بقي أنا بعيط أهو.

وضعوا جثة مصطفى في الدور الأرضي وبدأوا في تخطيط الجرح، وتعريته كي يغسلوه ونزلت أمه إلى الكنبه التي يضعونه عليها كي تتحسس جسده وهو عريان أمامها وظلت تبكي كثيرًا وهي تتحسس بيدها جسد أنها العاري وتقول:

- يا مصطفى يا مصطفى؟ سبتي ليه يا مصطفى؟

ثم فجأة شعرت بألم شديد في عيناها فتأوهت فنظر إليها أحد الأشخاص وقال لها:

- في حاجة يا حاجة؟

فدعكت بيدها عيناها ثم رفعت يدها عن عيناها، فرأت إنها فأخذت تبكي

- يا مصطفى أنا شفتك يا مصطفى؟ أنا رجعت أشوف تاني يا مصطفى.

وأخذت تنظر علي كل شبر في جسده وتقبله ودخل عليها شاهين فإستغرب من أنها عادت تري من جديد.

كان فؤاد لايزال يسند ظهره علي السيارة، ويكي بعد مرور ساعات.

وكانت آية لاتزال بجواره تتطبطب عليه، ثم سمع صوتًا يقول:

- ياعم أنا كنت عايز منك دمعة واحدة مش العياط ده كله.

إنفضت آية لسماع صوت جابير، وأخذت تهلل:

- جابير جابير إنت فين؟

فتوقف فؤاد عن البكاء وظهر أمامهم جابير يجلس علي الأرض، بجسد الجني وينظر إلي فؤاد الخائف

من جسده فقال له جابير:

- ماتخافش أنا صاحبك بس في جسم تاني.

فؤاد:

- إنت لسه عايش إزاي؟

جابير:

- إنت عيطت قبل ما مصطفى يموت فبقيت حر ولما جسم مصطفى مات أنا روحي ماماتتش

علشان روحي حرة فرجعت بروحي، بس وخذت جسمي وأديني قدامك أهو.

ققامت آية من مكانها واحتضنت جابر بكل قوة.
ثم ظهرت سيارة أخرى خرج منها سونه فنظر إلى جابر.
- يا طيار أنت رجعت يا طيار.

وذهب سونه إليه واحتضنه بكل قوته وهكذا أشتان.
ثم نظر جابر إلى فؤاد الساند علي السيارة وقال له:
- إيه مش عايز تحضني ولا إيه؟

فتحرك فؤاد ببطء ليحضن جابر لكنه وجد نفسه في حضن جابر وطاير في السماء، ونظرت لهم
آية وسونه وأشتان وهم واقفين علي الأرض وكانوا في شدة السعادة ثم نظرت آية إلى أشتان وقالت
له:

بينما أختفي جابر وفؤاد.
- هو إنت لسه معاك الزمارة بتاعتك بتاعة الأعمال دي؟
أشتان:

- مش إترقتي عليها.
آية:

- خلاص بقي بطل رزاله.
أشتان:

- أه معايا.
آية:

- طب ماتشوفني كده معمولي عمل ولا حاجة؟
سونه:

- ليه؟
آية:

- أصلي حاسة أن فؤاد ده طيب شوية وعسل يعني .
فضحك عليها سونه وأشتان.

شَعَرَ جابير بغير الرضا، فجابير أخذ
حكمًا غيابيًا بالحبس ٣٠٠ عام،
وعندما قُبِض عليه كان من المفروض
تنفيذه، لكن يحق له المطالبة
بإعادة المحاكمة طالما كانت غيابيًا.
ذهبت إليه لتلتقي بجابير في
السجن - سجن البحر الكبير
الموجود أسفل البحر الأحمر -
ولا يوجد له منفذ من تحت الأرض،
وطريق الخروج الوحيد.. هو الماء.

محمد زيدان



Designed by: Sarah Seliman



ليبنت للنشر
والتوزيع